


KUTONDEZYA IJWI LYAKWE

 Katu ciimvwi a kukotamika mitwe yesu. Mwami Jesu, tuli lumbide kuli Nduwe cifumo cino ku coolwe ca kuboola mu Busyu Bwako mu ng'anda Yako, omo bantu Bako moba bungene mu Zina Lyako. Elyo boonse mbi Bako, Mwami. Elyo twali tuula kuli Nduwe lino ku bulangizi mbo tu jisi mu myoyo yesu ku i—i kuswaangana kwa baabo batakwe Leza a batakwe Kristo, kutegwa bayo futulwa, a baciswa bayo ponesegwa, a basalali bayo lelekwa. Ko cipa, Mwami. Elyo mpawo kumamanino, tuyo kotamika mitwe yesu mu bubombe a Ku kupa lulumbaizyo nkambo ka zyoonse Nzo cita kwiinda kuli ndiswe buzuba buno. Nkambo mu Zina Iya Jesu motwa cilomba. Ameni. Inga mwa kkala.

2 Ndili lumbide incobeni ku coolwe cakuba okuno alubo sunu, a kambo kanu no bantu nywebo nomweenda kulaale maningi kubolela Mulumbe, ku kuswaangana cifumo cino. Ndi lizi tiimwa boolela buyo kuzo bona nanka kuzoswiilila biyo ndime, mwaboola kuswaana Mwami Jesu. Elyo aboobo Ndi syoma kuti Uyo mupa kuyandisya kwa myoyo yanu.

3 Lino Ndili—nda joka, kujokela, kutola mukwasyi ku Tucson a kubweeda. Ndili katede a kudekela. Elyo Ndali kweenda ciindi coonse ca mainza, kuzwa mu Mukazimaziba wainda, elyo lino Nda boola kuunka kumusanza mu Kentucky mvwiki ino, kwiinka kuyo vwima a beenzuma bamwi, kusola kupumuna aniini. Ci ndibamba kulibilika loko, nywebo mulizi, aboobo Ndili. . . Billy a Mbebo tu tandila kuunka, aboobo tu—tu komba kuti Leza uyo tu gwasya mvwiki ino kupumuna.

4 I Mwami nawayanda, Ndi yanda kujokela okuno alubo Munsondo mutobela ikuti na Mwami wayanda. Elyo Ndi yanda kuswaangana kusalesale Munsondo mutobela. Ee, Ndi yanda ku cita cintucimwi caandeene aniini kwiinda mbuli lyoonse. Lino, Nda cipa eci kutegwa bantu abo bayo. . . inga bata yanda bateeleli kuboola, pele lyoonse tula kombela baciswa, Mwami nawayanda, cindi bantu baboola. Elyo Munsondo mutobela Ndi yanda kuyo ziba eco cili aa myoyo yanu. Ndi—Ndi yanda kuti mulembe amapepa, sunu, cindi mwazwa, a kuli bikka atala aa desiki, elyo Mukwesu Neville uyo ipa kuli Billy Paul, elyo walo kuli ndime, eco cili aa moyo wanu. Kwaamba buyo. . . ikuti na mubuzyo wa mu Bbaibbele, kanji Ndi ujisi mu nzila eyo. Ndiyo cileta antangalala aniini ambele lino, ambweni kuli penzi limwi aa moyo wanu oyo—elyo ngo—ngo mu takonzyi kuzwidilizya bumwi, mbuli eelyo ndo mujisi, oh, ambweni penzi Iya kung'anda. To elede ku saina zina lyako kuli nguwo, pele buyo, “Mwaalumi wangu ucita boobu-a-boobu nkabela cilandi sinkila.” “Mukaintu wangu ucita boobu-a-

boobu.” “Elyo—elyo kuli—kuli cintu cimwi citola busena mu buumi,” na—na cintucimwi, eco ncozi, eco buyo cili aa moyo wako, cintucimwi eco cikupenzya. Ndi yeeya kuti inga caba kabotu. Mula cita? Mpawo kuziba buyo awo, elyo ambweni wa buzya mubuzyo nkabela ambweni Nda ingula wa umwi umbi. Mwabona, inga kaba jisi penzi ndyoonya. Elyo eco buyo cili aa moyo wako, ko cifwiimpya buyo mbuli mbo kukonzeka, mbuli, “Ndi jisi mwana oyo ulibonya kuya bulubila, ino ncinzi Nce elede ku cita?” “Ndi jisi i—i mulumi oyo utabooli ku mbungano antoomwe a ndime. Uba sikamikami kuli ndime, ino ncinzi Nce elede kucita?” Na, mukaintu, nzila njionya. Na—na, nywebo mulizi, “I Bbaibbele lyaamba *eci* mu busena bumwi a *eci* mu busena bumbi, Nse mvwisi *eci*. Ezi, Ndi yanda kuziba eco nco Lya amba.” “Elyo sena Nde elede, mu ciimo ca Munakristo, cindi Ne beleka ku ofesi elyo mweendelezi waamba zintu boobu-a-boobu, elyo ula ndilomba kuunka awalo ku cipobwe, elyo mu cipobwe *eci* bala nywa, ino ncinzi Nce elede kucita?” Mwabona, buyo, nywebo mulizi, zintu zibaanga zili mu mizeezo yabuntu. Tu muyanda kucita.

⁵ Elyo, nkabela, mpawo Nde—Nde elede ku jokela mpawo, kwamana ceeco, ku Arizona. Elyo Ndali kuyeeya kuti inga Nda—antela kujana kaindi kubaanga nku mugwasya kumvwisya, a ku bubotu oko Nkwe konzya. Ndi kuyanda kuba a minji Nje konzya ibikkwe aa cikambaukilo sunu kamu tana unka. Ko ulemba buyo a kuubika kutala oku, elyo—elyo Mukwesu Neville na umwi wabo uyo ipa kuli ndime. Elyo mvwiki ino, kunselelo lya mulundu, Ndi yooba a—a kaindi ka kuulungalanga alimwi—alimwi kuukombela, a ku jana bwiinguzi bwa Lugwalo bwa ndinywe ku zintuzyonse ezyo Nze konzya, ku mugwasya. Ako nkekaambo nco tubungene awa, nku gwasyanya umwi aumwi. Mwabona? Mula ndigwasya mbuli mbo mu ndikombela, elyo Nda syoma Nda konzya ku mugwasya. Lino, mpawo, muta lubi, kuti oko kunooli Munsondo mutobela cifumo.

⁶ Elyo lino, sunu, tuli. . . kuli beenzu a kati kesu, mbuli kanjikanji. Elyo mbangaye abo bazwa kulaale kwiindilila mamaile ali mwaanda, tambika janza lyako? Ayo mapeseenti aali makumi alifuka afuka aa mbunga. Mazuba aa Munsondo masyoonto ainda, Nda kati, “Mbangaye bazwa *kulaale-boobu*,” na cintucimwi, elyo Nse kabona maanza kuzwa ku Jeffersonville. Huh! Buzuba bwakatobela Nda kali bona, nokuba kuti, ba kati, “Mukwesu Branham, boonse beenzu banjila,” a kuti, “twa balekela buyo kubweza masena esu mu mbungano.” Aboobo kati ba boola, bali myaanda banjila elyo titwa konzya kunjila, kati, “Nkaambo twa bona beenzu, mwabona.” Lino, obo mbo bubotu bwa bantu baku Jeffersonville beengelede okuno. Tu—tuli—tuli lumbide kuli ceeco, Jeffersonville a New Albany, a bantu beengelede. Tuli lumbide kuli ceeco. Mbangaye bazwa kulaale kwa mamaile aali cuulu? Ma! Mbangaye bazwa kulaale

kwiindilila aali cuulu, amu tambike maanza anu? Oh, maawe! Eco ncibotu. Eco nci. . .

7 Munsondo mwainda, yakali mvwiki yainda, Nda kakanana aa ciyo, *I Muunzi Uuciza Wa Nabwiinga A Simusa*, elyo Ndi yeeya kuti twakali kuzwia kwa mamaile ali myaanda ili kkumi ayosanwe mukweelana kuzunguluka. Elyo, caka citika kuba, oko kwakali kweeleka kwini kwa Muunzi Ngwe kali kwaambaula, mamaile ali myaanda ili kkumi ayosanwe mukweelana. Ndali kulya ali Oyo kuzwa leelyo, kuziba kuti cindi buumi obu bwamana, Ndi inka ku Munzi oyo. Ndi inka ku Munzi oyo, alimwi taakwe cintu ciyandisi. Ino kuti zuba tali mweki sunu, na juunza lita booli, ino ndwaandano nzi ndo lupanga? Tuli jisi Muunzi, Busena bwa kulyookezezya. Kukatala nanka kutakatala, tuci bujisi Busena obo bwa kulyookezezya. Yebo wati, “Eco nciloto ca mudaala.” Peepe, embo pe. Embo pe. Bwalo Mbwini bwa Bbaibbele.

8 Busiku bumwi kumane kukanana okuno, kwakali muntu waka vuumukila kunze lya cibumbili kuno, mbuli Mbwe kali kuzwa ku mulyango, kali kusola ku ndigwisya mu mootokala. Elyo mulombwana oyu muniini wakati, “Ndi yanda buyo kwaamba bbala lyomwe kuli nduwe.” Billy a bamwi bakwesu bakali kusola kundi kkazika mu mootokala. Wa kati, “Sena inga Nda amba bbala lyomwe buyo?”

Nda kati, “Koamba, munene.”

9 Elyo wa kati, “Wali kwaambaula sunumasiku, kujatikizya kutapatila banakazi, inzila mbu bakali kusama, kusama zisani zyalo.” Kati, “I mwaalumi wa sela mbuli nduwe inga wayeeya boobo, pele ikuti na nooli wa sela lyangu inga wa yeeya bwaandeene.”

Nda kati, “Uli a myaka yongaye?”

Wa kati, “Ndila makumi obilo aciloba.”

10 Elyo Nda kati, “Nda kali kkumi, kkumi ayosanwe muniini kwiinda nduwe, Nda kali kukambauka cintu nciconya.” Wabona? Nda kati, “Nceeco cili mu moyo wako, mulombe. Meso aako alabona kwiindilila moyo wako.” Elyo wa kagomeka buyo mutwe wakwe a kweenda kuzwa. Nda yeeyela ku cinyina bwiinguzi bumbi kuli ceeco. Mwabona, ciya buyo kuli ceeco cili mukati *awa* nce ncico eco ciyo libonya kwiinda *awa* a *awa*. Mwabona, Jesu wa kati, “Ikuti na waamba caandeene kuzwa kuli ceeco cili mukati *awa*, mpawo waba sikuupaupa.”

11 Ndili kkomene cifumo cino, kubusenabumwi mu mbunga, kuba a—a mweenzuma wangu muyandisi loko, mukwesu, Mufundisi Eddie Byskal a mukaintu a bana bakwe. Ndi yeeyela kuti banjila mu muswaangano cifumo cino. Eddie, sena nkoli? Ndali—Ndali kuyeeya kuti uli. . . Ee, ambweni ta konzya kuboola. Mukwesu, oh, iyyi, nzila. . . Lino, elyo talili kkona lya “ameni,” Eddie. Wa tambulwa atala awa aa cibumbili antoomwe

andiswe, baketausi, ikuti na uyanda kuboora. Elyo mpawo twali aa. . .

¹² Mukwesu Eddie wakali antoomwe cindi Mwami naka ndipa cilengaano kujatikizya masekese a munyama karibou. I. . .Mbangaye bayeeya eco cindi Ne kamwaambila? Yaa, wa kaliko. Wa kali mulombwana muniini wakasamide shaati lya mampana, Mukwesu Eddie Byskal. Elyo wakaima alya oko. . . a kubuzya. . .Nda—Nda kababuzya ikuti na baka jisi shaati lya mampana, naba omwe wabo. “Nee,” taakwe naba omwe waka jisi. Nda kati, “Ee, inga lyaba. . .Lyeedele kuba shaati lya mampana. Ku yooba i—i masekese usalaluka mupati, a— a musyobo wa munyama umwi oyo ujisi mainchi ali makumi one a obile ku meja akwe, mbuli *boobu*, kali kuboneka mbuli munyama dia.” Elyo eyo yakali kutandila myeezi iili cisambomwe, Nda kaamba okuno, nywebo mulizi, kacitana citika; kaindi, kutandila boobu, oh, kufwambaana kwiinda boobu mu mwaka.

¹³ Mpawo Nda katambwa kutala kuya ku mwaalumi oyu, kuyo vwima. Nse najokede mu cisi eciya, kaindi okuya nko twakaunkide, elyo Nda ka caamba. Pele mukondo muniini, uli kulaale atala mu mugwagwamupati waku Alaska, oko kutakwe cintu pele buyo masamu a malundu a banyama. Elyo busiku obo mu tulela cindi Ne kali kwaambila Mukwesu Byskal musule kuya elyo—elyo Mukwesu Southwick, wa kati, “Ee, Nda—Nda. . .Tu unka kutala mu cisi cambelele,” kati, “taku kabi kutala okuya.”

¹⁴ Elyo Nda kati, “Iiyi,” elyo Nda kati, “wakali umwi wa balombwana baniini antoomwe a ndime waka samide shaati lya mampana.” Taakwe umwi waka jisi shaati lya mampana, Mukwesu Byskal taka jisi lyomwe, taakwe umwi wesu waka jisi lyomwe.

¹⁵ Busiku bwabili kutala, twa kabona, zwetuzya mugutu wambelele kulaale atala lya mbali ya masamu aamapulanga. Lino, oko nkulaale kutala oko masamu aamapulanga nkwata komeni, oko kutakwe cintu cita banyama ba karibou a mbelele, elyo twa kazwetuzya zimwi kulaale maningi. Elyo mu mugwagwa kunselele masakati ayo, Mukwesu Byskal waka tezelekela mu maanzi a kuteta.

¹⁶ I cifumo cakatobela twa kafuma kubuka a kutalikila kutobezya bagutu bambelele abo mbo twakali kuyeeyela kuti tuyo jaya. Elyo muli cakwe. . .Twa kasika okuya elyo twa kali. . .kalilide cisuusulo cesu, elyo titwaka konzya kujana bagutu bambelele, elyo Mukwesu Byskal wakazwa kadubula munyama karibou. Aboobo mpawo Mebo, kulangalanga koonse, elyo twa kaunka kutala, Mukwesu Southwick wa kati kuli ndime, kati, “Nda syoma tuyo. . .ikuti na uyanda kweenda kabotu ncobeni, Mukwesu Branham, tula unka kuzwidilila kweenda ku mulundu

oyu, kuselemukila mu busena obuya, balo bagutu bambelele ambweni ba zabukila kokuya,” luli ndweendo lulamfu. Pele takusiyi ndiza mane kwasiya ncobeni, ziindizimwi ndiza inga kwaba kuma teeni na leveni okuloko.

¹⁷ Elyo ndweendo lubotu lulamfu loko atala a malundu aamabwe maningi. Aboobo Nda yandisya kweenda, elyo aboobo swebo katwiimvwi okuya a maboko esu kagwambatene kuli umwi aumwi, zyoonse zyobile zilezu zyesu ziya butuba, a maboko esu kagwambatene umwi aumwi, kulila a kuziba, Nda kati, “Mukwesu Bud, Nda syoma buzuba bumwi, mu Mileniamu, Nda konzya kweendeenda malundu oonse okuya.”

¹⁸ Wa kati, “Nda syoma Ndili a nduwe, Mukwesu Branham.” Elyo twa kaliimvwi okuya, katu kondwa buyo mu Mwami. Elyo Nda yandisya malundu kabotu loko!

¹⁹ Elyo mpawo twa kaunka kunselelo. Eco nce cindi Mukwesu Byskal naka dubula i—i—i munyama karibou. Oyo, walo ngu missionari ku bama India, elyo wa kali kuyanda kusanizya oyu kuli bama India bakwe. Aboobo twa kaunka kunselelo, kalya cisusulo cesu, a kufundula munyama karibou a kujokela.

²⁰ Bud a Ndime twa kali kuunka atala aa mulundu, elyo twa ka zocitika kulanga koonse, elyo ku musinzo mulamfu, a bbainokkilasi yangu, Nda kazwetuzya munyama oyo Ngwe kabwene, mu buboneki boonse bwabusena, mbuli Mbwe mwaambila okuno. Mukwesu Byskal okuya, kaimvwi kwini kumbali lyesu. Elyo aboobo Nda kati, “Nguulya munyama oyo.”

²¹ Elyo wa kasama bbainokkilasi, a kuti, “Walo munyama karibou, mucende, mubbabbani ncobeni mukulukulu.”

²² Elyo Nda kati, “Nse nabwene, Nda kali kuyeeya kuti baka jisi meja aongomene mukati.” Pele oyu waka jisi ayandilide, wa kali cintu cigambya kulanga, mbubonya buyo Mbwe kabona mu cilengaano. Nse nadubwide munyama karibou.

²³ “Aboobo, ee,” wa kati, “ikuti na Mwami wa mupa kuli nduwe,” kati, “eco inga buyo . . .”

²⁴ Nda kati, “Iiyi, eco ceelede kuba ncico. I cintu buyo eco Nce gambidwe ndeelyo shaati lya mampana.” Elyo Nda kalanga koonse, elyo Mukwesu Eddie, mukaintu wakwe kweelede kuti wakali bikka, waa kali a nguwe, kweelede kuti wakali bikkide mu kabbeeke kakwe kalomponokede. Cindi nakateta buzuba kabutana, wa kacinca mashaati, elyo mpaawo kwakali shaati lya mampana. Nda kati, “Eli ndendilyo.”

²⁵ Cindi Ne kasika okuya a kujaya munyama karibou, walo, Bud, kati kuli ndime, kati, “Lino, Mukwesu Branham, waamba kuti meja aya nga mainchi ali makumi one a obile?”

Nda kati, “Obo mbwa yooba.”

Wa kati, “Kuli ndime alibonya kutandila ku makumi ali fuka a obile.”

Nda kati, “Peepe. Alo mainchi ali makumi one a obile.”

²⁶ Wa kati, “Lino, kweendelanya kuli nco ka ndaambila, katutana jokela ku mulombe ulya kunselelo okuya wakasamide shaati lya mampana, Eddie,” (oko nkubakali kuyo tu swaana kunselelo lya tako ilya mulundu, mamaile masyoonto), kati, “uyo jaya masekese usalaluka.”

Nda kati, “Ngu MBUBOOBU MBWA AMBA I MWAMI.”

²⁷ Wa kati, “Mukwesu Branham, ino nkokuli nkwarzwida? Nda konzya kubona kwa mamaile ali makumi osanwe koonse.”

²⁸ Nda kati, “Ucili Jehova jire. I Mwami ulakonzya kuli bambila Lwakwe, mwabona. Ula konzya kubamba basikaale kulengwa. Ikuti na Ula konzya kubamba mugutu wambebele kuti alengwe, ikuti na Wa kacaamba kujatikizya masekese, masekese ulakonzya kulengwa.”

²⁹ Swebo katusola kubweza munyama oyu karibou ulema kunselelo, icilumbo cakuzwidilila, kunselelo lya mulundu, elyo Nda kabwezedo cibeela ca raifo kuciindi, elyo mpawo wakali kunga wa bweza raifo, a bwaandeene. Elyo cindi nitwa katandila kusika ku cuulu cipati cacaanda, baa, twa kasika kuni okuya. Kwa kali kubaanga kulapya, twa njila mukati cuulu cacaanda, a kukkala aanso okuya kwakaindi kaniini kulitontozya. Wa kati, “Uli zyi, Mukwesu Branham, tatu na sika kutandila maile kuzwa oko Eddie a Blaine, balo balombe bobile, nko baimvwi. Oyo masekese mukulukulu ncibotu weelela kuyutuka.”

Nda kati, “Bud, Nda syoma ula cidonaika.”

³⁰ Wa kati, “Mukwesu Branham, mukwesu wangu wa kajisi kasuntu kwa myaka minji loko. Elyo wa kandaambila limwi, ciindi citaanzi atala awa, cindi nitwa kaunka kunselelo ku busena bumwi bumbi, kandaambila obo mulombe oyo mbwa kali kulibonya.” Elyo Eddie wakali tantide nkoonya kumbali lyangu okuya, aa bbiza, cindi Mwami nakapa cilengaano. Nda kabaambila eco caku cita a mulombe; kasuntu kakaleka. Elyo lino wa kati, “Nse konzyi ku cidonaika.”

³¹ Nda kati, “Bud, Nsezi oko masekese nkwa zwida.” Pele Nda kali kutandila ku makumi osanwe, lino Ndi jisi makumi osanwe ayosanwe, aboobo eyo yakali kutandila myaka yotatwe yainda. Nda kali kutandila ku makumi osanwe aibili na makumi osanwe aiatatu. Nda kati, “Nse na Ci bwene kukakilwa. Leza uyo ndipa oyo masekese usalaluka Nke tana kusika ku balombe abo.” Elyo twa kali kutandila kunselelo oko tuvuna tuniini twa girini lyoonse twa matu mbuli nyeleti a masamu aamapulanga nitwakatalika mukati.

³² Kunselelo maningi aniini a cilundu, twa kali kutandila mu masamu aamapulanga, wa kakkala ansi. Ngo nguwe oyo waka bwezedo icilumbo cakuzwidilila mpawo, Nda kajisi raifo. Elyo

wa kati, “Oyo masekese mukulukulu nkubotu ayutuke, tana yutuka?”

Nda kati, “Uyo bako. Uta pengani.”

Wa kati, “Nda konzya kubona ku zyuulu zyoonse.”

³³ Nda kati, “Nda . . . Pele Ndi bona cisyomezyo!” Mwabona? Mwabona, Wa kasyomezya. Nda kati, “Kufumbwa eco Nca . . .” Nda kati, “Bud, ncinzi eciya cikkede ncobeni okuya?”

³⁴ Wa kalanga, kati, “Ngu masekese mupati usalaluka.” Kati, “Ulya ngonguwe.” Cindi nitwa kajaya masekese usalaluka a kujoka . . . Nda kayeeya mu cilengaano Nce kakwaambila, Nda kali yoowede kujatikizya raifo. Ya kali niini loko .270, misyonga misyoonto, nywebo mwabona. Cilaa teepu. Elyo Nda kajaya masekese, kutandila buyo mayaadi ali myaanda yosanwe, mbuli mbu Ca kaamba. Bud kati, “Ncibotu umudubule masekese ulya kusule.” Wa kati, “Sena waninga dubwide masekese usalaluka?”

Nda kati, “Nee.”

³⁵ Wa kati, “Oh, tabazi kuti lufu ninzi!” Nda kaiya eco nikwakamana ciindi cisyoonto. Aboobo wa kati, “Ta bafwi ku kuyuntaanizigwa kubbi kwakubbotoka,” kati, “yebo ncibotu umudubule.”

Nda kati, “Kweendelana ku cilengaano, Nda kamudubula mu moyo.”

³⁶ Wa kati, “Ee, ikuti na cilengaano eco cakaamba boobo, Ndiyo kwiiminina.”

³⁷ Elyo Nda kati, “Mpaawa atweende.” Elyo twa kaswena muni aniini, elyo cindi ni Nda kanyamuka, masekese wa ka ndibona. Eco ncencico ncakali kuyanda, ku dinka. Elyo Nda—Nda kadubula masekese, tii yaka libonya kuti yakamucisa kwalo. Mpaawa wakaboola! Elyo Nke tana bikka musyonga umbi mu ntobolo, masekese wa kafwa kutandila ku mayaadi ali makumi osanwe kuzwa kuli nguwe.

³⁸ Bud wakali kutuba ku mulomo, wa kati, “Mukwesu Branham, Nseli ku muyanda kukulanganisigwa kwangu.”

Nda kati, “Nseli kuyanda ambebo.”

³⁹ Kati, “Nda kondwa cilengaano eco cakati wa kamujaya.” Wa kati, “Lino, ikuti na ayo, ikuti na meja ayo mainchi ali makumi one a obile, Ndi yooba a . . .” Ndiyo caamba munzila mbwa kacita, kati, “Ndiyo ba akugaanyana kwa koongolola.”

⁴⁰ Nda kati, “Ee, uli cijisi ndyoona lino, nkaambo mbombubo mbo ciyooba.”

⁴¹ Cindi nitwa kasika kunselelo ku Mukwesu Eddie, Nda kati ku Mukwesu Eddie . . . Twa kaanga mabbiza, akali kuyoowa masekese. Elyo, oh, ma, akali kumu nunkizya. Tii twa kakonzya ku mufunda, kwakali siide; kacita kujokela buzuba butobela. Elyo mpawo twa kakosaula lutambo kutandila zindi zili kkumi,

elyo mabbiza kazuzaana konsekoonse. Aboobo mpawo cindi ni twa kasika kunselelo okuya, wa kati . . . Kainka a kuyo bweza teepu yakupimya kuzwa mu cuuno camusana, kati, “Blaine.”

⁴² Nda kati ku Mukwesu Eddie, Nda kati, “Langilila janza eelyo liniini lino, kweendelanya . . .” Nda kayeeya kuti ambweni wakali Billy Paul, janza liniini kujata teepu lyakupimya koonse ku lwija. Nda kati, “Langilila janza eelyo liniini,” kaumauma Mukwesu Eddie. Twa katamukila musule. Wa kaibikka eeni atala mbuli *boobo*, mbubonya mbo kweelede, mainchi ali makumi one a obile. Mwabona, mbubonya buyo. Jesu takakilwi! Elyo Ijwi tali kakakilwi kufumbwa kuti lizwa kuli Leza.

⁴³ Nda zwetuzya buyo akati kesu, Mukwesu a Mucizi Jackson kuzwa ku South Africa. Ndi yeeyela kuti bazibisigwa. Elyo—elyo sena wacitwa, Mukwesu Jackson? Cifumo cino, amwiimikile, yebo a Mucizi Jackson. Ndi yanda biyo kuti balo babone. Mukwesu wangu, Eddie, ngooyu mulongwe wakaindi uvwimi kuzwa ku South Africa, awalo, kulaale kumusanza. I Mwami amu longezye, Mukwesu Jackson a Mucizi Jackson, kondwa kapati ku mutambula kuno antoomwe a ndiswe. Elyo boonse bakutausi mu buyake tambika janza lyako, boonse abo bali mu mulimo. Ee, eco cilikabotu alimwi ncibotu loko, cabota. I Mwami amu longezye. Tuli kondedwe kumutambula nyoonse okuno. Ndi yooba a mundando wamipailo mu maminiti masyoonto, aboobo Ta—Ta ndi . . . Ni Nda konzya kubamba nyoonse kwiima a kuboola atala a ku ndi kambaukila. Tuli kondedwe kapati kumutambula, nyoonse nywebo.

⁴⁴ Cindi, Nda yeeya busyomesi bwanu, a—a kuboola kulanduka cisi, azimwi zimbi, ku ndimvwa kukanana kujatikizya Mwami Jesu mubotu, kaanzambwene kanu nko mu jisi kuti Ula teelega mipailo yangu. Ndali kwaambaula kaindi kaniini kaina ku muswaangano wakubuziyanya kwakumbali kuli membala umwi wa mu mbungano eyi, kutali maminiti kwiindilila ku maminiti ali makumi one aosanwe ainda, mutumbu utyokede moyo. Elyo Mbwe talikila buyo kwaamba cintucimwi ku mwanakazi, (Ta ndizi na ulayanda kuti ndaambe na walini naa pe), mpaawo kwaboola Mumuni oyo nguonya ngo mubona mu cifoto eco. Wali koonse akoonse, waa unka kakkomene. Tuli kondedwe kapati, sunu, omu bukkalo buswenzuka mbo tuponamo, omo momu takonzyi kubikka kaanzambwene mu cintu cili coonse, tu jisi Bwami obo butakonzyi kuswenzuka, konzyi kuzwa. I Butasunzigwi! Kutali bbwe lya Gibraltar, pele lusyomo lwesu lulakonzya kukkalikila cakusinizya aa Bbwe lya Makkalo, ali Jesu Kristo, Bbwe litasunzigwi lya lufutuko.

⁴⁵ Ndi yanda kulumba mucizi oyo waleta kabbokesi kaniini kamabazu otatwe ako kajisi Bbaibbele mukati lya mukaintu wangu uli waano. Waa kabamba cizuminano ku Mwami kujatikizya kabbokesi aka kaniini. Waa kayandisya maningi. Ka jisi zimwi. . . mbuli zifoto zya kaindi ali nkako. Elyo waa

kalomba Mwami. . . Waa kayandisya maningi kabbokesi aniini, ambweni. Kabbokesi buyo kalyonse muciiimo ca piramidi. Elyo waa kaleta a Bbaibbele ku mukaintu wangu. Ndaku lumba, mucizi. Zyoonse zimwi zya zipego zyako ziniini a zintu ezyo nzopa Billy Paul a zeezyo, zya sika kuli ndime. Ndili lumbide nkambo ka zintuzyonse. Leza abe anduwe.

⁴⁶ Muta lubi lino, Munsondo mutobela cifumo. Kuswaangana kwamana buyo sunu, kolemba mubuzyo wako. Ikuti na tokonzyi, kaulete Munsondo mutobela cifumo. Ndiyo boola cakufwambaana aniini, mpawo abaulete mu kaanda, kutegwa Ndi kakonzye kuba a ciindi ca kuupa ntalisyo ya Lugwalo. Elyo tuyo ingula mibuzyo Munsondo mutobela cifumo, Mwami nawayanda.

⁴⁷ Lino, kuli tusila tunji tubikkidwe awa. Elyo Nda tutontela muni, kutegwa buyo ndijane angu—malembo angu anselelo awa, a lyangu. . . alyalo Bbaibbele lyangu, kutegwa, na Bbaibbele lyangu a malembo angu, mubwini, kutegwa Ndi konzye kuba busena buniini. Pele Ndili. . . Nda pailila kamwi akamwi.

⁴⁸ Ndiyo lemba malembo angu kuba amagwalo, Ndi jisi buyo kaindi kaniini. Nse komukkazika mbuli Mbwe kacita ciindi cainda ni Nda kali kokuno, kutandila maora one. Nda kapangila cisyomyo, ikuti na Nda teping'a kumbi mbuli oko, inga Nda aa teping'a lwangu okuno, naa cintucimwi cimbi, aboobo Nse elede ku mukkazika kwa ciindi cilamfu loko.

⁴⁹ Sena Mwii. Lee Vayle nkwali cifumo cino? Ndali kuyanda kubuzya ikuti na Mwii. Lee Vayle. . . Sena nkoli, Mukwesu Vayle? Tambika janza lyako ikuti na nkoli. Sena uli musule? Yaa, ndaku lumba, Mukwesu Roy. Elyo Ndi yanda kuti ube masimpe kulingaula malembo ayo, Mukwesu Vayle. Ula busenabumwi mu makamu kusule oko cakuti Nse konzyi kukubona, na mu buyake. Twe elede kulangilila, konzyi kulekela banji kwiimikila, basikulanganya zya mililo taba katulekeli ku cita boobo, nywebo mwabona, elyo aswebo mbo tucita. Ndi yanda kuti ulingaule ciyubunuzyo cangu aa Lunyungu lwa Nzoka, ceelede kubikkwa mu Bukkalo butaanzi, bwa Mbungano yaba Efeso obo mbwa lemba, kundi bambulwida bwaambe bwa mabala a mizila ya musyobo. Kucitwa kabotu! Elyo Ndi kuyanda kuti ulingaule eco alimwi kulekela umwi aambe cintucimwi kulwana Lunyungu lwa Nzoka lino (naa cakali luleme, na pe)! Aboobo Mwami wakazwaa kucipa kuli ndime ijilo, mwabona. Oh, cilisumpukide kapatu! Obo Mbwe jana mulumbe, Ndi noyabuya elyo Cintucimwi candijata mizeezo. Mpawo. . . Elyo ikuti na Nda ziba kuti ngu Leza, Ndiyo cibweza kuyabuya ku cijana mu Lugwalo. Mpawo Ndi jisi. . . Ta cina kakilidwe, pele, kuzwaku Matalikilo kusikaku Ciyubunuzyo, ceenda bwini, tacikwe makani eco bantu ncoba yeeya kujatikizya Ncico. Elyo caka indila maningi kwiinda kuzwa kuciindi Zinamatizyo ezyo

zili Ciloba. Mwabona, eco nca kacicita ciindi eco. Aboobo Mwami amu longezeye ono mbuli mbo twiia. Lino mu bulemu ku Ijwi. . .

⁵⁰ Elyo Nda syoma muntuumwi, injiniya, kufumbwa na nguni mbwabede aa, cili mukuba a kujokoloka kuniini kwa kumvwa zibelesyo zyakulizya awa. Lino sena mulakonzya kumvwa kusule, kabotu? Amu tambike maanza anu ikuti na mula konzya. Ncibotu!

⁵¹ Lino atu jule mu Bbaibbele, ku masena obile mu Lugwalo, elyo Ndiyo sola kuzibya mulumbe a kuzwa aciindi, ikuti na Mwami wayanda. Elyo lino atu jule kuli Marko, cipati 5, a ku Bami Bataanzi, cipati 10; Marko, cipati 5; Bami Bataanzi, cipati 10.

⁵² Lino, ku mweenzu oyo unga waba mu milyango yesu, eci, twa bikka Cikolo ca Munsondo mu kkilasi yomwe mpati. Elyo eyo nje kkilasi eyi okuno, nkaambo kakuti twaanda tuli zwide bantu elyo ta tu konzya kuba a makkilasi aandeene aa lyoonse, elyo tula iya aniini ku Ijwi, kuba a luswaanano antoomwe. Ta tu. . . Ta tuli kabungwe kali koonse. Ta tu jisi kabungwe. Tula angulukide buyo mu Mwami, alimwi ta twaambi nkamu yaciimo cakwiindilizya. Tu yiisya buyo Bbaibbele, alimwi Elyo luzutu. Elyo Mwami mubotu loko kuli ndiswe, kusikila Ula cisimpikizya a ku kutondezya kuti obo mbwini. Elyo Ci tupa kuumbulizigwa kupati.

⁵³ Elyo lino muli—muli tambwidwe kuba akati kesu kufumbwa ciindi. Lino, Nseli kokuno ciindi coonse, pele tuli jisi beembeli bamwi babotu okuno; Mukwesu Neville, umwi wa beembeli besu; Mukwesu Capps, umbi wa beembeli besu; a Mukwesu— a Mukwesu Collins, Willard Collins, uumbi, beembeli besu. Elyo mpawo tu jisi bamwi baandeene kuzwa ku zibeela zyaandeene, mabungano esu maniini nge tubeleka antoomwe. Ikuti na nkomuli mu—mu Texas, bakwesu bana Martin okuno, a Mukwesu. . . Ino nguni mukwesu oyo uboola anduwe okuno? Nse konzya kubona Mukwesu Blair cifumo cino. Oh, Mukwesu Blair, Nse kubwene, Mukwesu Blair. Mukwesu Ruddell, musule nkoonya okuno, imwi ya mabungano ku 62, imwi ya mabungano okuno aabuseli. Mukwesu Junior Jackson, ukkede mpoonya awa muni lya Mukwesu Blair, Nda mubona lino, umwi umbi wa mabungano esu aabuseli. Elyo tu jisi mabungano ku cisi kuzunguluka kuzwa kumasena oonse.

⁵⁴ Mukwesu Jack Palmer, mu lweendo lwakwe kutala, Ndi yeeya kuti bali zuzide aniini, a mootokala mpya ya mulombe wakwe, kubaanga nku, nywebo mulizi, kubaanga nkwiindilila aniini agolelwa kuzuzya, elyo banjila mu ntenda. Wa licisa mweebo wakwe, elyo taakonzya kuboola, wa jokela ku ng'anda. Aboobo uli mukuba kabotu. Elyo twa jisi. . . Mukwesu Ben, okuno, umwi uumbi wa bakwesu okuno kutala mu Kentucky,

wali mutuminide cifumo cino kubona kuti na bali kuyanda mali ali oonse na kufumbwa cintu eco mbungano ncoikonzya kubagwasya acalo, wa amba kuti zintuzyonse zyali kabotu. Elyo wali kunyona kkona akuzuza loko, nkabela wauma mu mabwe, alimwi ca pwayaula mweebo wakwe na cintucimwi. Elyo bazotumina kuzwa kumusanza okuya, cindi nanyona mootokala wakwe kunjila cikwankwani na cintucimwi, a—a kutuma ku kombelwa.

⁵⁵ Mukwesu Billy Collins awalo, tu lizi, kapwayaula munwe wakwe bubyaa bi loko, katyola cifuwa muli nguwo, Mbwe kamvwa, alimwi bakacita kubambulula. Aboobo tu yanda ku muyeeya mu mupailo.

⁵⁶ Elyo kaambo nco twiimina. Cindi notu syomezya busyomesi, ndembela noziinda, na kufumbwa cintu, tu laima nji lyaonse, na kusalyuuta, na kwiima, nokuceya, ku tondezya bulemu ku cisi cesu, eco nco tweelede kucita, a ku ndembela yesu. Elyo mpawo ino kujatikizya Mwami wesu, cindi notu bala Ijwi Lyakwe? Atwiime lino mbuli mbotu bala Musalali Marko 5, a kutalikila a kampango 21. Amumvwisye kabotu lino mbuli mbo tu bala.

Elyo cindi Jesu nakainda alubo mu bwaato kuya ku lubazu lumbi, bantu banji baka bungana kuli nguwe: elyo wa kali muni. . . i lwizi.

Elyo, amubone, mpaawo kwa kaboola umwi wa beendelezi wamu sinagogi, ulazina lya Jairasi; elyo cindi naka mubona, wa kawida ku matende aakwe,

Elyo kamulomba kapati, kaamba, Mwanangu musimbi uli lede muni a lufu: Nda kulomba, boola a kubikka lyako janza—maanza ali nguwe, elyo uyo ponesegwa; elyo. . .yo pona.

. . . Jesu wa kaunka anguwe; a bantu banji baka muccilila, a kumubungilila.

Elyo mwanakazi umwi, oyo waka jisi penzi lyakuzwa bulowa kwa myaka ili kkumi aibili,

. . . kapenga zintu zinji ku basilisi banji, alimwi wakamanizya zyoonse ezyo nzya kajisi, elyo taakwe nakaba kabotu, pele kwalo kwiindila kubija,

Cindi nakamvwa zya Jesu, kaboola mu bbunga kusule, a kujata cikobela cakwe.

Nkambo waa kaambide kuti, Ikuti na pele Nda guma zisani zyakwe, Ndiyo ponesegwa.

Elyo mpoonya awo kasensa ka bulowa bwakwe kakayuminina; elyo waa kamvwa mu mubili wakwe kuti waa kaponesegwa i ku cilwazi.

Elyo Jesu, ndyoonya biyo kaziba muli nguwe kuti nguzu zyakazwa kuli nguwe, kavuuluka walo kutandila i. . . mu bbunga, a kuti, Nguni waguma zisani zyangu?

Elyo basikwiiya bakwe ba kati kuli nguwe, Uli bwene makamu a kubungilila, elyo waamba...Nguni wandi guma?

Elyo wakalanga koonse ku mubona oyo wa kacita cintu eci.

Pele mwanakazi kuyowa a kubimba, kuziba eco caka citika kuli nguwe, kaboola a kuwa kumbele lyakwe, a ku mwaambila bwini boonse.

Elyo wa kati kuli nguwe, Mwanamusimbi, lusyomo lwako lwa kuponya; koya mu luumuno, alimwi ponesegwa ku cilwazi cako.

Elyo kucindi naka cili kukanana, mpaawo kwa kaboola kuzwa ku mweendelezi wa ng'anda ya sinagogi umwi oyo wa kati, Mwanamusimbi iwako uli fwide: nkaambonzi nco penzya Simalela akumwi?

Mbwa kamwida biyo majwi ayo Jesu aakaambwa, wa kati ku mweendelezi wa sinagogi, Uta yoowi kosyoma buyo.

Elyo taka yanda naba muntu kumutobela, cita Petro, ...Jakobo, ...Johane munyina wa Jakobo.

Elyo wa kaboola, kuza ku ng'anda ya mweendelezi wa sinagogi, a kubona penzi, alimwi cindi...alimwi abaabo bakali kulila a koomoka kapati.

Elyo cindi nakali kunjila, kati kuli mbabo, Nkaambonzi mula pengana, a koomoka? musimbi tafwida, pele uloona.

Elyo baka museka cakusabula. Pele cindi nakaba mwaila anze, wa katolelela bawisi a banyina a musimbi, ba musimbi (mubwini), elyo mpawo abo bakali a nguwe, a kunjila omo musimbi mwa kalede.

Elyo Wa kati ku musimbi, elyo Wa...(amu ndijatile)...wa kabweza musimbi ku kwanza, nkabela wakati kuli nguwe, Talita kumi; kwalo nku, kupandululwa kuti, Musimbi, Nda kwaambila, kobuka.

Elyo ndyoonya musimbi waka buka, a kweenda; nkambo waa kali...wa myaka iili kkumi ayobile yakukomena. Elyo ba kagambwa a lugambo lupati.

Elyo wa kaba lailila kwaamba kuti kutabi muntu kuciziba; alimwi Wa kalailila kuti cintucimwi kuti ceelede kupegwa kuli nguwe kuteeti alye.

⁵⁷ Mu Bbuku lya Bami Bataanzi, cipati 10, tubala tumpango otu totatwe.

Elyo cindi namalelo waku Sheba nakamvwa mpuwo ya Solomoni kujatikizya zina lya MWAMI, waa kaboola kumusoleka a mibuzyo miyumu.

Elyo waa kaboola ku Jerusalema a nkamu mpati, a nkamele zya kabwezedede tununkilizyo, . . . ngolida zinji loko, mabwe mayandisi: elyo cindi naka boola kuli Solomoni, wa . . . waa bandika a nguwe kuli zyoonse zyakali mu moyo wakwe.

Elyo Solomoni waka mwaambila—mwaambila mibuzyo yakwe yoonse: taakwe cintu nociba comwe cakasiswa ku mwaami, eco nataka mwaambila.

58 Atu kombe.

Mwami Jesu, mbuli mbo twabala zyaano ezi zya Bbaibbele, myoyo yesu ilasotauka nkambo ka lutangalo. Nkambo tu lizi kuti Nduwe Leza, alimwi To cinci. To cinci ziyanza Zyako, To cinci nzila Zyako, Yebo unooli Leza kwalyoonse. Elyo twa lomba, Leza, kuti Uyo leta bupanduluzi kuli ndiswe cifumo cino, bwa Magwalo aya obo Mbo yanda kuti tu zibe, kutegwa myoyo yesu inga ya twelukwa, Muuya Uusalala mupati inga waboola akati kesu sunu uka boole akati kesu a kutweluka mizeezo yesu a myoyo yesu. Elyo akubule cintu cisyala, kutegwa myoyo yesu itaka . . . izule lutangalo maningi cindi twa zwa okuno kutegwa tu kaambe mbuli baabo bakali kuzwa ku Emau busiku obo, “Sena myoyo yesu tiyapya muli ndiswe mbuli Mbwali kwaambaula kuli ndiswe mu nzila?” Yebo ucili Leza lyoonse, alimwi tuli bana Bako bafwide nzala babungene cifumo cino. Nkambo, kuli lembedwe, “Muntu uyo pona ku Ijwi lyoonse lizwa ku mulomo wa Leza.” Tuleleke mu kubungana kwesu antoomwe a bantu boonse aba, Mwami, abo baboola kwa myaanda a, iiyi, mamaile ali zyuulu. Twa lomba, kuti mbuli mbo baunka ku ng’anda, myoyo yabo iyo kkutisigwa ku zintu zibotu zya luse a luzyalo lwa Leza. Nkambo twa cilomba mu Zina lya Jesu. Amen.

59 Cibalo ciniini cigambya maningi, mabala otatwe Nge yanda ku kanana kuzwa ku kubala oku koonse. Inga mwaamba, “Eco ncintu cisyoonse maningi, mabala otatwe kuzwa kuli ceeco coonse ncobala, cibeela ca zipati zyobile zya Bbaibbele.” Pele Nda—Nda cita eco kuntalisyo ya kubweza mabala aya otatwe: *Kutondezya Ijwi Lyakwe.*

60 Nywebo mulizi, kuli Lugwalo mu Bbaibbele, muli Batesalonika Bataanzi 5:21, awo mpo kulembedwe, “Amusunke zintu zyoonse; mujatisye kuli ceeco cibotu.” Cindi cintu cili coonse catondezegwa, antela ciyo tondezegwa kuba “ciluleme” na “cilubide.” Elyo cindi nokuli cintu cili coonse mu mubuzyo, ceelede kutondezegwa kusikila mwaziba eco ciluleme. Elyo mpawo wajana eco ciluleme, Lya kati, “Mujatisye.” Mu mabala amwi, “Amucijate anguzu, muta cilekezyi. Amu cijatisye!” Mu mabala amwi, “Amucijate maningi, kutegwa cita supuki.” Mujatisye kuli ceeco cibotu, camana kutondezegwa kuti “cililuleme.” Elyo cintu cili coonse catondezegwa “kusalulama,”

mpawo amu cilekezeze cakufwambaana mbuli mbo mukonzya, amuzwe kuli ncico. Mutabi nomujatilila ku cintu cilubide.

⁶¹ Lino, cila konzeka kuti Banakristo basyomeka bayumu, bantu babotu, bala jatilila ziindizimwi, bala jatilila cintu cilubide, kaba yeeya kuti cililuleme. Pele mpawo zintu ezi zyeede kutondezegwa, naa “zililuleme” na “taziluleme.” Elyo mulimo wesu toonse swebo, mbuli mbo tu langila kuyaku Julu cindi Jesu akuboola. Elyo mulimo wa mukutausi, cindi mubuzyo uli oonse waletwa, kuti aulanganye oyu, elyo mpawo kuutondezwa kumbele lya bantu, kutegwa bamvwiye, nkaambo taakwe uyanda kujanja kuti “ulilubide,” kujatilila ku cintu cilubide.

⁶² Aboobo tu jisi Lugwalo (elyo Jesu wa kati, “Magwalo oonse aeledede kuzulizigwa”) kuti tweeledede kutondezwa zintu zyoonse. Elyo mpawo, “mujatisye,” na, “mujate maningi, amube a kujatisya anguzu kumaninide ali ncico. Elyo muta cilekezyi, mujatisye kuli ceeco cibotu.”

⁶³ Ndila yeeya mu cikolo, Nda kaiya cintucimwi, a bunji bwanu mwakaiya ciyo nciconya. Cindi mwabamba penzi, kuli langanya, mula konzya kutola bwiinguzi a kulitondezwa kwiinda ku penzi. Mbangaye bakasola kucita eco? Oonse wanu, mubwini. Mpawo—mpawo toeledede kupengana naa bwiinguzi bwako buliluleme na pe, bwiinguzi bwa penzi bwatondezegwa ku penzi. Aboobo, ulizi ujisi bwiinguzi bululeme. Ikuti na boonse banu aakapulanga kanu kakulembela na pepa bwa tondezegwa, penzi lya tondezegwa ku...i bwiinguzi bwatondezegwa ku penzi, mpawo wa bujana. Taakwe muntu ukonzya kwaamba kuti bulilubide, weeledede ku jana...Elyo ikuti na wabeleka cabulondo cakululama, a nzila mbo weeledede kucitwa, a bwiinguzi bwako bwatondezegwa, ula konzya kukkala cakulikwaya a kusitikila mu kaanzambwene kakuti uyo jana A ali oyo, a cibeela eco capepa ncopa, nkambo wa tondezegwa, tondezegwa ku penzi.

⁶⁴ Lino, akwalo kuli kasimpi kakaindi ako kaamba kuti, “Ci tondezeze, elyo Ndiyo cisyoma.” Lino, bajisi cimwi ca cooko cesu, cimwi ca cooko cesu mu cisi, bajisi kaambo kamwi, “Ndi zwaku Missouri, kondi tondezeze.” Mwabona, mu mabala amwi, “Ci tondezeze kuli ndime, Ndi zwaku Missouri.” Pele eci tacibeleki lyaonse, nkaambo Leza ulijisi, mu bukkalo boonse, kazulizya a kutondezwa mulimo oyo Ngwa kabambila bukkalo obo, a kuuamba mu Ijwi Lyakwe. Elyo ciindi coonse cakuti Ijwi lya Leza nilya katondezegwa mu bukkalo, banji baka Li kaka. Aboobo, “Ci tondezeze, elyo Nda cisyoma,” embo pe. Ukonzya buyo kuba a lusyomo mbuli Leza mbwa kupa lusyomo. Lusyomo ncipego ca Leza. Kufumbwa mbo konzya kuba sibukombi, nekubaboobo celedede kutola i...weeledede kuba a lusyomo. Elyo lusyomo lwako lukonzya buyo kukkala, ikuti na uli Munakristo, aa Ijwi lya Leza lyakatondezegwa.

⁶⁵ Lino, amuyeeye, Leza wakaaba Ijwi Lyakwe ku bukkalo boonse, a kwaamba eco ciyo citika mu bukkalo obu bumwi obo Mbwa kali kukanana. Lino, ikuti na Musa nakaboola a mulumbe wa Nowa, nica taka beleka. Ikuti na Jesu nakaboola a mulumbe wa Musa, nica taka beleka. Na musinsimi umwi wakaboola a mulumbe wa musinsimi umbi, nica taka beleka. Pele kwiinda ku basinsimi Bakwe, Wa yubulula koonse Kwakwe a makanze Aakwe. Nkokuti Bbaibbele tali konzyi kuba jwi lyomwe liyungizigwa kuli Ndilyo na Ijwi lyomwe kugusigwa kuli Ndilyo.

⁶⁶ Aboobo ikuti na watondezya penzi lyako kuli bwako... bwiinguzi bwako ku penzi lyako, mpawo nkaambonzi kuta tondezya i—i bwiinguzi obo mbo tu jana lino ku Ijwi lya bukkalo obuno? Ikuti na Bbaibbele likanana kuti cintu cimwi ceelede ku citika mu bukkalo obu, cili mu Bbaibbele nkokuti ciyo citika. Mpawo ikuti na bwiinguzi bwako obo mboli mukusola kwaambila bantu, ikuti na bwatondezegwa ku Bbuku, mpawo mbwa bwini, mbwa bwini. Bumbi, tabuli obo.

⁶⁷ Lino tula bona cimwi cimbi, mpawo nywebo, kwiina kudonaika, mwaka bamvwa kabaamba, “Kubona nku syoma.” Ako nkasimpi kambi kakaindi nko tu jisi awa, pele ako taka beleki akalo. Ta kabeleki, nkaambo muntu ula konzya ku kkala a kulanga cigaminina ku cintu cili coonse elyo tabaka ciboni. I bbala “bona,” bbala lya Chikuwa “bona” lijisi bupanduluzi bwaandeene bunji loko kuli ndilyo. *Lwizi* inga lyaamba “ziba lya maanzi.” Alimwi *bona* inga lyaamba “ku mvwisya.” *Bona* inga lyaamba “ku langa ali ncico.” Elyo, oh, kuli misyobo yoonse ya mabala ngo mu konzya ku belesya. Pele cindi waamba kuti, “kubona nku syoma,” uli lubide.

⁶⁸ Cindi wa ci *mvwisya*, wa cisyoma. Jesu wa kati, “Muntu nata zyalululwa, ta konzyi ku *bona* Bwami,” mu mabala amwi, “*mvwisya* Bwami,” nkaambo Bwami i Muuya Uusalala muli nduwe. Aboobo weelede kumvwisya eci mbo cibede cili muli nduwe. Elyo nzila buyo njo konzya ku cimvwisya, nkweezyanisya eco mbo cikubamba kucita a ceeco Bbaibbele ncolya kaamba kuti ciyo kubamba kucita. Mpawo penzi lyako lyalanganisigwa, mwabona. Elyo, mpawo, Walo ngo Muuya Uusalala oyo.

⁶⁹ Aboobo, kubona takuli ku syoma. Nda konzya kutondezya eco kwiinda ku magano aa mubili, mwabona, kuti kubona takuli ku syoma. Nse konzyi kubona bbodela eli lya mafuta. Nse konzya kuli bona nkaambo lili kusule lyangu, nokuba Ndi jisi gano lya—lya kwaampa eelyo lindaambila kuti Ndili jisi mu janza lyangu. Mwabona? Lino, Nse konzya kuli bona, taci konzeki. Elyo lino Nse konzyi kusika kuli ndilyo, taci konzeki, elyo nokuba Nda cisyoma. *Oku*, kubona nku syoma; *oku*, kulimvwa nku syoma. Lino Nda jala meso aangu, Nse konzyi akwalo kuli bona na kulyaampa, pele ikuti Nda liswenya mumsi a kukonzya

kulinunkizya, Ndi cisyoma kuti nkolili. Aboobo, “Lusyomo ncinu ca zintu zilangilwa, citondezyo,” zita bonwi, kulabilwa, kwaampwa, kununkizigwa, na kumvugwa. Mula cisyoma! Elyo lusyomo lweelede kuba abusena bwa kubombomanina. Elyo kufumbwa cintu eco ciimpene ku Ijwi lya Leza, lusyomo muli Leza talu konzyi kuba abusena bwa kubombomanina citakuti ncisyomezyo ca Leza. Elyo awo luba a maimino alo Atamani.

⁷⁰ Pele mu busyu bwa aaya oonse kuta- . . . makkalo adonaika a zintu ezyo nzyo twaindamo a kuponenamo mazuba ano, bwiindide kubija kwiinda oonse, mu busyu bwa kudonaika koonse oku, Leza ulazumanana ncobeni kuya butondezya Ijwi Lyakwe kuti lililuleme, mbuli Mbwa kacita mu bukkalo boonse. Walo . . . Kutasyoma taku kasyi Leza, taku Mu sinkizyi. Nse kwe ndaba na nkunji buti inyika nkoitasyomi, Ci ciyaambebe kucitika. Kutasyoma takuciti cintu pele cita kupa mulandu kuli sikutasyoma. I kutasyoma uyotola sikutasyoma ku Gehena. Kuyo mubbida zyoonse zileleko Leza nzyaka syomezya kuli nguwe, pele taci sinkizyi Leza kuzumanana ncobeni antoomwe a musyomi. Mwabona, kutasyoma taku kasyi Leza, ku kasya buyo sikutasyoma.

⁷¹ Waamba kuti, “Ndi . . . I zuba tali kamuniki juunza, Ndiyo likasya.” Ka cisode. Mwabona? Yaa, tokonzyi ku cicita. Leza wa kali bikka mu bubambe a kuti liyo munika, alimwi liyo munika, kwa mana, Wa kati liyo cita. Inga kwaba makumbi kungsi kwalyo, pele licino mweka mbubonya buyo. Elyo tokonzyi ku kasya Leza a ceeco. Wa, eco . . .

⁷² Mbobuti Mbwa cita Ijwi Lyakwe kuti lizibwe ku bantu? Lutaanzi, Leza mukuziba kuti kuyooba basikutasyoma . . . Lino amulangilile busongo bwa Leza; mukuziba kuti kuyooba basikutasyoma, a obo banji mbo bayooba basikutasyoma. Walo, kwiinda mukuzibakale, wakakanza mbuto ya bukkalo boonse, eyo iyo Li syoma. Lino ikuti na muyo bona omuya, nkambo, bukkalo abumwi bula zumanana ncobeni a Ijwi Lyakwe, zintuzyonse aciindi ceelede cigaminina, kunyina cintu cisinkizya Leza. Ula zumanana ncobeni, a kalizyo koonse kaleenda kabotu mbo kweelede. Tula yeeya, ziindizimwi, taci kabeleki kabotu. Pele muta pengani, nkoloko Yakwe ilibikkidwe kuciindi mbubonya buyo ku kaindi kambali ya busena, a zintuzyonse zibelega buyo kabotu ncozyo.

⁷³ Cindi Nda langa koonse ziindizimwi a ku bona baaba ba Ricky aba Ricketta abo mbo tu jisi sunu, a mu mazila, a nzila zintuzyonse mbo zicitika, Nda yeeya, “O Leza!”

⁷⁴ “Amulindile kaindi kaniini,” Wa amba, mwabona, “Watchi lyangu lila zunguluka kabotu mbo kweelede. Nde elede kumu bikka aa mbaakani njionya Nje kacitila muntu mutaanzi, mazuba ayo. Elyo Nda mubikka aa mbaakani njionya ya Luther, alimwi aa mbaakani njionya ya Wesley.” Nkaambo, nywebo

mwabona, cibi tiicaka zizilwe kaindi mbuli mbo cibede lino. Elyo cindi twaba a luzibo lunji lino kwiinda ndu twa kajisi kaindi, alimwi cindi sinkondo aboola mbuli zambangulwe, Muuya wa Leza uyo busya ceelesyo caku mulwanya. Mwabona? Elyo lino sunu, tu jisi luzibo lunji, kumvwisya kunji, milonga minji ya kutasyoma ilakunka canguzu, pele Leza ula busya ceelesyo cakwiilwana. Pele, amuyeeye, lyoonse Uli . . . I kaambo ako Nca—Nca ka kanzila zintu ezi kucitika. Wa ka zyaamba kumbele kwiinda ku basinsimi Bakwe kuti ziyo citika. Elyo cindi balulami babona zintu ezi ka zisimpikizigwa, mpawo bala ziba kuti Cili luleme. Takukwe makani eco umwi umbi ncaamba, ba lizi Ci liluleme.

⁷⁵ Tu jana kuti okuya mu—mu—mu, Nda syoma, cili mu Batesolonika Bataanzi, Wa kati, “Wa ka tukanzila kubikkwa kwa bana kuli Jesu Kristo.” Leza, kutali kwaamba, “Ndiyo musala, aku tamusala,” pele kuzibakale Kwakwe kalizi eco ncomuyo cita. Aboobo kwiinda mu kuzibakale Ula konzya kubikka mu mabambe, alimwi Wa ka bamba zintuzyonse kubeleka ku bubotu Bwakwe, a ku bubotu bwanu.

⁷⁶ Ku Matalikilo, Leza wa kaambila Adamu a Eva eco ciyo citika cindi bakuunduluzya Ijwi Lyakwe. Lino, Wa kabikka bubotu a bubi kubusyu bwabo, elyo Wa kati, “I buzuba mbo muyolya kuli nguwo, obo buzuba muyofwa.” Elyo Leza wakali kupandulula nciconya biyo eco Nca kaamba. Ula cita lyoonse, Walo upandulula eco Nca amba.

⁷⁷ Saatani wa kamusololela kukuta Li syoma, nkambo Saatani lwakwe kumugama taka Li syoma pe. Ta Li syomi, aboobo wa kamusololela kukutali syoma. Elyo ucicita cintu nciconya, a kuyiisya bamwi nciconya, nkabela taba Li syomi mbuli mbwaa kacita. Leza wakasita bantu Bakwe kunze lya Ijwi Lyakwe, eco nci kwabilizyo canu cilikke. Kutali kabungwe kanu, kutali bauso na banyoko, kuli kabotu, pele kunze lya Ijwi lya Leza. Mbo busena obo musyomi nkwa kwabilidwe, kunze lya Ijwi. Cindi kazila ako kaniini nikaka donkolwa, oko a “kugambwa kuniini ikuti na Lili luleme na pe? Ticakali nokonzeka,” kubuzyabuzya kwa kanjila a kubweza busena bwa lusyomo, baka tyolaula mingwala. Elyo Leza wakabamba Ijwi Lyakwe, Wa ka Li cita. Saatani wa kasola kumucitya kusyoma . . . kuta Li syoma.

⁷⁸ Na, kubuzyabuzya, muta buzyibuzyi kuli Ndilyo! Yebo—yebo waamba kuti, “Ee, Ndila syoma . . .” To jisi nguza. Cindi Leza aamba cintu cili coonse, buyo—nzila buyo Mbwa caamba, eco nce cintu cakucita. Yebo waamba, “Ee, Ndi yeeya . . .” Pele to jisi muzeezo uboola. Lekela muzeezo wakali muli Kristo ube muli nduwe. Alimwi Kristo ndi Ijwi! Lekela Ijwi libe muli nduwe. Oonse majwi amwi abe alubide, Majwi aa Kristo abe aaluleme! Bamwi bala musyoma a kubuzyabuzya kwakwe koonse, mbuli mbwaa kacita, kubuzyabuzya, “Ee, nkaambonzi Leza ncanga wa cita ceeci? Lino, sena eci tacili cibotu buyo

mbuli Ceeco?” Ikuti na ciliimpene ku Ijwi, tacili ncico! Aboobo, kufumbwa cintu, kufumbwa mwiiyi, kufumbwa sikupandulula wa Bbaibbele, kufumbwa cintu cimbi ciyo muyiisya na kusola ku mucitya ku syoma cintu kufumbwa cintu ca kabeela kaniini loko omwe kaundene kuli eco Bbaibbele mboli caamba, ni njiisyo ya bubeji. Ngu Saatani, alubo, mbubonya buyo mbu cakabede kuli Eva. Leza ula zumanana ncobeni, takukwe makani eco nca cita, eco Saatani nca cita, Leza ula zumanana ncobeni ku Li tondezya kuba boobo.

⁷⁹ Lino amulange eco nca kaambila Eva, “Masimpe tamu kafwi. Muyo oba basongo.” Nce ncico inyika nco iyandaula sunu, bumboni bwasyaansi, luzibo lwa muntu. Elyo wa kati, “Masimpe tamu kafwi.”

⁸⁰ Pele Leza wakaambide kuti, “muyo fwa,” elyo Leza waka citondezya boobo. Elyo tula konzya ku cibona, Wa kali kupandulula eco Nca kaamba. Amuunke atala awa ku namaumbwe, muyo ziba kuti na Wa kali kucipandulula na pe. “I buzuba mbo muyoolya kuli nguwo, buzuba obo muyo fwa.” Elyo cindi mwainka atala awa a ku yandaula muntu uli oonse ngo muyanda, wa bukkalo buli boonse, kwakanyina muntu wa kapona myaka ili cuulu. Leza wa katondezya Ijwi Lyakwe obo, Uyo cicita ciindi coonse.

⁸¹ Pele, amuyeeye, Ula bamba zisyomezyo Zyakwe zyoonse mbubonya Mbwa cita kusinganya Kwakwe. Nkaambo ba kalya kuli nguwo, buzuba obo ba kafwa; elyo Ula citondezya kuli ndinywe, kuti balafwa mu buzuba obo mbu balya kuli nguwo. Ula bamba akwalo Ijwi lyoonse Ndyka kaamba kujatikizya zileleko Zyakwe. Cisyomezyo coonse, Leza ulacibamba! Oh, Nda ciyanda eco. We elede kusala cimwi eco nco yanda: zileleko Zyakwe, kwiinda mu kusyoma; na kusinganya Kwakwe, kwiinda muku Li sandulasandula. Ikuti na wa Li sandulasandula a ku syoma cibeela ca lusandulo Calyo, mpawo uli tukidwe. Ikuti na wa Li syoma buyo mu nzila Mbwa ka Li lemba, a kujatilila kuli Ndilyo, mpawo uli lelekedwe. Elyo lyoonse Li liimpene ku sayaansi, lyoonse liliimpene ku—ku nzila yasayaansi iya bantu ya kutondezya zintu. Nkambo Ula bamba Ijwi lyoonse, zileleko Zyakwe a kusinganya Kwakwe.

⁸² Cindi baalumi a banakazi nibakabisya mu inyika yaciindi ca zambangulwe pati, walo ujisi. . . bisizya Ijwi Lyakwe lya bwini, Adamu a Eva bakabisizya Ijwi Lyakwe lya bwini. Pele, a mazyalani oonse akacilila akatalika kucita cintu nciconya, Wa kakosweda lufu ali mbabo, elyo kumamanino ya kaboola ku kunyonyooka, kuzwide cakumaninina kwa zintuzyonse aa nyika, lwa kavumbwa aa maanzi, kwiisalazya cakumaninina a maanzi.

⁸³ Lino, Leza nguwenya oyo waka leta kunyonyooka kumaninide ku zintuzyonse atala aa nyika, zisyu zyoonse,

zilengwe zyoonse pele eco Nca kayobola a kusumpwida atala aa nyika, zintuzyonse Zya kasyomezya kuti Uyo cita, ezyo Nzya cita. Alimwi Leza nguwenya oyo waka syomezya maanzi, a kubamba Ijwi Lyakwe, Leza nguwenya waka syomezya mulilo, elyo Uyo bamba Ijwi Lyakwe. Uyo bamba Ijwi Lyakwe.

⁸⁴ Lino, lino ncinzi Nca kacita? Mbobuti mboba kaziba Ijwi Lyakwe? Nkaambo nzila Zyakwe zyoonse zya kucita, zya kulitondezya Lwakwe Ka tana cita lunyonyooko luli loonse, na ku cita lubeta luli loonse, lyoonse Utu mina bantu Ijwi, alimwi lyoonse ulacenjezya bantu. Oh, Nda ciyanda eco! Mpawo tula konzya kubona eni awo mpo tubede.

⁸⁵ Kwakali misyobo yoonse ya bakutausi a nkamu mu mazuba akwa Nowa, alimwi kwakali misyobo yoonse ya bukombi mu mazuba akwa Nowa, nkambo Jesu wakati, “Mbuli mbo kwakabede mu mazuba akwa Nowa, mbubonya kuya kuba ku kuboola kwa Mwana wa muntu.” Pele mpaawo kwa kaboola aacilao, musinsimi, elyo wa katalika kucita cintucimwi, katalika kuyaka bwaato. Elyo Leza wa katuma musinsimi Wakwe, Nowa, kutondezya kuti Wa katuma Ijwi Lyakwe, a kubaambila kuti kwakali kuboola ilunyonyooko, kati Ta kakonzya kwiimina inzila eyo—eyo bantu njo bakali kucita, kuti Wa kacita kunyonyoona muntu oyo Ngwa kalenga cimwi ciindi.

⁸⁶ Lino, Ijwi lya kaboola ku musinsimi, lyoonse, Ta cinci pe. Malaki 3, yakati, “Ndime Leza, nkabela ta Ndi cinci.”

⁸⁷ Nowa waka tumwa ku bukkalo kwasayaansi, kajisi Mulumbe uutali wasayaansi. Nowa waka tumwa ku bukkalo bwa bupampu, kajisi Mulumbe utali wa bupampu. Wa katumwa ku bukkalo bwa sayaansi, cindi naka jisi Mulumbe wa lusyomo a cisyomezyo ku bukkalo kwasayaansi. Aboobo sena inga mwasyoma kuti bukkalo kwasayaansi inga nobwa kasyoma Mulumbe uutali wasayaansi? Aa bukkalo bwabupampu bupati, elyo mpawo inga mwasyoma kuti nobakaba a lusyomo mu cintucimwi eco cakali kuboneka bufubafuba bumaninide ku mizeezo yabantu? Pele Leza lyoonse ula cicita mu nzila eyo. Nowa wakali musinsimi wa Mwami wakasimpikizigwa, alimwi ngu Mulumbe wa oora iwa Leza. Wa kacita kusyoma obo, bantu bakacita kusyoma Mulumbe wakwe nakamana kusimpikizigwa aa Mwami, kuti lya kali Ijwi lya Leza, alimwi Leza wakali kuyo bamba Ijwi Lyakwe.

⁸⁸ Lino ncintu nciconya sunu. Tuli ku ciindi camamanino. Lino, bantu abo bakeelede kuziba, mwabona. Lino, nywebo amubone, Nowa wakali cikozyanyo caba Juda abo bayo tolelelwa kwiinda mu Mapenzi mapati. Enoki wakali cikozyanyo ca i—ca Mulumbe wini, ca—ca—ca kutolwa kujulu kwa Mbungano, nkambo Enoki waka kwempwa elyo mpawo zambangulwe lya kaboola. Elyo bobile babo...I musinsimi mutaanzi, Enoki, wa kagwisigwa ku nzila kutegwa Nowa akonzye kuzumanana

a wakwe—a wakwe...Leza akonzye kuzumanana a Nowa. Elyo eno Mbungano iyo kwempwa kutegwa Leza akakonzye kubeleka alubo aba Juda, basyaalizi ibaba Juda, bali zyuulu zili mwaanda amakumi one azyone, mbuli mbo twa kacilanga mu Magwalo awa.

⁸⁹ Pele mu busyu bwa bukkalo boonse, bwasyaansi a butasyomi, Leza wa katondezya Ijwi Lyakwe lya cisyomezyo kuba bwini, kwiinda mu kubatumina zambangulwe. Lino, amuyeeye, mu mazuba akwa Nowa, tiya kalina wide atala aa nyika. Leza waka jisi mume wakali kuyutukila kuzwaku nyika a kutilaila, pele taakwe niya kawide. Pele Nowa wa kati, “Iya kuwa.” Lino oko kwakali. . .

⁹⁰ Ba kali kukonzya kubweza cibelesyo a kuyutukila mu milengalenga, a kwaamba, “Kunyina mudumo mujulu okuya. Kunyina mvula okuya. Tula konzya kutondezya kuti kunyina mvula okuya.”

⁹¹ Takukwe makani eco sayaansi nciya kaamba, Leza wa kaamba kuti iyowa, aboobo eco nce cicita. Lino, ino ncinzi Leza nca akacita? Ku kuyeeya kwangu, cindi zimwi nizya kazungaanya nyika aniini a kwiigwisya kuzwa ku bubambe bwayo, mpawo yakapilusya mu nzila *eyi*, kupya kwa nyika mu kutontola, kwakaleta buyo i—i mudumo. A inyika yakali vumbidwe, lutaanzi, a milenga mujulu okuya, busi bwameenda mu luwo, bwaboola buyo antoomwe mu ciimo ca kkumbi a kwiilekela kuwida ansi, oko kwakamana.

⁹² Lino tu lizi sunu, kuti kuli mulilo kutala okuya, nkaambo magaasi ali mu nyika. Elyo Bbaibbele lya kati, “I majulu a nyika ziyoloba a munzunuzumina mupati, elyo nyika iyo enzemuka a kupya kupati.” Aboobo tu lizi kuti nkouli mujulu okuya, aboobo mbubonya buyo mbuli mbo kwakabede mu mazuba akwa Nowa.

⁹³ Elyo lino amuyeeye, Mulumbe wa Nowa wakali buyo waku lusyomo, alimwi kutali kutondezegwa kusayaansi. Pele, sunu, Mulumbe weendelana a Ijwi lya Leza, a ku kutondezegwa kwasayaansi. Eliya waka boola lutaanzi, kacita maleele, takali kukambauka kuli koonse; kuzwaku biyo ku busena kuyaku busena, kacita maleele. I ciindi cakatobela, wakaboola mu ciimo ca Johane Mubapatizi, wa kaboola kaatakwe kucita maleele, kukambauka buyo. Elyo ciindi catatu aboola, kuli kobilo maleele a kukambauka. Mwabona? Mwabona obo mbocibede? Amulangilile obo buzumanane mu Magwalo mbo kubeleka. Inga twa tola ciindi cinji ncobeni ali ceeco, pele tatu kocita, tuyo cisotoka, nkambo Nda syoma mwa umvwisya muzeezo.

⁹⁴ Wa kacita mu bukkalo obo mbuli buyo Mbwa kacita mu makkalo oonse, a mbuli Mbwa yocita, mbuli buyo Mbwa kasyomezya kucita. Leza ulasyomezya kufumbwa cintu, mpawo Ula seluka a kutondezya Ijwi Lyakwe kuba liluleme. Boonse abo basyoma, boonse abo basyoma Mulumbe wa bukkalo obo,

bakanjila alimwi bakafutulwa. Mbubonya mbo ciyooba mu bukkalo buli boonse. Boonse abo bata kasyoma Mulumbe a mutumwa, bakaloba.

⁹⁵ Elyo boonse abo basyoma cabwini Ijwi lya Leza sunu, bayo gusigwa. Boonse abo bata syomi Ijwi lya Leza, bayoloba antoomwe a inyika, nkambo mba inyika, elyo zintuzyoonse zili mu inyika zyeedelede kuloba antoomwe a nyika. Elyo zintuzyonse ezyo zyakafutulwa muli Leza, zyeedelede kuba muli Leza, nkabela tazikonzyi kuloba, “Ndiyo bapa Buumi Butamani, a kuyo babusya mu buzuba bwamamanino.” Lino, ino nkuumbulizigwa ku musyomi oonse, ku ziba, cindi wanooli muli Kristo, kuti mbubonya buyo camasimpe Leza mbwabamba Ijwi Lyakwe a kulobya nyika, Ula bamba Ijwi Lyakwe a ku busya bantu Bakwe a kubafutula. Ula litondezya.

⁹⁶ Wa katondezya Ijwi Lyakwe lya cisyomezyo ca bwini kuli Abrahamu mu bukkalo bwakwe. Amubone, tibwa kali kwasayaansi, mu bukkalo bwa Abrahamu, ku mwaalumi wa myaka ili mwaanda yakukomena, a mwanakazi makumi alifuka, kuli mbabo kuba a muvwanda, bakaindilila maningi kukomena. Pele Abrahamu takakonzya ku cipandulula. Wa kali kunga waunka kuli dokotela, a kwaamba, “Dokotela, sena cila konzeka?”

⁹⁷ “Taci konzeki!” Kamuya ku cibbadela a kuyo libambila ku mutumbu kuzyala muvwanda, na kufumbwa mbo cinga ciyooba ikuti na muyanda kuceezyanisya ku bukkalo obu, niba kamwiita kuti sikansondo, “Walo takkwene.”

⁹⁸ Pele Leza wakaamba! Elyo wa... I Bbaibbele lyakati mu Baroma, cipati 4, kuti “Abrahamu taka zungaana aa cisyomezyo ca Leza, kwiinda mukutasyoma, pele wakali muyumu, kalumbaizya Leza. Nkambo wa kalibilamine mbuli ku Mu bona Oyo utalibonyi, elyo wakakkutula, kajatilila.” Kajatisya, nkambo wakali lamidwe cakumaninina kuti eco Leza nca kasyomezya, Leza wakali kukonzya! Elyo twe elede kuba bana bakwe. Amenii! Lino Nda limvwa kuba sibukombi, mwabona, cindi wayeeya biyo eco. Oh, Wa kacitondezya, nikwakamana myaka eyo yoonse, Wa kasandula Abrahamu, a Sarah kujokela ku mwanakazi mukubusyi, elyo bakaba a muvwanda. Elyo Abrahamu a Sarah bakapona... Nikwakainda myaka ili makumi one ayosanwe, Sarah wakafwa, elyo Abrahamu wa kakwatulula naakamana kuba a myaka ili mwaanda amakumi one ayosanwe yakukomena, nkabela wakali jisi bana balombe bambi bali ciloba kunze lya banabakwe basimbi. Cindi, naka sika ciimo cakuleka kuzyala, wa kali musundi, ta—ta kajisi lunyungu, taakwe buumi bwa kasyaala muli nguwe, kutandila ku myaka imbi ili mwaanda kakutanaba boobo. Amenii! Nkaambonzi? Ta kalanganya mubili wakwe wini, ta kalanganya mbuli zyalilo lya Sarah mbolya kafwide. Wa kalanganya buyo eco Leza nca kaamba, alimwi wakalizi kuti Leza inga uyo tondezya eco Nca

kaamba. Ameni! Leza ula tondezya eco Nca amba kuti Uyo cita. Aakati ka kubulabuna sayaansi a bunasayaansi, a—a aakati ka cintu cili coonse, kufumbwa mbocibede, Leza ula tondezya kuti Uli luleme, lyoonse ula tondezya Ijwi Lyakwe. Uli luleme, boonse bamwi bali lubide.

⁹⁹ Akwalo Wa ka Li tondezya kuli Lota, cindi Na kati, “Ikuti na utazwi mu munzi oyu, Ndiyo uumpa.” Elyo Wa kaambila Abrahamu, ikuti na Wa kali kukonzya “kujana bantu bali kkumi,” Inga nakauvuna munzi. Elyo Ta kakonzya kujana bantu bali kkumi, aboobo Wa katondezya Ijwi Lyakwe lyakali luleme.

¹⁰⁰ “Nkokuli mulilo nkouyo zwida? Taakwe nouba omwe anze awa mu mabanda aya, anze awa mu zilindi ezi zya daka.” Pele Leza wa kaamba boobo, elyo Abrahamu wakalizi kuti ciyo citika. Lota wakalizi kuti Lya kali boobo, mpawo waka lobokela ku mulundu.

¹⁰¹ Wa kasyomezya lunyungu lwakwe kuba lweenzu mu cisi ceenzu, a ku talanganisigwa kabotu ku bantu, elyo bayo kkala, lunyungu lwa Abrahamu, kwa myaka ili myaanda yone aakati ka beenzu, bantu beenzu. Elyo Wa kalizulizya Ijwi Lyakwe mbubonya buyo Mbwa kaamba kuti Uyo cita. Lunyungu lwa Abrahamu lwa kakkala mu Egepita kwa myaka ili myaanda yone. Wa kasyomezya, akwalo, ku bavuna aa janza lyanguzu. Janza liyumu, Wa kali kunovuna bantu kuzwa mu buzike bwa Egepita. Elyo Wa kalibamba Ijwi Lyakwe. Amulange eco Nca keelela kucita kunjizya bana kumusanza mu Egepita. Caka libonya mbuli kuti ciimo cibbi maningi cakabawida, cakali kubawida, a zintuzyonse. Kalibonya mbuli kuti . . .

¹⁰² Kwakali kubyaabi loko kuli Josefa kuyeeyelwa kuti wakali fwide, a Izaka mucete, na, Jakobo, wisi (na, Izaka, wisi, mubwini, kuli Jakobo, oyo wakali, Izaka wakali syaanyinakulu) Jakobo, wisi, kusyoma kuti mwana wakwe wini wakajaigwa ku banyama. Obo mbucakali ciyumu kuli Josefa muniini kuziba kuti mulombwana muniini mucete, katako ku bantu bakwe, kwaabwa aa babunyina bakwe, kasowelwa mu mulindi, kayeeyelwa kufwa, bulowa bwa mbelele kubikkwa aa cikobela cakwe, oko, bakajaide kabelele ka kulya, kabikka bulowa ali ncico a kucitola kuli wisi, a kuziba eci coonse. Pele Josefa wakali kukonzya kuyeeya cintu comwe, kuti janza lya Mwami lyakali ali nguwe. Wa kalizi kuti wa kali musyomi. Takukwe makani kunji obo babunyina mbo bakamatanda, kunji obo mbo kwaatalikwe kubelekela amwi na cintu cimbi, Josefa wa kalizi kuti Leza uyo bamba Ijwi Lyakwe. Cindi naka bona cilengaano eco ca boonse babo kufugama kumbele lyakwe, wa kalizi kuti eco ciyo citika nkaambo cakali ca MBUBOObU MBWAAMBA I MWAMI. Ameni. Nse kwe ndaba obo mbucakali kulibonya kutaba kabotu, Josefa wa kalizi kuti bwakali bwini. Tacikwe makani obo mulimo mbuwakali muyumu, a ceeco nca kapenga, wa kalizi kuti buzubabumwi boonse babo bayo fugama kumbele

lya matende aakwe. Ino mbobuti mbwakali kunocicita kakuli baka musula? Pele wa kalizi kuti Leza uyo tondezya Ijwi Lyakwe obo, ziindi zyoonse.

¹⁰³ Mbubonya Mbwa yocicita sunu! Leza uyo tondezya Ijwi Lyakwe obo, takukwe makani eco sayaansi nco yaamba, “Ta cikonzyi kucitwa.” Obo mbo tuba bayiide, a bapampu, obo mabungano mbwa leya kunjila mu i—i nkamu yatulao tutakweankotuya a tumwi tumbi, Leza ucino tondezya Ijwi Lyakwe kuba “liluleme.” Kuli bombomeka moonya mu Ijwi eelyo.

¹⁰⁴ Iiyi, Josefa wa kajisi zinji zyakupenga, pele, kuunka kumusanza mu Egepita, pele Leza wa kamugusya mbubonya buyo mbuli Mbwa kaambide; cikozyanyo cibotu loko ca sunu, ikuti na nitwa jisi ciindi ca kucinjila. Nda syoma twa kacita, kale, okuno ku cikombelo, kaiinda muli ncico. Pele Leza wakabamba Ijwi Lyakwe, nkaambo, bakacita ku kkala kumusanza okuya. Cakali ciyumu kuli baabo bana Bahebrayo kumusanza okuya mu bwaange bwa Egepita, abo bakalelekedwe a kupegwa micelo ya cisi, busena bubotu loko, Gosheni, kujana kuti bakaba bazike; a bamatumbu abo kwaabwa mu maanza aa silumamba muna Egepita, micelo ya mazyalilo abo, muvwanda wabo muniini uyandwa, a kumubona kaimvwi awo, kubweza cifulo cipati a kumuzapaula a ku musowela ansi, kumusanizya ku zinyama zili mbuli ntale. Lino, cakali cintu ciyumu kuli mbabo, kweelela kupenga boobo.

¹⁰⁵ Pele buzuba bumwi lunyungu lwa kakanzidwe lwakazyalwa, mwana oyo wakali mwana mubotu. Kwakali cintucimwi kujatikizya nguwe cakali kulibonya bweenzu. Kulaale kumbo lya lukula, buzuba bumwi, Muuya Uusalala wa kaseluka mu ciimo ca Musumpululu wa Mulilo a kukkalila mu citeo, elyo wakati, “Nda mvwa intongelo zya bantu Bangu, alimwi Nda yeeya cisyomezyo Cangu. A ciindi cakuvunwa cilafwaafwi, elyo Ndi kutuma kumusanza okuya kuyo cicita.” A musako mu janza lyakwe, mukaintu wakwe aatala a bbiza, muvwanda a zibelo zyakwe, wa kacicita kwiinda ku nguzu zya Leza Singuzuyonse. I cintu cabufuba loko, ino inga—ino inga musako upilingene inga waba buti ku masumo ali zyuulu zili kkumi? Pele, nywebo mwabona, Leza uli muli nguwo. Ciya buyo oko Ijwi Lyakwe nkolibede. Musa wa kajisi Ijwi Lyakwe, Farao wa kajisi masumo. Musa wa kajisi Ijwi.

¹⁰⁶ Oko nkukoonse nkwakali kuyandikana, lyakali Ijwi. Oko nkukoonse nko muyandikana sunu. Ta cili cipepa cazyeelelo kuzwa ku mbungano imwi. Tamu yandikani kabungwe ku mwiiminina. Mu yandikana Ijwi, kutola Kukwempwa a Ndilyo. Tamu yandikani cipepa cimwi ca zyelelelo. Tamu yandikani bulunguluzi bulamfu bwa cikolo cimwi, ku kuponesegwa cifumo cino. Mu yandikana kutambula Ijwi, ndeli cicita!

¹⁰⁷ Tamu yandikani jwi lya dokotela. Ikuti na dokotela waamba kuti wacita koonse nkwaali kukonzya kucita, oko nkukoonse nkwa konzya kucita. Wa amba kuti ujisi kkulenge, cikoto, uya boofwaala, uli musinke matwi, syataambi, kufumbwa mbocibede, eco tacikwe makani. Ikuti na mula konzya kubweza Ijwi eelyo ku cisyomezyo eco ciyaka mulilo ca citeo kulaale, ameni, cintucimwi ciyo citika! Leza uyo tondezya Ijwi Lyakwe kuba boobo, ziindi zyoonse Lya katambulwa mu musyobo mubotu wa bulongo. Eco ncencico ncomu yandikana, Ijwi Lyakwe. Ula Li tondezya, Ula Li bamba. Mula konzya kubombomana cakaanzambwene kuti Li liluleme.

¹⁰⁸ Ula tondezya Ijwi Lyakwe mu makkalo oonse, kwiinda munzila itateeleleki kapati, pele lyoonse Ula cicita mu nzila njiyonya. Mwabona? Ncinzi Nca kacita mu mazuba akwa Nowa, cindi Na kali kulibambila kuvuna basyaalizi? Wa kaba tumina Nowa, musinsimi. Wa katuma Nowa, i citondezyo.

¹⁰⁹ Elyo lino amubone, cindi A boola kuzovuna bana ba Israyeli, ino ncinzi Nca cita? Nzila Yakwe njiyonya, Utu ma musinsimi Wakwe. Musinsimi Wakwe ujisi Ijwi. I zitondezyo a zigambyo zya Ijwi lyaka syomezegwa zila liiminina, obo Mbwini ncobeni. Israyeli yatalika kumaccing'a kwayo kuyaku nyika yaka syomezegwa, nkaambo yaka cisyoma.

¹¹⁰ Elyo mu lweendo lwa mu lukula, caka citika kuti tiiba kasyoma musinsimi oyu, nibakamana kubona Ijwi kalisimpikizigwa kapati, Nabwiinga wa kawza mu bweende (nywebo mulizi eco Nce kanana, mu cilengaano, mwabona, “kazwa mu bweende”). Kwakali umwi oyo waka kkalilila kabotu, ula zina lya Joshua, a Kalebi, a kusyoma Ijwi lyaka syomezegwa kuba bwini, kakutakwe kulanganya ziimo mbuzya kabede.

¹¹¹ Amulangilile cindi nibakasika ku Kadeshi bania. Ku Kadeshi bania, Musa waka tuma omwe kuzwa ku musyobo umwi aumwi, kwiinka kuyo twela nyika, kubona nzila njoba kalino njilila. Elyo wakatuma silutwe wakwe, Joshua, oyo wakali musinsimi, aboobo waka tuma musinsimi muniini kungsi lya Musa. Elyo Joshua waka swiilila Musa. Elyo bakamatuma kubusena, aboobo wa kati, “Koya mutala akuyo twela nyika eyo.”

¹¹² Elyo silutwe wa kaunka a kuyo sala mwaalumi kuzwa ku musyobo umwi aumwi, elyo bakatalika kweenda. Wa kabweza Kalebi, mweenzinyina wamunsi loko, nkaambo wa kalizi kuti Kalebi wakali kusyoma. Ba kazabukila mu nyika ya cisyomezyo, a kujoka a cikama ca masaansa eco cakatola baalumi bobile kucibweza. Kwaamba, wa kati lino, “Kutegwa Israyeli akabe a bumboni kabatana njila akwalo mu cisyomezyo. Mwabona, bayooba a bumboni kuteeti Leza wakati ni nyika mbotu, alimwi izwide mukupa a buci. Ni nyika mpati yeebeka. Ni nyika mbotu.

Lino yanu. . . oh, oonse magaliki aya akaindi, liiki, a kufumbwa nzo mujisi okuno mu Egepita. Lino tumu tola ku nyika ijisi mukupa a buci. Ambweni tamuna labila cimwi cazyo, mukupa na buci, kumusanza okuya mu Egepita myaka yoonse eyo. Bali kumupa buyo tuce twa kuvola itwa bazike. Pele lino mwiinka ku nyika eyi.” Aboobo kuciindi buyo noba kanjila kutandila lweendo lwa buzuba bomwe, oko Kadeshi bania, cuuno calubeta lupati ica nyika mpo cakabede, bakaima kungsi kwa tukunka otu—otu tupati kubusena obo, tusensa, a kukkala mu malabba. Wa kati, “Lino, kozibya bantu. . .” Amulangilile obo bulondokede, obo bumboni, ncobeni bulondokede mbobubede, nzila Leza mbwa cita ceeco mbuli Mbwa cita sunu. Wa kati, “Lino, Leza wakati, ‘Nyika ni mpati.’ Lino, kamutana kuzabuka, Ndi yanda kuti mubone kuteeti nyika ni mpati. Aboobo koya kandiletele bumboni bumwi bwa nyika a ku butondezya ku bantu.”

¹¹³ Aboobo bakasika kutala okuya. Elyo, lino, lyoonse mwajokela kuleta bumboni, awo sinkondo ulikkede mu mugwagwa. Cindi bamwi babo balombwana niba kalangalanga a kubona majompojomo amu Kenana, oh, ma, ba kati, “Tatu konzyi ku cicita.” Pele baka jokela kuleta bumboni bwa kuti nyika yakaliko. Tii baka sololelwa cakubeja. Leza wakali kutondezya kuli mbabo Ijwi Lyakwe, akwalo kabatana kunjila mu nyika.

¹¹⁴ Sa tamu konzyi kubona, mubuzuba obuno, kuti ikuti na mweenzya kwa mamaile ali cuulu kuyo swiilila Ijwi, a ku Li langilila kali tondezegwa a kusimpikizigwa, bwalo mbumboni bwa kuti ni Nyika mpati? Mula konzya kubona cimvule ca mwaalumi kalede, kafwa ku kkulenge, “Ko ponesegeya.” Ikuti na twa bona Majwi aa Leza ayo Nga kakanana kuti ayo citika mu buzuba kaali mukusimpikizigwa, bwalo mbumboni bwakuti Ula bamba Ijwi Lyakwe. Njeeyo Nyika mpati. Ikuti na buumi bwangu butandila kuyabaala, elyo Leza waseluka a kubuvuna alubo, eco citondezya kuti kuli bumboni bwa Buumi Butamani. Oko, cimwi cindi nkomwa takali kunga mwatambulwa ku mbungano eyo, lino waima mu mundando kuti winjile. Bwalo mbumboni. Leza ula bamba Ijwi Lyakwe a ku Li tondezya kuli ndinywe, kuti Ndyu bwini.

¹¹⁵ Kweenzya kwa mamaile ali zyuulu; kuboola kokuno mu cifumo a kulanga okuya a kubona bantu abo kusanina bavwanda babo ku mabbodela aa Kkokka kkola, misozya miniini, kutandila faivi kuloko cifumo, kukkala mu busena. Nda ka yeeya, “Leza, inga Nda ba sikuupaupa ulaansi loko mu nyika, kulekela bantu abo kuboola kwa musinzo oonse oyo, a kubaambila cintucimwi eco caka lubide. Pele Ndi ba fwida nsoni, moyo ula bayanda. Bali mukufwa nzala a kufwanyota ya Leza. Kondi gwasya, Mwami, ku baambila Bwini, na pe kondi gusya kuzwa mu nyika eyi. Ndilekele kwaambila bantu Bwini,

aboobo kondi gwasya, Leza.” Nda kati, “Ko jata janza lyangu, alimwi andi zibe eco ca Bwini, elyo mpawo kucitobezya eco kwiinda kulusimpikizyo lwa ceeco Nce kaamba kuba Bwini, kutegwa bakazibe kuti Bwalo Mbwini. Uta lekeli bantu abo bacete kucengwa. Peepe.” Obo moyo wangu uyanda cintucimwi mbuli ceeco, kubona bantu basyomeka!

¹¹⁶ Nda ezezya Joshua wakali kuyeeya cintu nciconya, buzuba obo cindi naka babunganya koonse, kaba bona kuwacca zisani zyabo kulibambila ku buzuba bwatatu. Iiyi, Wa kacitondezya. Lino Joshua wakaamba nzi? Cindi niba kati, “Oh, tatu konzyi ku cicita. Ta mukonzyi buyo ku cicita. Tuyo eelela kuzwa mu kabunga kesu. Tuli—tuli—tuli manide. Mwabona, tiitwa konzya ku cicita lino. Tatu konzyi buyo ku cita eci, nkaambo tacili kabotu.” Elyo cindi Joshua naka basololela kutala kuya, mwakali mu mweezi wa Mukubwekangala, cindi meenda nakali malamfu, alimwi Jordano wakali kutandila kapati kukomena mu bukwasule mbuli Mulonga Ohio. Kalibonya mbuli kuti Leza wa kabamba bulubizi bupati.

¹¹⁷ Nywebo mulizi, ziindizimwi ula ciswa, elyo ulati, “Ee, Ndili Munakristo. Leza, Wa—Wa kalubizya, Undi lekela ku ciswa, kakuli Ndili Munakristo.” Sena tomvwiysi kuti Bbaibbele lya kaamba kuteeti zintuzyonse inga zyabeleka antoomwe ku bubotu kuli baabo bayanda Leza?

¹¹⁸ Oko Joshua nkwa kabasololela okuya, lino, Jordano ula yosa kapati. Mula konzya kuvovwaila kukosola kutandila koonse kuzunguluka, cita kuti wauma cikomba ca maanzi awo mpaali malamfu kapati; mula konzya, a mu masena oonse mafwaafwi a zintu nkoonya oko ku i—ku nkomwe oko Jeriko nkoya kabede. Baa, walo, inga mwa comvwaila kuukosola, taali manji kulampa kwiindilila mungo, kweenzya buyo kuukosola mu mootokala jiipu, kweenzya, kudiraiva kuukosola, kweenda kuukosola, kufumbwa cintu. Pele waka basololela okuya ku ciindi ca Mukubwekangala, cindi cisi cibakupaya nica kapaide kutandila maile. I meenda antela akali kutandila kulampa kwa tukokola tuli makumi otatwe na makumi one mukati omuya. Elyo wa kati, “I buzuba bwatatu, tuya mutala. Leza mbwakaamba obo! Ita bantu antoomwe a kusalazya, nkambo, buzuba bwatatu, mulanduka Jordano.” Sa mwabona obo Leza mbwa lekela cintu eco kucitika? Ku cibamba buyo, kubamba bantu. . . kusomona buyo nkamu Yakwe. Ino ncinzi nco bakalino cita? Baka lisalazya lwabo beni a kulibambila, kakutakwe kulanga obo maanzi mbwakali malamfu, a obo mbwakali a ntimba, a obo kukunka kwameenda canguzu mbwa kabede. Mwabona, bakalizi kuti Leza uyo tondezya Ijwi Lyakwe.

¹¹⁹ Takukwe makani cintu, obo mboli munsu ku Jordano, takukwe makani ziimo zyako mbozibede, ula konzya buyo kujata cisyomezyo eco ca Leza mu moyo wako, Leza uyo citondezya, kuti Cili boobo. Aakati kakuta syoma koonse, Uci noyo Li

tondezya kuba boobo. Iyi, Ula cicita. Elyo ziimo tazi Mu kasyi, Uci yocita mbubonya mbuli Mbwa ka cita kaindi.

¹²⁰ Amubone, kwakali kwiinda mu basyomi Bakwe Mwa katondezya Ijwi Lyakwe kwiindamo. Walo ukonzya buyo kutondezya Ijwi Lyakwe. . .kutali kwiinda mu basikutasyoma, nkwiinda buyo mu basyomi Mwa konzya kutondezya Ijwi Lyakwe. Takukwe makani obo bamwi babo mbubaka taminina kuba, “Oh, Ndila syoma, mukwesu!” Mwabona, ikuti na wa cita, Leza uyo citondezya boobo, nkaambo tula langa a kubona bamwi. Mbobuti mbo tu konzya kwaamba, mpawo? Mwabona, nkwiinda mu basyomi beni Nkwa tondezya Ijwi Lyakwe; kutali kwiinda kuli baabo *baamba* kuti bala syoma, pele abo basyoma ncobeni. Nkwiinda mu bana Bakwe basyoma Mwa tondezya Ijwi Lyakwe.

¹²¹ Lino, wa kajisi basyomi. I nkamu yabantu bakaindi yakali fwide, basikutasyoma abo bakati, “Tii twa kakonzya kwiikona,” Wa kalekela boonse babo kuloba (nkaambonzi?), boonse babo cita basyomi. Mbaani bakasyaala? Musa waka toledwe ku Bulemu. Elyo basikutasyoma bakali lobede mu lukula, elyo aba bakali bana babo. Kwakali buyo bobile abo bakalanduka, nkabela abo ba kali basyomi, Joshua a Kalebi. Ba kali basyomi, mbo mbabo bakalanduka. Nje nzila ilikke eyo Leza nja konzya kucicita, nkwiinda ku bana Bakwe basyoma. Mula syoma obo na? Yaa. Basyomi Bakwe mbembabo abo baka cicita. Wa kababelesya kulanduka aabo. Mwabona?

¹²² Lino Ndi yanda kuti mubone, Ula cicita mu nzila eyo mu makkalo oonse. Ula cicita ziindi zyoonse kwiinda mu bweende mbubonya, We elede kubweza basyomi. Elyo mpawo, mukucita kuti basyomi bazulizye Ijwi eelyo, We elede kuli kanzila ku bukkalo obo. Sa mwacibona? We elede ku kanzila cintu eci kubako okuya kuzulizya kuzundikizigwa kwa bukkalo. Sena camujata? Sena mwacimvwa? Sena mwacibona? Sa mwacimvwiya? Eco nce cicitika mu buzuba obuno, Wa ka cikanzila ku bukkalo obu, kwiinda mukuzibakale Kwakwe. Cindi Na ka kanzila, muli Malaki 4, ceelede ku citika. Cindi A boola a ku kanzila cintu cili coonse mu Ijwi Lyakwe, Wa kacita kutondezya Ijwi Lyakwe kuba boobo. Cindi A kanzila cintu cili coonse ku citika a kwaamba kuti ciyo citika, Uli zyi olo lunyungu olo kuti luyoobako ku ciindi eco nciconya. Wa ka kanza Nabwiinga, Uyo bako! Kuyooba Kukwempwa, Uyo bako! Ula cikanzila kwiinda mukuzibakale Kwakwe. Mwabona, takukwe cintu ciyo cikasya.

¹²³ Cindi Leza naka baambila, “Lino, Nda mupa cisyomezyo ca nyika ya cisyomezyo. Nda kaambila uso, Abrahamu, kuti bana bakwe bayo kkala kumusanza okuno kwa myaka ili myaanda yone.”

¹²⁴ Lino, Musa wakati, “Ndili musinsimi wa Mwami. Lino amulangilile a kubona eco Nce sinsima. Ikuti na cacitika, mpawo muyo ziba kuti Ndi tumidwe aa Mwami, nkambo mulizi kuti Leza waka mwaambila kale eco. Lino, lino ikuti na Nda sinsima *eci* nkabela cacitika, a *ceeco* nkabela cacitika, a *eci* nkabela cacitika, ziindi zyoonse mbubonya buyo, lino mwaziba kuti Ndi tumidwe aa Mwami ku mwaambila. Lino, njeeyo nyika ya cisyomezyo, eyo Leza nja kasyomezya. Mwabona? Elyo Leza wakasyomezya nyika eyi. Lino, ni nyika mbotu, ikunka mukupa a buci. Amu nditobele.”

¹²⁵ Elyo mbuli mbuba kazwida kuya mu lukula oko nkwa keelede kweenda, ku batola mu lukula, oko, Leza nkwa kamwaambila kubajosya ku Mulundu wa Sinai, mpawo Leza wakaseluka kumbele lya Israyeli yoonse, a Musumpululu wa Mulilo, alimwi wakasimpikizya eco Musa nca kaamba, caka liko, kutondezya kuti cakali luleme, kusimpikizya Musa okuya, “Musa wakaamba kuti Nda kali a mulundu oyu, Nda kalibonya kuli nguwe mu ciimo ca citeo ciyaka mulilo. Elyo lino Ndi citya mulundu oonse kuyaka.”

¹²⁶ Ba kati, “Obo! Uta lekele Leza ku kanana, lekela Musa ku kanana. Tuyo loba.”

¹²⁷ Wa kati, “Nse—Nse—Nse ka citi limbi obu. Ndiyo babusizya musinsimi, uyo—uyo kanana kuli mbabo mu Zina Lyangu.” Aboobo eco nconcico Nca cita, mbubonya mu nzila Mbwa beleka Ijwi Lyakwe.

¹²⁸ Amubone, mpawo, abo bata kasyoma, nibakamana kusika munsu loko ku nyika eyo njoba taka syoma. Lino, nywebo nomu lembe, amu lembe Bahebrayo 6, mpoonya awa mpolya kati, “Abo baka munikilidwe ciindi cimwi, kabambwa basizyaabilo zya Muuya Uusalala; mukubona, ba kuleya, kuli jokolweda beni alubo ku kweempwa; mukubona kuti bali bambwida lwabo Mwana wa Leza cabupya, a ku Mu ubaula aantangalala; ta cikonzeki kuli baabo kufutulwa.” Mwabona, mbuli buyo mboca takakonzeka kuli baabo kulandukila mu nyika eyo ya cisyomezyo.

¹²⁹ Bantu bala boola nkoonya ku Lubbizyo lwa Muuya Uusalala, bayo boola nkoonya ku Ijwi, bayo boola kwiinda mu tubungwe toonse, a mabungano oonse, a tutikisimu toonse, a zintuzyonse, pele cindi caboola ku Ijwi eelyo, ako keengo kazabukwa, ba lati, “Oh, Ta ndizi kujatikizya Olo, mbungano yangu tai Lu yiisiyi nzila eyo.” Nse kwe ndaba eco mbungano yako nco iyisiya, Bbaibbele lyaamba kuti Luli mu nzila eyo. Mpawo wati, “Mbobuti Mbwe ziba kuti Luli luleme?” Ula lusimpikizya, a kuci tondezya!

¹³⁰ Lino, Bbaibbele buzuba obo, lyakati, “Kuli nyika mbotu kutala okuya, alimwi izwide buyo mukupa a buci, a magirepu mabotu a mapomegranati, alimwi, oh, mbusena bubotu.”

¹³¹ Ee, ba kati, “Lino, bamwi banu amusobebele a kwiilangalanga, a kujoka, kutegwa tukonzye kuumbulizya bantu aba. Tuyo landuka ndyoonya lino, ikuti na nyoonse mwa cisyoma biyo.” Ee, mbaabo bakaunka.

¹³² Elyo mpaawa bajoka, oh, bobile babo, kabaongolola buyo, “Ee, alumbaizigwe Leza! Twa ibona! Twa ibona! Oh, nimbotu, takukwe cintu mbuli njiyoy!” I bamwi, muli bali kkumi kabaimvwi mumbali, kabaamba, “Oh, peepe, peepe, peepe, peepe, tatu konzyi ku cicita.” Mbangaye bakalanduka? Balo bobile! Mbo mbubo. Balo bobile, nkaambo bakalizi kuti Leza uyo tondezya Ijwi Lyakwe kuti lili luleme. Amubone, taakwe kufuta kwa Jordano, peepe munene, taakwe kupaya kwa nkomwe zya Jordano, na taakwe majompojompo aku Kenana akali ku konzya kuba lesya. Leza waka tondezya Ijwi Lyakwe kuba boobo, Wa kabatola moonya mu nyika.

¹³³ Uyo cita cintu nciconya alubo, iyyi, munene, mu zisyomezyo zya buzuba bunu. Ula tondezya Ijwi Lyakwe. Kakutatwe makani, Ula tondezya Ijwi Lyakwe.

¹³⁴ Wa kalesya milomo ya balavu bafwide nzala ibalya bantu buzuba bumwi, ku tondezya kuti Ijwi Lyakwe kuti lyakali lya bwini, elyo Wa kakonzya kuvuna, kuli Daniele musinsimi. Elyo bakavuba balavu abo kusaninwa nyama yabantu. Elyo bakabamba balavu abo kuti kabafwide nzala, kutegwa cindi muntu awida mukati, na mwana, kufumbwa eco ncoba kafusila mukati omuya, cakali cisubulo calufu, mulavu oyo naka bazapaula, cipani eci ca balavu bafwide nzala. Elyo baka bweza musinsimi oyu, a Ijwi lya Mwami ku bana ba Israyeli, oyo wakasinsima kuti bayo kona busena obo. Elyo ngooyo wa kali ambabo. Pele Leza taka lina manizya ancico, Wa kali kuyanda ku tondezya Ijwi Lyakwe, Wa kali kukonzya kuvuna. Elyo baka fwisanzala balavu abo, a kufusa musinsimi oyo mukati omuya, nkabela bakapupana kuzuza kuli nguwe mbuli boobo. Oyo Musumpululu wa Mulilo kawimvwi awo, (alimwi kufumbwa munyama ula yoowa mulilo), oyo Musumpululu wa Mulilo kawimvwi awo, balavu bakali lede ansi. Wa kabamba Ijwi Lyakwe. Ngu mbobuca nguwenya, sunu, amuya myaaka. Leza ulabamba Ijwi Lyakwe, Ula litondezya, Ula Li tondezya obo.

¹³⁵ Lino, Wa kagusya kupya ncobeni kuzwa mu mabangabanga aa bbila lya mulilo, ku tondezya kuti Ijwi Lyakwe lyakali boobo, kuti Wa kali kukonzya kuvuna kuzwa ku mulilo. Moonya mukati mabangabanga ayo, omo bana abo baka fusilwa omuya, a ku kkala omuya kwa ciindi cilamfu, kakuli abalo baalumi abo baka bafusila muli nguwo, kupya kupati i—kwa bbila kwakajaya basilumamba bapati abo bakali kuya bubasololela kutala okuya. Elyo Leza waka lekela mulilo kuzumanana kuyaka ncobeni, pele Wa kagusya kupya kuzwa muli nguwo. Ula tondezya! Ikuti na wa Mwi iminina, Uyo kwiiminina. Ku kwiiminina? Ee, masimpe! Nikwakainda oora, baka jula mulyango, a kwaamba, “Yawe,

mbangaye mbu mwabikka mukati omuya, kwalo?” Kati, “Twa bwene botatwe mbo twa bikkide omuya.” Wa kati, “Kuli bone mukati omuya, elyo umwi wabo ulibonya mbuli Mwana wa Leza.” Mwabona, Ula zibya! Nkaambonzi? Walo ndi Ijwi.

¹³⁶ Elyo ba kati, “Leza ula konzya kutuvuna omuya mu bbila lya mulilo, pele, nekubaboobo, tatu kofugamina cibumbwa cili coonse, nkaambo twi iminina Ijwi.” Kufumbwa cibumbwa, ciimo ca bukombi, amuzwe kuli ncico. Leza uyo mwiiminina. Uyo gusya kupya kuzwa kukupenzegwa. Uyo gusya i—i buumi kuzwa ku kkulenge. Uyo gusya i. . . Uyo cita cintu cili coonse; Ngu Leza. Ko Mwi iminina; Uyo kwiiminina. Ula tondezya Ijwi Lyakwe kuti ndya bwini, ziindi zyoonse. Kagusya kupya kuzwa ku mabangabanga, kalesya milomo ya balavu, a zimwi zimbi.

¹³⁷ Nceeci cintu cimwi Leza ncakacita, kuzibya kuti Wa kali Leza. Muntu wakaba obo, nibakazwa mu lukula omuya, cakuti bakali kuli janina kwiiya kwini kwaziiyo, kulibamba lwabo kuba bantu balemu. Ba kajisi tubunga twa kali kwiitwa kuti ba Farisi, Basaduki, bana Heroda, a tumwi tumbi. Elyo bakali bantu balemu. Ba kapanga bapaizi kuzwa kuli umwi aumwi. Elyo ba kacita zintu zipati mbuli ezyo, kupanga bapaizi bapati a bantu bapati, a balemekwa a bamwi bambi.

¹³⁸ Pele Leza, akati ka koonse kwancico, Wa kabusya musinsimi, mwana wa mupaizi. Taakwe. . . kaunka mu lukula kali a myaka ili fuka yakukomena. Takali kukonzya kubala zina lyakwe, ikuti na lyakali mu tubala mbuli mootokala ujalidwe. Nkaambonzi, nkaambonzi nca kacicitila? Wa kali musinsimi. Ikuti na nakali yiide mu lwiiyo lwa wisi, ambweni naakaba mu Farisi na mu Saduki, na umwi wa nkamu zyabo. Pele wakajisi mulimo mupati, oyo wakali wa kwaambilizya Mesiya. Nkaambo kanzi? Leza waka bamba Ijwi Lyakwe, a ku litondezya. “I jwi lya oyo woopolola kuzwa ku seminari, ‘Amubone, Ndi jisi digiri yangu ya bwiiyi’”? Oko—oko inga kwa mu Buzuba bwa kuzyalwa bwa Balindu Bakale bana Alimanaki, pele kutali mu Ijwi lya Leza. Wa kati, “I jwi lya oyo woopolola mu lukula, ‘Amubambe nzila ya Mwami, a ku bamba tuzila Taakwe kululama!’” Sa Wa kali kubamba nzila ya Ijwi kaindi, kutegwa Ijwi likonzye kutondezegwe? Aleluya!

¹³⁹ Sa mwabona, mu zimvule? Twiime awa kwakaindi kaniini. Mu mazuba akumamanino, kweelede kuyooba busena bubambidwe bwa Ijwi mpoli yotondezegwa, nkabela lino tuli mu kupona kwiinda ku bumboni bwa Nyika mpya, ameni, Mwana wa muntu.

¹⁴⁰ Kutumwa kwa Johane, kakunyina lwiiyo, kakunyina kufumbwa cintu, kakkala mu lukula. Nkambauko zyakwe zyakali mu zikozyanyo. “Keembe kali bikkidwe ku muyanda wa cisamu,” nce ncico nca kabona. Kugonsya keembe, kuyaka cilabba, kupanga mulilo wa kuumpa nkuni zyakwe. “Oh,

nywebo nozyalani ya nzoka,” nce ncico nca kabona. I cintu cibbi akusesemya kapati mu sokwe, kuli nguwe, mu sokwe, ya kali nzoka. Kati, “Nywebo no nzyalani ya nzoka, nguni wa mucenjezya kutija kuzwa ku bukali buboola? Muta taliki kwaamba kuti, ‘Tu jisi *eci*, alimwi tu zulilwa kuli *eci*, alimwi tu zulilwa kuli *eco*,’ Leza ula konzya mabwe aya kwaabusya kuba Bana ba Abrahamu. Keembe kali bikkide ku muyanda wa cisamu, elyo musamu oonse oyo utaziyali micelo mibotu. . .” Ino ncinzi nca cita mu lukula kakuli taka. . .ku letela cisozi a zintu kuli nguwe, ula ugonka a kuumpa. Mwabona? “Uyo bikka whiiti mu butala, pele buungu, Uyo buumpya mulilo utakwe buzime.” I muntu mbuli oyo, akwalo katasamide jakete lyabupaizi, akwalo kakutakwe ngowani yakatambo ya mupaizi. Mwabona? Wa kaboola a cikutu cambelele cizambaidwe ali nguwe, a kabeela ka cikutu kakatendwa kuzwa kusule kwa nkamele, kakavwapikidwe ali nguwe, akuzwa okuya kajisi malezu a masusu aakwe mbuli bobuya, kati, “I keembe kali bikkidwe ku muyanda wa cisamu.” Ameni. Ula boola, kalaacamba. Nkaambonzi? Lya kali Ijwi lya Leza kali tondezegwa, “Leza ula konzya ku mabwe aya!” Leza waka cisyomezya, “Amubone, Nda tuma mutumwa Wangu kumbele lya busyu Bwangu.” Kutali mukombi loko, kutali munasayaansi na cizibyo ca bukombi, pele cizibyo ca Ijwi lya Leza. Leza wakali kubamba Ijwi lya Lyakwe, mwabona. Kutali sicikolo uyiide pe, pele musinsimi, waka tumwa mu Zina lya Mwami. Wa kacita obo, nkaambonzi? Kusimpikizya Ijwi Lyakwe.

¹⁴¹ Lino, balo bapaizi ba kati, “Lino, tu lizi kuli umwi uboola mu mazuba a kumamanino, aboobo tuyo yiisya mulombe oonse ngo tu jisi, a ku libambila kuli ncico. Umwi aumwi wanu no balombe weelede kuba alwiiyo lwa ku kkoleji. Mweelede kuboola okuno. Kunyina kuzumbauzya pele eco ciyooba mu mukowa, uyo boola mu nzila ya ba Levi, nkaambo mpaawo bupaizi nkobwa kazwida.” Pele ta kali mupaizi, wa kali musinsimi! Elyo oko nkusala kwa Leza. Ta elede kuzwa ku kabungwe kamwi na mu mukowa umwi. Oko nkusala kwa Leza, kwiinda ku kukanzwa, kukuzibakale. Uboola kwiinda mu nzila ya kusala kwa Leza. Aboobo tiba kali kuno musyoma, nkaambo ta kaboola mu nzila eyo njiba kabambide, kuyeeya kuti njayo boola. Eco inga caloolola, nywebo mulizi, kanjikanji cilacita. Pele tu jana kuti wakaboola mu nzila eyo Leza nja kacita, ku tondezya Ijwi Lyakwe.

¹⁴² Amubone, Wa kacitya nakalindu kumita, ku tondezya Ijwi Lyakwe. Isaya 9:6, elyo tu jana kuti, “Kuli ndiswe Mwanamulombe wazyalwa, Mwana wa pegwa.” Lino, tu jana kuti Wa kalaambide kuti nakalindu weelede kumita. Elyo Leza wakacitya nakalindu kumita. Inzi? Ku tondezya Ijwi Lyakwe. Lino amuswiilile kwakaindi buyo kaniini, tuyo jala. Wa kacitya nakalindu kumita, ku tondezya Ijwi Lyakwe. Oko

kwakali kumaninina . . . Ca kakankamanisya basayaansi boonse. [Kabeela katakwe cintu aa teepu—Mul.] . . . kwiinka.

¹⁴³ Mwa mvwisya eco, mwacita na? Mwabona, nyika ili tukidwe. I nyika yoonse ili tukidwe, nkaambo ka cibi ca Adamu. Pele cindi lunyungu olu luniini . . . Lino, mwanakazi tajisi lunyungu. Ujisi muunda omo lunyungu molulala, kutali lunyungu, nkaambo takwe nseke, nseke yeelede ku . . . lunyungu lweelede kuba a buumi muli ndulo. Ikuti na embo, yalo ncintuntu, buumi tabumo. Aboobo lunyungu luli mu mwaalumi. Ako nkekaambo lunyungu lwa nzoka lwa keelede kuba mu mwanakazi, mwabona, nkaambo tilwa kali lunyungu lwa Leza. Tu lizi obo. Kamuzumanana, amulindile kusikila muka jane bbuku eli a kulibala, elyo mpawo muyo—muyo bona, na ku mutondezya buyo kwiinda ku Lugwalo, kujula buyo cintu coonse mbubonya buyo mbuli lubbizyo mu Zina Lyakwe, mwabona obo mbo cibede. Leza taakwe nalubila, Uli luleme lyoonse. Nekubakuti tamu konzyi ku Li mvwisya, amu Li syome nekuba. Mwabona? Lyalo ndya Bwini ncobeni.

¹⁴⁴ Elyo lino tu jana kuti Wa—Wa kaamba boobu, Wa kacitya ceeci ku citika. Lino, cindi mbuto eyi niini, kakunyina mwaalumi, niya kasika mu iji liniini mu cilao Nca kalenga, mpawo mbuto eyi niini, nseke niini isweemukila mu iji, nkabela mucila muniini nyongoka awa nkabela italika kupanga seelo a seelo, kaponena ku buumi bwa banyina, mubili wakwe, elyo mukati omuya ula musanina kwiinda mu bulowa bwakwe bukunka kwiinda mu mubili wakwe. Elyo tu jana kuti, lino, ula musanina; kutali bulowa bwakwe; mbulowa bwakwe. Peepe, takukwe kabeela komwe ka bulowa bwa banyina. Pele ulida kuzwa ku zintu zya mavitameni azwa kuli banyina, pele kutali bulowa bwakwe. Oonse aangidwe mu cikama ca bulowa bwakwe, kulesya kuyuuntana kubyaabi a zintu mbuli zeezyo, a maanzi, pele takali kabeela komwe ka bulowa bwa banyina. I banyina inga kabali mu kufwa kuli TB, a kuzyala muvwanda; ta konzyi kwiikona, nkaambo kazunda ka TB, kaboola kwiinda mu bulowa bukunka kwiinda mu mubili. Pele ula konzya . . . ula konzya . . . Kakweekwe taka konenwi; bukompami bulacita, pele kutali TB, nkaambo weelede kujata kuyeeka kwa banyina a kubweza kazunda, nywebo mwabona, ka katana konzya. I muvwanda ulaangulukide cakumaninina cindi azyalwa, nkaambo tabuli bulowa bwa banyina.

¹⁴⁵ Lino, tu jana kuti Leza wa kaboola mu seelo eyi niini, mwabona, elyo Wa talika kupanga maseelo, kunyonka kuzwa ku mavitameni aa banyina Bakwe a zintu nzyo balya. Mpawo cindi Na kakomena bweelede kuli sanina Lwakwe, Wa katalika kulya. Elyo ino ncinzi eco? Bwalo i—bwalo mbulongo bwa nyika, oko nko kazwida a buumi bwamasamu a buumi bwabanyama a bumwi bumbi, alimwi mbuli Mbwa katalika kulya nswi a cinkwa a zimwi zimbi, utalika kupanga maseelo. Elyo cindi na kakomena mu buzule a myaka ili makumi otatwe, Wa

kabbizigwa mu kuswiilila kuli Johane kumselelo awa, na kuli Leza, mu maanzi, a kuzwa. Elyo ncinzi caka citika? I Nziba, oyo wakali Leza, kaseluka ansi kuzwa ku Julu, a Jwi kaliti, “Oyu ngo Mwana Wangu uyandwa, muli Nguwe Mwe nkondelwa kukkala.” Ino ncinzi Nca kaboolela kucita? Ku nununa cibeela eco ca nyika. Wa kali matalikilo aa bulenge bwa Leza. Nkaambo, Leza tali bulenge, muli Kristo luzutu walo Mwali bulenge, nkaambo Leza Mbutamani a Muuya, alimwi Muuya taulengwi. Wa kali matalikilo aa bulenge bwa Leza, alimwi Leza wakanununa mubili *oyo*. Mwabona, cindi Na kaboola ansi, “Oyu ngo Mwana Wangu uyandwa, Ndila botelwa kabotu muli Nguwe.”

¹⁴⁶ Aboobo Walo, Leza, kaseluka ansi naakamana kwiinda muli ceeci, elyo lino bana boonse, oyo ulya akuzyalwa kunkwela yakunyama, nzila mbo muboola; mpawo cindi casika ku busena oko nkomwiinda mu lubbizyo lwa maanzi, mpawo lubbizyo lwa Muuya Uusalala, mpawo Muuya Uusalala ula seluka ansi ku lubbizyo lwa Mulilo a kutaminina bulenge obu, mbubonya mbuwaka Mu citila. I Muuya Uusalala a Leza Muuya omwe. Mwabona? Ula boola ansi a kutaminina mubili oyo ku bubuke. Elyo Wa kabusigwa ku kululamikwa kwesu, “Boonse abo Taata mbaka Ndi pa bayo boola, taakwe naba omwe uyo sweeka. Ndiyo mubusya mu buzuba bwa kumamanino. Taakwe kasusu komwe ka mu mutwe kayoloba.” *Ayo* matalikilo aa bulenge bwa Leza. *Oku* nkuzumanana kwa bulenge bwa Leza. *Mpawo* nyika yoonse yeelede kuba a lubbizyo. Elyo mpawo Muuya Uusalala laseluka ansi mu munzi ku kkala aa nyika, alimwi cikombelo ca Leza cilaantoomwe a muntu, nkabela cikkala a mbabo, Leza waba mu cilao ano aa nyika. Oyu muzeezo onse wa lununuko, kululamika, kusalazigwa, lubbizyo lwa Muuya Uusalala, mbubonya mboubede akwalo.

¹⁴⁷ Lino amubone, Wa kacitya nakalindu oyu kumita, alimwi muli eci mwa kazyalila Mwana kakutakwe kuziba mwaalumi. Eci cakakankamanisya sayaansi kwiinda mu makkalo. Ici cita. Ambweni baka museka Isaya cindi na kakanana a kuti nakalindu inga uyo mita, “Lino, mbobuti mbo cakali nooba?”

¹⁴⁸ Nda ezezya, Isaya, isampu, cindi nakamvwa Leza kati, “Ndiyo bapa citondezyo cibotu kwiinda, Ndiyo bapa citondezyo citamani, nakalindu uyo mita.” Lino, walo, kali ampuwo akati ka bantu, bantu bakwe, musinsimi, wasimpikizigwa aa Leza. Lino cindi naka boola kumbele lya madokotela abamwi bambi, a kaambo aka, “I nakalindu uyo mita.” Mwabona, tii cakali nacitikide, kuzwa kumatalikilo aa ciindi, cilaunka kulaale kaindi oko Leza nkwa kalenga muntu Wakwe mutanzi. Pele awa, lino, kuti, mwanakazi oyo uliko aa nyika uyo mita. Amu ciyeeye buyo mu citikilwa mwa uyeeyela kabotu, eco musinsimi oyo ncaka sampuka, pele wa kalizi kuti Leza wakali kuyo bamba Ijwi Lyakwe, Wa kali kuyo litondezya. Nda yeeyela, mikwasyi yoonse ya Bahebrayo yakacita bana bayo basimbi

baniini kulibambila kuzyala muvwanda oyu, mwabona, kaula mabbusu a tujombo, na kufumbwa nco basama, bulo buniini, a kulibambila nkambo—nkambo ka muvwanda wa keelede kuboola. Nzyalani zyakainda, pele Leza wakatondezya Ijwi Lyakwe! I nakalindu waka mita, elyo waa kazyala Muvwanda, katondezya kuti Ijwi lya basinsimi Bakwe lyakali lya Bwini. Ula baiminina lyoonse.

¹⁴⁹ Oyu Mwana wa nakalindu wakali Ijwi lyakayubululwa. Lino Musalali Johane 1, ikuti na muyanda kubala ceeco. Musalali Johane 1, oyu musinsimi, oyu musinsimi, awalo. Pele oyo Mwana wa nakalindu wakali Ijwi lyakayubululwa, matalikilo aa bulenge bwa Leza. Lino, nyika yoonse mbulenge bwa Leza, pele ili sweekede. Mwabona? Mpawo Ula nununa nyika eyi. Elyo muli cibeela ca nyika, elyo Ula munununa kwiinda mu nzila njiyonya Nja nununa nyika yoonse. Mwabona? Lino, oyu Mwana wa nakalindu wakali Ijwi lyakayubululwa, “Ku matalikilo kwakali Ijwi, Ijwi lyakali antoomwe a Leza, a Ijwi wakali Leza. Elyo Ijwi lyakaba mu mubili wabantu a kukkala akati kesu.”

¹⁵⁰ Saatani wakasola makanze oonse ku Mu bamba kuubaula eci. Saatani wakasola zintuzyonse ezyo nzyakali kukonzya ku—ku Mu bamba ku cuubaula, kusola ku Mu cita kuti abweze bwami kakunyina kupenga, kasola ku Mu citya kububweza kakunyina lununuko (kakuli akali mabambe a Leza mu muunda wa Edeni cindi Na kajaya kabelele, kuti kwiinda buyo mu bulowa Nayo bubweza), akwalo ku Mu syomezya mami oonse amu nyika ikuti Na ka bubweza. Amu yeeye buyo mbo cakali cisyomezyo!

¹⁵¹ Sa mulizi, no beenzuma bayandisi maningi, ku miniti eli, kuti Saatani umupangila cisyomezyo ca... uyo mupangila cimwi ca bakutausi bairinda mu nkamu yabo. Uyo mupa cuuno cakumbele mu mabungano oonse a ku mubamba kuba madaikona. Uyo cita kufumbwa cintu, ikuti na mwazwa buyo ku Ijwi eli.

¹⁵² Lino amubone, bamba oonse... ku Mu pa nyika a bwami boonse, Na kakonzya kuzibweza. Wa kali kusola ku Mu citya kutyola Ijwi eelyo, nkaambo wa kalizi kuti wakali Mu jisi mponya awo ikuti na nakakonzya. Wa kacitya Musa ku Li tyola, wa kacitya Eva ku Li tyola, pele wa kagunta Mulombwana waandeene ciindi eci. Nkaambonzi? Wa kali Ijwi, elyo ta kazi pe. Wa kali Ijwi eelyo, Mwini.

¹⁵³ Nda konzya ku mubona. Tu yanda kumweezezya kubaanga nkweezezya kwa mwana. Nda konzya ku bona ayo mababa mpapati akaindi aasiya kaumana kulwisya Eva, a kwaamba, “Lino, Ndi kwaambile cintu, calo cileebeke. We elede ku cisola.”

“Pele Leza wakati, ikuti natwa cita, inga twa fwa.”

¹⁵⁴ “Oh, ee, ncobeni ta mu kafwi. Mwabona? Oh, obo mbufubafuba. Oyo muzeezo wacyianza cakaindi. Muta syomi

nouba omwe.” Pele Leza wakaambide boobo! Leza waka tondezya kuti cili luleme. Elyo Uli mukucitondezya ndyoonya lino, bantu bali mukufwa ku miniti eyi. Uci tondezya kuti cili luleme.

¹⁵⁵ Amubone, elyo cindi na kaboola kuli Musa, wa kati, “Musa, yebo ulizi ujisi ciimo ca syamumvwangule.” Hmm. “Ula fwambaana kunyema maningi. Bona eco cikama ca basikupapila nco bacita, wabona. Nkaambonzi tounki biyo kunselelo okuya a kubaambila incobeni kujatikizya ncico?” Elyo wa kacita.

¹⁵⁶ Pele cindi naka uma Ntambo eyi ya mavooti ali zyuulu zili kkumi, Wa kalizya mababa akwe cindi nakazuzila ku Mu lwisya. Wa kati, “Oh, swiilila,” kati, “Ndiyo kupa Yebo mami oonse.”

“Kuli lembedwe!” Mwabona? “Kuli lembedwe!”

¹⁵⁷ Wa kati lino, “Ikuti na Uli Mwana wa Leza.” Mwabona, lyoonse waka Li donaika. Uci yiisya bambi ku Li donaika. Wa kayiisya Eva ku Li donaika, kayiisya Musa, wa kayiisya boonse babo kusola ku Li donaika.

¹⁵⁸ Ula muiisya kusola ku Li donaika. Elyo nywebo nomukkede mpoonya ano lino, ikuti na muyanda kuti ndi mwiite mazina anu, mbo caabede, Saatani wali kusola kwaciindi cilamfu kumucita kundi donaika. Muta citi eco. Mucizi, ikuti na wa cita eco, ee, yebo. . . na, kutali ndime, pele kudonaika buyo. Ko syoma buyo Ijwi eli. To elede ku ndisyoma, pele ko syoma Eli. Wabona? Ikuti na Nda amba Ijwi eli, Ta lili lyangu, Ndi Lyakwe. Ijwi lyangu lilaandeene, pele Eli ndi Lyakwe. Mwabona? Amubone lino, amubone. Nse yandi kunjila muli ceeco awa ndyoonya lino.

¹⁵⁹ Amubone, cisyomezyo, oonse Majwi Aakwe, cakumaninina nga bwini. Wa Ka atondezya. Wa katondezya, nkaambo Wa katondezya kuti Wa kali Ijwi lya bwini. “Muntu taka poneni ku cinkwa cilikke, pele ku Ijwi lyoonse eelyo lizwa ku mulomo wa Leza.”

¹⁶⁰ Ncinzi, mbobuti mbwa pona? Ku, “Ee, ikuti na uyo bweza buyo limwi Ijwi lya Leza, uyo pona?” Lino, eco tii cakali ncico Nca kaamba. Sa nywebo mwabona, l-y-o-n-. . . “Ijwi lyoonse”? Mbobuti mbwa pona? “Oh, ulida mukati omuya”? Peepe, uli mukufwa kufwambaana. Eyo ni nyama. “Ee, walo, oh, walo uzulilwa ku mbungano. Walo usyoma zintu zyoonse kunze lya *Ceeco*”? Walo uci fwide. Sa mwacimvwisya?

“Walo ukonzya buyo kuponena ku Ijwi lyoonse elyo lizwa ku mulomo wa. . .” I mupaizi mupati, bbishopo, kkardinolo, mweembeli? “Leza! Lyoonse Ijwi eelyo lizwa ku mulomo wa Leza.” Mbobuti mbo tu ziba kuti ndi Ijwi lya Leza? Mbwa amba obo, mpawo Ula Li tondezya. Ula tondezya Ijwi Lyakwe. Amubone mpawo, ikuti eco cili boobo, kulyaambilila kwanu kwazibi takuka mubambi kupona. Bumembala bwanu ku mbungano tabuka mubambi kupona.

Amubone, ku Ijwi Lyakwe buyo, kutali buyo Ijwi lyomwe lyaka sweesegwa. Taakwe naba omwe uyo. . . Ijwi lyomwe lya kajaya mukowa wa bantu. Mu Bbaibbele, mu Ciyubunuzyo 22, ijwi lyomwe liciyo jaya cintu coonse, zina lyakwe liyo gusigwa kuzwa mu Bbuku lya Buumi. “Kufumbwa muntu uyo yungizya ijwi lyomwe, na kugusya Ijwi lyomwe.” Kutali jwi lyomwe! Kutali. . . Peepe, Ndi pandulula, kutali—kutali majwi obilo, ijwi lyomwe buyo! Kutali muzila omwe; ijwi lyomwe! Ijwi lyomwe! Oh, no bantu, sa mula mvwisyaya?

¹⁶¹ Lino, Nse kanani ku bbunga eli cigaminina. Oyu uli muku teping’wa, nywebo mwabona, alimwi Ula unka nyika yoonse mbiizula. Sa mula mvwisyaya, no bantu ba mu inyika, kuteeti Ijwi lyomwe, Ijwi lyomwe, kutali muzila omwe, kutali paragirafu yomwe, Ijwi lyomwe, nkukoonse oko Eva nkwa takasyoma. Kaleta. . . Leza waka citondezya. “Pele mpawo ikuti na mwabamba Ijwi lyoonse, muyo pona.” Ba ka donaika Ijwi lyomwe, kaleta lufu ku mukowa wa bantu. Pele muntu taka poneni ku cinkwa cilikke, caku nguzu zyakwe zya kunyama, pele ku Ijwi lyoonse, Ijwi lyoonse mu nzila buyo mbo Li lembedwe. I Bbaibbele lilaamba, “Tali kapandululwi ku muntu omwe.” Taakwe muntu wa kacita kubusena buli boonse, umwi nokuceya, kusola ku cintu cili coonse kupandulula Ijwi lya Leza. Leza ngu sikupandulula Lwakwe Mwini.

¹⁶² Cindi Na kasyomezya, Wa kati, “Akube mumuni,” elyo mumuni wakaba. Wa kati, “I nakalindu uyo mita,” elyo waa kacita. Mwabona, kufumbwacintu Leza ncaamba, Leza ula citondezya.

¹⁶³ Tacikwe makani kunji obo mbosola kuyeeya kuteeti bubuke bwakunyama kuti tabukabi, a balo bantu bakaindi eelyo, lusuko buyo lwa nyika, elyo baindilila kuba lusuko lino, bali buyo mu maaside a magaasi ayo aka panzya mibili yabo. Buntu bwabo bucipona. Leza wakati, “Ndiyo ubusya.” Jobu wakati, “Nekubakuti tuuka twa lukanda twanyonyoona mubili oyu, nekubaboobo mu mubili wangu Ndiyo bona Leza.” Mwabona, tacikwe makani, Ijwi lyoonse lyelede ku bambwa, nkabela muntu uyo ponena ku Ijwi eelyo. Wa kabusya muntu kuzwa ku bafu, nakamana kufwa kwa mazuba one, ku tondezya kuti Wa kali bubuke a Buumi. Kakuli muntu wakali fwide kwa mazuba one elyo kanunka, mpemo yakwe yakali lokede kale mu mazuba one. Obo mbombubo. Cintu citaanzi eco cibbila, mu muntunsi, ni mpemo, ilabobela mu mutunzi, ilatebela a kubobela. Mpawo lukanda, buuka buniini, yebo. . . Kubikka mu kkofini lijilidwe kumaninina, kufumbwa mbo cikonzya kuba, pele nekubaboobo tuuka tuniini twa lukanda ta tweelede kuzwida mu bulongo, tuli muli nduwe. Sa nywebo mwalangisya? Jobu wakati, “Nekubakuti twangu—tuuka twangu twa lukanda twandi nyonyoona.” Kutali tuuka twa mu bulongo, inga tii kwaba komwe. I tuuka tuli muli nduwe, lilibambilide ku

kunyonyoona, lufu kalubeleka mu mubili wako ufwika. Pele cindi no kajana Kristo, mpawo Buumi bula beleka mu mubili wako ufwika, kuyo kubusya alubo. Mwabona? Wa kabusya muntu kuzwa ku bafu, nakamana kufwa kwa mazuba one, “wa kanunka,” ku tondezya cindi Na kati, “Ndili bubuke a Buumi.” Lino, nguni ukonzya kwaamba obo kunze Iya Leza, mwabona, “Ndili bubuke a Buumi. Oyo usyoma muli Ndime, nekubakuti wa kali fwide, nekubaboobo uyo pona.” Sa mulasyoma obo? Elyo Wa kabusya muntu ulya, ku tondezya kuteeti Ijwi Lyakwe Iyakali luleme. Mbombubo!

¹⁶⁴ Amubone, Wa kali Ijwi. Bahebrayo 4:12, ikuti na muyanda kulemba olu. Bahebrayo 4:12, Iwa kati, “I Ijwi Iya Leza lilabosya kwiinda panga Iya mabemba obile, sikutweluka wa mizeezo a makanze aa moyo.” Sena mbo mbubo? “I sikutweluka.” Ku tondezya kuti Wa kali Ijwi, ncinzi Nca kacita? Petro wa kaboola kuli Nguwe, zina Iyakwe wakali Simooni. Elyo wa kaboola kuli Jesu, elyo Wa kati . . . kakkala awo, elyo Jesu, mbwa kabolela biyo kuli Nguwe, Wa kati, “Zina Iyako ngu Simooni, alimwi uli mwana wa Jonasi.” Uutayiide, taakwe digrii Iyakali kumwiiminina, taka jisi cintu cita muzeli buyo utakweankwaya, taakwe Iwiiyo, Bbaibbele Iyakati wakali “uutakwe ncakazi a utayiide,” pele wa kaba bbishopo wa mbungano ya—ya Jerusalem. Nkaambonzi? Nkaambonzi? Jesu wa kamwaambila obo mbwa kabede, zina Iyakwe mbolya kabede, a zina Iya bawisi mbolya kabede. Elyo wa kaziba kuti elyo Iya kali Ijwi, nkaambo Bbaibbele Iyakati, “I Mwami Leza wanu uyo busya Musinsimi uli mbuli ndime,” elyo oyo wakelede kuba Musinsimi, nkabela kwakanyina basinsimi bakasyomezegwa nikwakamana Malaki kusika kuli Mesiya, myaka ili myaanda yone kakunyina musinsimi. Elyo mpaawa kwakaimvwi Muntu awo, kazibya, na kutondezya Ijwi Lyakwe, ku muntu oyu wa kakanzilidwe Buumi, kati, “Zina Iyako ngu Simooni, kuzwa waawa . . . Uli mwana wa Jonasi, kuzwa kuciindi cino uyo tegwa ‘Petro.’” Amu ciyeeye! Nkuulini Nkwa kali tondezya? Nkaambonzi Nca katondezya Ijwi eelyo ku . . . Nkaambonzi Nca taka tondezya Ijwi eelyo kuli Kayafasi? Wa kali Leza, Wa kalizi kuti Kayafasi natakali syoma. Pele oyu muntu waka kanzilidwe Buumi, wa ka Li ziba mpoonya awo.

¹⁶⁵ Ciindi cimwi kaimvwi akati, oko muntu umwi mazuba masyoonto akainda wakaunka a kuyo bweza mweenzinyina ku mulundu, kutandila mamaile ali kkumi aosanwe kuzwa kooko nkubakali kukambauka, kamujosya buzuba bwa katobela. Wa kaliimvwi okuya aakati, a kuboola oko Jesu nkwa kabede. Jesu wakalanga koonse, Wa kali Leza, mwabona, Wa kajisi kutweluka. Eco ca katondezya kuti, mwabona, kubamba Ijwi kululama, Wa katondezya Ijwi.

Lino, bamwi babo bakati, “Nywebo mulizi, ulya Muntu ndi Ijwi.”

166 “Bufubafuba,” balo bapaizi ba kati, “mulombwana ulya tali nguwe. Peepe. Ulya tali Ijwi.”

167 Kati, “Yebo ulizi obo Magwalo mbwaamba, ‘I Mwami Leza wesu uyo busya Musinsimi uli mbuli Musa.’ Elyo oyo Ngo nguwe. Amu Mu swiilile.”

168 Ee, Wa kati, “Yebo uli, bona, muna Israyeli, omo mutakwe luuni.”

Oyu mulombwana wa kati, “Rabi, ndelili Noka ndiziba?”

169 Wa kati, “Katana kwiita Filipo, cindi noli kungsi a musamu, Nda kubona.” Wa kalizi oyo wakali kuyo Li syoma.

170 Wa kati, “Rabi, Yebo uli Mwana wa Leza. Uli Ijwi.” Jesu wa katondezya kuti Wa kali Ijwi, kwiinda ku Ijwi.

171 Amubone mwanakazi muniini ku mukalo. Waa kali kulangaula Mesiya. Taa kajisi cintu ca kucita a mabunga abo mapati a tubungwe, azimwi zimbi, nzyo bakajisi mu mazuba ayo. Waa kali kulangaula Ijwi. Aboobo Muntu, ciindi cimwi, kakkede okuya, Muntu walyonse, kakkede okuya kulanga ku nzila, kati—kati, “Mwanakazi, ko Ndi letela aakunywa.”

172 Waa kati, “Lino, lindila kwakaindi kaniini, ambweni Uli mukusola kuba akukatalukwa kuli ndime,” ambweni waa kayeeya mu moyo wakwe, nkaambo waa kali makidwe kuba mwanakazi simpuwo mbi. Kati, “Nkaambonzi, Yebo ujisi. . . Nkaambonzi Nco ndibuzya mubuzyo mbuli oyo? Tu jisi lusalululo lwamisyobo okuno. Yebo uli—Yebo uli—Yebo uli buyo. . . Yebo uli mu Juda, tuli ba Samaria, kutali. . . tacili cilengwa, ta ciluleme kuli Nduwe kundi buzya obo.” Mwabona?

173 Wa kati, “Mwanakazi, ikuti noli muzi Oyo ngo wambawida, no Ndi lomba aakunwa.”

174 Waa kati, “Yebo, kuli aakunywa? Nse bwene akwalo cibbaketi na lutambo. Mbobuti Mbo konzya kusola kundipa maanzi naceya kuzwa mu mukalo oyu?”

Wa kati, “Oyo tauli ngo mukalo Ngweli kwaambaula.” Mwabona?

175 Nikwakainda kaindi, waa kati, “Oyu Mulombwana ugambya.” Aboobo waa katalika kukwela nongo ya maanzi mujulu, kadonsa.

176 Kati, “Ee, maanzi Nge ndipa inga ayooba tusensa twa maanzi, magiza, atuntumukila mu Buumi Butamani, alimwi amu buntu bwako.”

177 “Ee,” waa kati, “lino, lindila kwakaindi kaniini, Nda—Nda mvwisiya, Yebo mukuba mu Juda.” Kati, “Lino, nywebo noba Juda,” kati, “Yebo upandulula undaambila kuti Uli mupati kwiinda taata wesu, Jakobo, oyo wa kasya mukalo oyu?” Wa kali Leza wa Jakobo. Mwabona? Kati, “Sena Yebo upandulula kuti Uli mupati kwiinda—kwiinda Jakobo, oyo wakasya mukalo

oyu?” I Muntu walyonse, mwabona, mbwakali kulibonya. Nku koonse nko bona, muntu walyonse. Kati, “Wa amba kuti Uli mupati kwiinda taata wesu, Jakobo, oyo wa kasya mukalo oyu, alimwi wa kanywa kuzwa kuli nguwo lwakwe, a ng’ombe zyakwe? Ee, tuli lelekedwe buyo ku kunywa ku mukalo oyu oko musinsimi oyo ngwa kasya.”

Wa kati, “Uh huh,” Wa kaamba.

“Elyo tula komba mu mulundu oyu. Yebo waamba ‘ku Jerusalem.’”

¹⁷⁸ Wa kati, “Lufutuko ndwa ba Juda, mwanakazi, tu lizi eco nco twaambaula.” Wa kati, “Nywebo mukomba nco mutazi.” I mu Juda weelede kuziba Ijwi, mwabona, ca keelede kuba. Pele, mwabona, Wa kali kulangilila lino. Nkaambonzi? Uya ku . . . Ncinzi Nca yocita? Tondezya Ijwi Lyakwe. Mwabona? Baa, waa kati . . . Wa kati, “Acimwi, koya kalete mulumi wako elyo muboole okuno.”

Elyo waa kati, “Nse jisi mulumi uli oonse.”

¹⁷⁹ “Baa,” Wa kati, “wa amba bwini, mwabona, nkaambo waka jisi bosanwe, a yooyo ngo jisi lino tali mulumi wako.” Mwabona? Amulangilile! Cintucimwi cakacitika, mwabona, cintucimwi cakatola Buumi. Lino, ikuti nicatakali mukati omuya ku kutalika, ikuti na taka jisi kwiimininwa kuzwa ku kukanzwa, nica taka jata.

¹⁸⁰ Mpaawo kwa kaimvwi bapaizi okuya, kati, “Oyu muntu ngu Beezebule.” Mwabona, taakwe kwiimininwa.

¹⁸¹ *Buumi Butamani*, “lyoonse mbo mwakabede.” Mwabona, mujisi Buumi Butamani, kuli buyo ciimo comwe cambubo, oyo ngu Leza. Mwa kali bube Bwakwe, Wa kamuyeeya a kumuziba kakutanaba malengelo aa nyika, mu mizeezo Yakwe. Mwabona?

¹⁸² Waa kalanga koonse. Amulange eco i-i ciimo cacibi mwaa kabede. Pele, mwabona, Ta kakonzya—Ta kakonzya kubweza mupaizi, nkaambo mupaizi wakali sicikolo wakayiide bukubwene, silwiiyo lwa bukombi mu Ijwi, pele kakutakwe kwiimininwa ku Julu, mwabona, takaliko mu kuyeeya kwa Leza pe. Pele mwanakazi oyu wakalimo. Waa kati, “Munene, Nda kuziba kuti Uli musinsimi.” Nkukoonse buyo oko Nkwa kali kuyanda kuti abone. Mwabona? Kati, “Tu syoma kuti Mbo bedede, Nda syoma kuti Uli musinsimi. Lino, tu lizi. Ta tumvwisyi kujatikizya basinsimi lino, nkaambo ciindi camana loko, tu lizi kuti kuli Mesiya uboola. Elyo cindi Mesiya oyo aboola, Uyo oba Ijwi. Mwabona, Uyo ziba maseseke aa moyo, Uyo cita cintu nciconya eco—eco Nco kacita okuya.” Kati, “We elede kuba umwi wa basinsimi Bakwe, ku Mu sololela kumbele na cintucimwi.”

Wa kati, “Nde Ndime.”

¹⁸³ Ncinzi Nca kalino cita? Wa kali kutondezya Ijwi Lyakwe, kutondezya busena Bwakwe, kutondezya obo Mbwa kabede.

Leza wakali muli Kristo, kuyanzanya inyika kuli Lwakwe. Alimwi Leza ndi Ijwi. Yaa. Wa katontozya myuuwo a mayuwe, ku tondezya cisinsime ca Isaya, “Uyo itwa kuti ‘I Leza singuzu, Taata uteeli.’” Mwabona? Wa kavuzya nswi a zinkwa akwalo, Mwana oyu wakazyalwa kuli nakalindu. Ino cakali cinzi? Ku tondezya Ijwi. Oonse Magwalo eelede kuzulizigwa. Wa katondezya Ijwi, kwiinda ku kwaamba kuti Wa kali Jehova wakayubululwa. Wa kali matalikilo aa bulenge bwa Leza. Leza mu bulenge, Leza a cibeela ciniini ca bulenge awa kuti Leza wa kali ku kkala muli Lwakwe, Wa kali matalikilo aa bulenge obo bwa Leza, “Kuzwa kuli Nguwe kwakazyalwa bana banji.” Amuzibe, Wa kavuzya nswi akwalo. Ndi Ijwi a cizibyo ca Ijwi.

¹⁸⁴ Lino amuswiilile kabotu, mbuli mbo tu selemukila ku mamano. Buzuba obuya, obo Mbwele kubala mamano masyoonto ainda, lino, cindi Na kaboola ku ng’anda ya Jairasi. Wa kanjila, cindi Na kasika okuya. Lino, amuyeeye, Jairasi wakali i—i mupaizi, musyomi waakatikati. Wa kali kuyanda kusyoma Jesu, pele wakali kubijilwa kulekezya ku mbungano yakwe, nkaambo ba kati, “Kufumbwa oyo usyoma Nguwe yo tandwa mu mbungano.” Lino amuswiilile mu kabotu lino, mu kujala, amundi swiilile kabotu maningi. Amulangilile eci. Ndi syoma kuti Jesu wakalizi kuti cindi Na kalanduka lwizi, nkaambo Wa kalizi zintu zyoonse. Elyo cindi Na kalanduka lwizi, kaima kunselelo okuya, elyo mpaawa kwa kaboola mupaizi oyu muniini kunselelo. Mwana akwe musimbi wa kali cisidwe loko, madokotela baka mulanzya buyo meso, kati “Uli lede kuciimo ca lufu.” Lino, ciindi cakasika kubeleka.

¹⁸⁵ Ambweni eci cili kuli nduwe cifumo eci, ciindi casika kuli nduwe kucita. Mwabona? Ambweni ucisidwe loko. Ambweni uli lamidwe kuti uli lubide. Inga kwaba. Leza ula sungilizya kaambo, ciindi cilasika ca kubeleka.

¹⁸⁶ Lino mu kabotu. Elyo wa kasika, taka langanya eco bamwi babo ncoba kaamba, mpoonya awo cabuleya, elyo kaboola a kuwida ku matende aa Jesu. Ino ni ntaamo kuli—kuli sicikolo uyiide bukubwene, ku boola kuli Umwi oyo ngo tutakwe bulunguluzi bwa kusola kuunka ku cikolo. Obo muntu mbwa boola, wa keelede kuba mu lwiiyo loonse lwa bukombi boonse, kaboola ku Muntu oyo wakali ku yeeyelwa kuba “muzangi, muntu unyongene, muntu usondokede, uutakkwene mizeezo Yakwe, ta kajisi akwalo mizeezo yakwe iikkwene.” Mundi jatile bwaambe, pele “Walo muntu biyo wamizeezo italanganisigwi uzibilidwe wa buzuba,” bantu boonse baka Mu yeeyela boobo. Mbuli mbo tunga twaamba sunu, mu bwaambe bwa mu mazila, “Noti!” Mbuli Mbwe kakambauka buzuba bumwi aa noti a bbautu, nywebo mulizi. Mwabona, obo Mbwa kabede kubuleya, uzibilidwe buyo mazuba oonse. . . Yawe, “Baa, To kkwene mu mizeezo yako! Uli sondokede! Uli muntu unyongene!” Lino, ngooyu muntu oyo waka jisi kwiiya koonse kwini kwa ziiyo,

kaboola kuli Umwi wakali kuyeeyelwa kutakkwana mu mizeezo Yakwe. Wa kasungilizigwa kuli ncico.

¹⁸⁷ Amu mulangilile lino. Ciyo luma aniini biyo, pele ciyo bota kuli ndinywe. Mwabona, ziindizimwi kuyuntaanizigwa kubyaabi kula musinsimuna.

¹⁸⁸ Amubone, Wa kaboola a kunjila ku lubazu lwa musimbi oyu, muniini ufwide, oyo wakafwa ambweni maoora kakutana, elyo bakali mula zikide, a kubikka musamu uulesya mubili kubola ali nguwe, a kumubikka aa kalo. Eyo nje nzila mbo bakali kucita mu mazuba ayo, kuba yobola a ku babikka mu mpako, a boodi. Waa kali lede aa kalo, a malubaluba kaamu zungulukide.

¹⁸⁹ Elyo, oh, oyo mweembeli muniini mubotu, Jairasi muniini, Ndi yeeyela kuti wa kali mweembeli muniini mubotu, bantubonse bakali kumuyanda. Nkaambo, nywebo mwabona, Nda konzya kutondezya ceeco, nkaambo wa kacita, mu moyo wakwe, kasyoma Jesu. Pele taka konzya kubamba muzeezo, nkaambo nata katambula cheki mu Mujibelo na mu Muvulo lyoonse cifumo. Mwabona? Taka konzya buyo kubamba i-i muzeezo. Elyo cintu cimbi, bantu, bulemu bupati bubotu bunyomenenwa obo mbwa kajisi aakati ka bantu, niba kati, “Nywebo mulizi cintu, Jairasi wa kaba sikwiindilizya. Mwabona, wa kainka okuya a musinsimi mubeji. Mbombubo ncobeni mbwa kacita, oko zyoonse nko yeeyelwa kuba zitondezyo a zintu, oyo Musinsimi waku Galilaya, nywebo mulizi, Jesu waku Nazareta.”

¹⁹⁰ Ta tu cisyomi lino, cilimvwisya kusanka cisetekene, pele eyo nje nzila mbo cakabede kaindi. Mwabona? “Elyo, buzubabumwi, mbuli mbo kubede lino, kuyooba nkokuti.” Mwabona, cintu nciconya!

¹⁹¹ Lino amubone, wa kaunka okuya. Elyo ta kakonzya ku cita eco, pele cindi cakasika awo mpa kasungilizigwa kucicita. Wa keelede kucicita. Elyo mpaawa wa kainka a kujana Jesu, nkoonya kumbele lyabo boonse, a kuwida ku matende Aakwe, a kuti, “Simalela! Simalela!” Sa mulizi eco mbocibede? Ciimo cabweendelezi, ciimo cakubamukamwini. Ncibotu.

¹⁹² Mwabona, bantu banji bayanda Jesu kuba Mufutuli wabo, pele kutali Mwami wabo. Mwabona, *Mwami* “mweendelezi.” Inzya. Yebo wati, “Jesu, Kondi futula a kundi lekela kwiima mpoonya awa, nkabela oko kuli kabotu, elyo Njo cita mulimo wangu wini. Lino, Uta njili mu mulimo wangu. Pele Ula konzya kuba Mufutuli wangu, pele kutali Mwami wangu.” Walo uyanda kuba Mwami, yebo wabona, mpawo Walo Mufutuli wako.

¹⁹³ Pele lino, wa kati, “Simalela, Mufutuli!” Mwabona? “Ndi . . . mwanaangu musimbi, mwana wangu alikke, ula myaka ili kkumi aibili yaku komena, madokotela bamulanzya buyo meso.” Kunyina kudonaika mupaizi inga na kaamba obu, “Yebo ulizi, boonse baambaula kujatikizya Nduwe kuba sikwiindilizya, pele,

Yebo ulizi, Simalela, Nda—Nda—Nda Ku syoma. Nda syoma. Ndi lizi kuti Ujisi kutweluka. Elyo cintu Nce yanda buyo kuti Wa ambe, nku, boola buyo a kubikka maanza Ako ali nguwe. Elyo mpawo kundaambila eco ca kucita, Ndiyo cicita.” Oh, lino wasika kubusena bumwi!

Kati, “Ndiyo unka. Ndiyo unka.” Elyo Wa katalika kweenda.

¹⁹⁴ Nakamana kuunka kwa maoora masyoonto, mpaawa kwa kaboola mwaalumi kazuza, mbuli ciyanza mbu cakabede kaindi, itwe atala lya mutwe wakwe, kati, “Uta penzyi Muntu, mwana wako musimbi wafwa. Waa fwa kale, bamu bamba kale a ku mulazika bweelede.”

¹⁹⁵ Oh, moyo wakwe muniini! Jesu wakanyona meso ayo, a ku mulanga, wa kati, “Oh! Oh! Oh!”

¹⁹⁶ Wa kati, “Sena Nse kwaambila?” Lino, eco Nca kacita okuya, Wa kasyomezya Jairasi. Lino We elede ku tondezya eco. Ameni. “Nda kwaambila. Kosyoma buyo elyo uyo bona bulemu bwa Leza.” Lino, Wa kalizi eco Nca kali kucita. Wa kati Ta kali kucita cintu cita eco Taata nca Mu tondezya lutaanzi. Musalali Johane—Musalali Johane 5:19, “Ndi cita buyo eco Taata nca Ndi tondezya,” aboobo Wa ka Mu tondezya eco cakali kuyo citika.

¹⁹⁷ Aboobo cindi Na kanjila mu ng’anda, a kwiima ambali lya cipange eco ciniini, ciyuminide acitontola awo, kali cisidwe kwa mvwiki. A mubili wakwe, muniini utubulukide, taakwe cakulya ca kanjide mu mubili wakwe, a ntuntumaanzi a zintu, elyo waa—waa kali fwide. Ba kamu fwafwaza koonse kubelesya tununkilizyo otu tulesya mubili kubola a zintu. Elyo kalede awo, nywebo mulizi, aa kalo a zintu, kulibambila kumu zambaila a ku mubikka mu cuumbwe, elyo baka bikka. . . kajisi cilengwa caku bikka malubaluba kumu zunguluka. Jesu wa kasika. Elyo bantubonse, “Oh, Jairasi, mwana ako musimbi muniini ulifwide! Oh, taata Jairasi, oh! Tuli uside loko kuli nduwe,” a zintuzyonse.

¹⁹⁸ Wa kati, “Oh, amuumune; mupanga coongo cinji loko.” Wa kati, “Ino ndupyopyongano nzi loonse olu koonse kuno nkomu cita?” Nywebo mwabona? “Lupyopyongano olu, mu buyo. . . mula—mula ongolola a kukwiila. I musimbi tafwide. Ulo ona. Shhh.”

¹⁹⁹ Mpawo ncinzi ncoba kacita? Cindi niba ka Mu mvwa kaamba kuti takafwide, ba. . . Kati, “Ba ka Mu seka cakusabula.” Mu kwaamba kumbi, baka Mu weelela. “Weelu! Baa, Yebo! Baa, Yebo musinsimi mubeji! Baa, Yebo sikucenga wa bantu! I musimbi ulifwide. I dokotela wa kaamba kuti mbwakabede. Twa mubikka musamu ulesya mubili kubola, twa mulazika aabusena. Uli lede awo, walo ulifwide.” Ba kati, “Ha, ha, ha! Lino, Jairasi, wali kwaambaula kujatikizya Nguwe, lino ino kujatikizya nkuko?”

²⁰⁰ Sa mulizi eco Nca kacita? Wa kati, “Nyoonse nywebo amuzwe awa.” Ku kutasyoma mbuli kooku, tacikonzyi kubeleka.

Lino, ncinzi Nca kaambide? Wa kati, “Jairasi, ikuti na uyo syoma buyo, uyo bona bulemu bwa Leza.” Lino, elyo ndi Ijwi Lyakwe. We elede ku tondezya obo. Yaa.

²⁰¹ Lino cindi Na kasika mu ng’anda omo boonse mubakali kulila, Wa kati, “Ulo ona.” Eco cakali impene ku sayaansi. Eco cakali impene ku kuyeeya kubotu. Waa kali fwide, wakabikkwa musamu uulesya mubili kubola.

²⁰² Kufumbwa buyo niba kafwa, baka babikka musamu uulesya mubili kubola mpoonya awo, kufumbwa buyo buumi mbo bwakamana muli mbabo, bakatila tununkilizyo oto a zintu ali mbabo elyo baka vungaila a kuba yola. Mwabona, ku bazikka, bala bazikka ncobeni, ee, ziindizimwi tiibakali kuzyibya bantu akwalo. Nywebo mulizi, Anania a Safira; ba kazikka Anania, cindi Safira. . . Anania, cindi Safira naka njila, nywebo mwabona; kali mugusizye a kumuzikka, nywebo mwabona. Ba kali buyo, kufumbwa buyo niba kafwa, bakali kutila zintu ezyo ali mbabo a kubagusya kuya awo a ku bazikka. Mwabona?

²⁰³ Aboobo waa kali libambilide kale kunjila mu cuumbwe, pele bakali kuyanda kulindila taata kumubona kabatana muzikka. Elyo cindi Na kanjila, awalo mu ciimo eco, elyo Wa kati, “Uli mukufukula buyo.”

Ee, ba kati, “Lino, nkuti ulya Mulombwana ta sondokede ncobeni!”

²⁰⁴ Aboobo lino ncinzi Nca kacita? Wa kaambide kale kuti waa kali koono, Wa keelede kutondezya Ijwi Lyakwe. Ta kakonzya kucicita kumbele lya nkamu eyo, aboobo Wa kati, “Amu batandile aanze boonse.” Elyo Nda konzya ku Mu bona kalangalanga kuli Jairasi a kuti, “Sa uci syoma?”

“Iyi, Mwami.”

²⁰⁵ “Yebo a mukaintu amuboole kuno. Petro, Jakobo a Johane, nywebo a muboole a Mbebo.” Ba keenda okuya a kwiita bbala eli, *talita kyumi*, lyaamba kuti, “Musimbi muniini, kobuka.” Elyo Wa katondezya Ijwi Lyakwe, waa kali koono buyo. Sa mbombubo? Wa katondezya awa, Ijwi Lyakwe lyakali luleme. Kaatakwe kulanganya kutasyoma kwabo, Wa kacili kutondezya kuti Ijwi Lyakwe lyakali luleme, kwiinda ku kumusinsimuna, nkaambo Wa kaambide kuti waa kali koono. Waa kali koono.

²⁰⁶ Uyo cita mbubonya buzubabumwi, ku musyomi oonse wa bwini, ku Ijwi Lyakwe lya kasyomezya. “Abo bali muli Kristo, Leza uyo baletelezya antoomwe a Nguwe.” Mwabona, “Abo bali muli Kristo.”

²⁰⁷ Ino ncinzi oyu musimbi muniini mu Juda nca kacita? Nda talikide buyo kweenguluka Lugwalo olu awa, pele Ndi—Ndiyo unka ku—unka ku lubamba. Ndi lizi inga kwa baanga ciindi camana, elyo tuyo sika ku mundando wa mipailo mu maminiti masyoonto. Ta ndika muboni kwa mvwiki imbi ndiza, pele

atu lindile kwakaindi kaniini. “Muntu taka poneni ku cinkwa cilikke.” Mwabona? Amubone, andi citontele buyo mukati lino eci, ku mutondezya. Nkaambonzi Jesu ncaka sinsimuna kasimbi aka ka Hebrayo? Sa nkaambo kakuti waa kalizi kuti tiika kafwide? Kukanzwa. Mbubonya buyo mbuli Mbwa kacitila Lazaro. Mwabona? Antela kwakali tusimbi tunji tuniini twa kafwide buzuba obo mbubonya, Ta kaamba bbala kuli mbabo. Wa kalizi kuti oyu waka jisi Buumi Butamani. Mwabona, Ta kasinsimuna bamwi babo.

²⁰⁸ Amulange, cindi Na kazwa mu Jeriko, ba kati, “Ngooyu, oyu mulombwana awa!” Taakwe kudonaika ba kati, “Ula busya bafu na? Unda ambila kuti Ula konzya kubusya bafu, tu jisi namaumbwe iizwide mbabo kutala okuno, boola, koba sinsimuna aba.” Mwabona, Ta kabikkila maanu nokuceya kuli mbabo. Mwabona, taaka cicita, nkaambo Wa kalizi kuteeti Wa kali Ijwi.

²⁰⁹ Amubone, waa kali koono buyo. Wa kalizi kuteeti wisi inga wasika. Lino, musimbi oyu muniini, mwabona, Wa kalizi kuti aka kasimbi kaniini kaci Juda kakali koono buyo. Mwabona, i—i baluleme ta bafwi. Jesu wa kaboolela kunununa baluleme. Elyo, ku *nununa*, caamba “kujosegwa oko nkokabede ciindi cimwi.” Mwabona? Ta kakonzya kunununa basikutasyoma, takukwe makani kunji obo mboba kajisi bamayi bakayiide a kunji obo mboba kajisi madigrii. Ta kakonzya ku banununa, nkaambo tii bakali aabununune; ba keelede kuunka ku busena bwabo bwamagolelo. Pele, mu kuzibakale Kwakwe, kalizi kuti Lazaro nakazwa mu cuumbwe. Wa kalizi akwalo kuti oyu musimbi muniini wa kajisi Buumi Butamani. Aboobo taa kafwide, waa kali koono buyo. Elyo cindi milimo yesu yakumana aa nyika, ikuti na tii twa pona mane ku Kuboola Kwakwe, ta tukonzyi kufwa, swebo toona buyo. Wa kaci tondezya awa. Uyo citondezya alubo. “Nekubakuti tuuka twa lukanda twanyonyoona mubili oyu, nekubaboobo Ndiyo buka mu cinkonzya Cakwe.”

²¹⁰ Ula tondezya oonse Majwi Aakwe, oonse Majwi Aakwe. Amu ciyeeye buyo, oonse Majwi *Aakwe!* Elyo mwakali Ijwi Lyakwe. Wa kali Ijwi, alimwi mwakali cibeela ca Ijwi Lyakwe. Elyo, ako nkekaambo mwaka tuminwa okuno, kusimpikizya busena bwano mu buumi. Nse—Nse—Nse yeeyi kuti mwacimvwa eco. Mwabona, Walo ndi Ijwi. Sena lino mwacimvwa?

²¹¹ Wa kali mu matende, muli Luther; mu zibelo, muli Wesley; mu makuko, mu Pentekoste. Mwabona eco Nce pandulula? Walo Mutwe. Mu jisi cibeela eco ciswaanya ceeco antoomwe, oora eli ndyo tupona lino; kutali cibeela ca matende, kutali cibeela ca cibelo, kutali cibeela ca kkuko, pele cibeela ca nsingo. Sa mbombubo? Ci swaanganya ku mutwe. Eco ncibeela ca mubili. Abo boona muli Jesu Leza uyo baletelezya antomwe a Nguwe. I mweembo wa Leza uyo lila, a bafu muli Kristo bayo buka lutaanzi. Sa mbombubo? Mwabona, muba cibeela ca Ijwi eelyo,

muba cibeela Cakwe. Elyo mubweza Zina Lyakwe ku kuliziba, mwabona, muli bikkidwe omuya, kabbizigwa mu Zina Lyakwe, mu Mubili Wakwe, “Ku Muuya omwe toonse twa kabbizigwa mu Mubili omwe,” mukati omu, mbubonya buyo mbuli busena bomwe. Ta cinci nzila Yakwe. Ikuti na... Mbangaye basyoma kuteeti Mbungano ntaanzi ili muli Nguwe? Atu bone, mbangaye ba cisyoma? Mbobuti mboba kabbizigwa? Yaa. Mwabona, Ngu Leza utakwebucince. Twa tondezya eco. Tula konzya kukkala awa mane akatikabo sunumasiku, kutondezya ceeco, elyo ku ciyabuya a kuyabuya a kuyabuya. Mwabona, taakwebucince! Mwabona? Muli muli Nguwe alimwi cibeela Cakwe, nkaambo mwakali cibeela ca kuyeeya Kwakwe. Kuzwa ku malengelo aa inyika, Wa kamwiita!

²¹² I Bbaibbele Iya kati cinyama aa nyika... Oyo ngu sikulwanakristo sikabungwe kaboola aa nyika, ku panga cinyama ku Rome, ako kakali kabungwe kataanzi. A Nkamu Yanyika iya Mabungano eyi ipanga cikozyanyo ku cinyama, mbubonya buyo mbuli ceeco buyo nco twa kazwaa kubikka mu bbuku omuya buzuba bumwi. Amubone, cipanga ceeco, mwabona, sikulwanakristo. Elyo Bbaibbele Iya kati, “Boonse abo bala mazina ata lembedwe mu Bbuku Iya Buumi Ilya Mwanaambelele,” (lili, ku lubukulussyo?) “kajaigwa kuzwa ku malengelo aa inyika,” (zina lyako Iya kabikkwa omuya) “oyu sikulwanakristo uyo mucenga.” Matayo 24:24, yaamba kuti—kuti “I sikulwanakristo uyo tandila loko kuba mbuli cintu cini mu mazuba amamanino, inga ciyo cenga mbabonya basale, na bakakanzwa...” Ncintu comwe, kusala a kukanzwa ncintu comwe, Leza wa musala a kumukanza kuzwa ku malengelo aa inyika. “Uyo cenga boonse abo bala a mazina atakakanzwa kuba mu Bbuku Iya Buumi.”

²¹³ Daniele waka caamba, obo basongo mbo bayooba mu buzuba obo, abaabo batali basongo, abamwi bambi. Yaa, kunji, pele Ndiya butantamuka loko—loko kulaale, nkoloko yeenda kufwambaana manangi kuli ndime. Amubone, lino amulangilile, Wa kabona nikwakamana... Lino amulangilile eco cacatola busena awa. “Boonse Mba kazikale, Wa kabaita. Boonse Mba kaita, Wa ka balulamika. Boonse abo Mba kalulamika, Wa kabapa bulemu.” Lweendo lwanu lwamana, mwa manizya cibeela canu. Luzyalo nceeco Leza ncaka mucitila. Milimo nceeco nco mucita mu kulumba.

²¹⁴ Katondezya ku cintu Cakwe ncoonya, kuti Wa kalizi zintuzyonse, oyu Mwana wakazyalwa kuli nakalindu. Wa kalizi oko kwakali nswi mu maanzi, cakuti Petro a mbabo nkoba kazela a kutajata neciba cintu. Eco caka tondezya Ijwi Lyakwe. Sa mbombubo? Wa kalizi zintuzyonse.

²¹⁵ Elyo cindi Na kali kulibambila kubbadela mitelo Yakwe, ca katondezya kuti Wa kajisi zintu zyoonse. Wa kalizi oko nswi nkoya kabede eyo yaka jisi ka kkbibili kakubwene mu mulomo

wayo ka kubbadela kwa i. . . Muntuumwi wa kakalosya muya, elyo nswi eyo yaka kabweza ncobeni. Elyo Wa kati, “Petro, koya kunselelo a kuyo fusa kalobo, mwabona, a kununa nswi eyo a kugwisya ka kkobili ako mu mulomo wayo. Elyo kuyabuya a kubakktuya, bbadela mitelo.” Oh, iiyi!

²¹⁶ Ba umpe bali jisi malyango a bayuni bali jisi ziteente, pele Wa kajisi Ijwi, Wa kali Ijwi, a kucitondezya boobo. Ula tondezya Ijwi Lyakwe lyoonse. Mbubonya Mbwa yocicita lino, mu nzyalani zyoonse Ula tondezya mbubonya.

²¹⁷ Nikwaainda buzuba bwatatu, nikwaainda lufu, kuzikkwa Kwakwe, buzuba bwatatu, Wa kabuka alubo, ku tondezya Ijwi Lyakwe, nkaambo musinsimi wakati, “Nse kalekeli Umwi Wangu Uusalala kubona kubola, nanka kuteeti Nka siye buntu Bwakwe mu gehena,” buzuba bwatatu, kubola kakutana konzya kutalika kuba mu maora ali makumi ali ciloba aabili. Mwabona, taaka kkwana mazuba otatwe amaninide, nkaambo kubola kulatalika kuba mu maora ali makumi ali ciloba aabili. Mwabona, aboobo Ta kaunka ciindi cizwide, nkaambo musinsimi wakaamba, mwabona, musinsimi wakaamba, “Nse kalekeli Umwi Wangu Uusalala kubona kubola.” Wa katondezya Ijwi Lyakwe.

²¹⁸ Wa kaponya baxiswa, balema, ku tondezya Ijwi Lyakwe eelyo Isaya abamwi basinsimi ndyoba kaamba.

²¹⁹ Wa katuma Muuya Uusalala aa Buzuba bwa Pentekoste, ku tondezya Ijwi Lyakwe. Muyanda kubweza amwi a Magwalo aya lino, Joeli 2:28, Wa kati, “Ciyo citika mu mazuba aakumamanino, mbwaamba Leza, Ndiyo tila Muuya Wangu aa bantu boonse, alimwi aa basimbibabelesi Bangu a basankwababelesi Ndiyo tila Muuya Wangu. Balombwana banu baniini bayo bona zilengaano, bamadaala banu bayo lota ziloto,” azimwi zimbi. Wa ka citondezya kwiinda mu kutila! Akwalo, Wa kaamba kakutana ciindi eci, muli Luka 24:49, ikuti muyanda kwiilemba, Wa kati, “Amubone, Nda tuma cisyomezyo ca Taata Wangu aali ndinywe. Pele amu kalindile, mu munzi wa Jerusalema mane mukazuzigwe nguzu zizwa Kujulu.” Mpaawo we, Wa kacicita, Wa katuma Muuya kuzumanana kutondezya Ijwi Lyakwe. Pele amulangilile eco Nca kaamba. Sena Wa kacicita? Yaa.

²²⁰ Marko 16, Wa kati, “Kamuya nywebo mu inyika yoonse, mukakambauke Makanimabotu ku bantu boonse.” Kule buti? Inyika yoonse. Bani? Bantu boonse. “Oyo usyoma a ku bbigizwa uyo futulwa. Oyo utasyomi uyo zulwa, a zitondezyo ezi ziyo batobela abo basyoma.” Wa kati muli Marko 4, Wa kati muli Johane 14:12, akwalo Wa kati, “Oyo usyoma muli Ndime,” kutali kulicengeezya, pele, “Oyo usyoma muli Ndime, milimo eyo Nje cita uyo cita awalo.” Ca katola Muuya nguwenya oyo wakali muli Nguwe kucita milimo eyo njiyonya. Nkaambo kanzi? I Muuya wakali kuboola kuyubulula Ijwi lyaka syomezegwa kumbele.

Mwabona, Wa kaanza kulibambila, nkambo Wa kalizi kuti zintu ezi ziyo citika.

²²¹ Lino, nikwakamana myaka ya myaanda ili kkumi afuka, antoomwe a makkalo ambungano akainda, a zintu zyoonse ezyo Nzya kasinsima kwa Luther, Wesley, twa kazwa kwiindamo a ku cibona kacidulowing'a, a mweezi wakaseluka a kucidulowing'a, a Mwami waka cidulowing'a aa bboodi awa kuli ndiswe, a ku citondezya, a kuseluka Lwakwe mwini a ku cisimpikizya kuba ciluleme. Nikwakamana myaka ya myaanda ili kkumi afuka, alimwi tuli ku mamanino a Bukkalo bwa Mbungano bwa Laodikea, Wa kasyomezya, muli Luka 17:30, kuti oyu nguwenya Mwana wa muntu (Wa ka cisyomezya) uyo yubununwa mu mazuba mbuli mbu kwa kabede mu Sodoma, aa nyika. Sena Wa kacicita? Sa ceelede kuyo citika? Ta cikonzeiki... Lino, amuyeeye, Wa kaboola mu mazina otatwe: Mwana wa muntu, musinsimi; Mwana wa Leza, Muuya; Mwana wa Davida, waku Mileniamu. Pele akatikati, kakuswaangana oku, lino kweendelana ku Majwi Aakwe eni, mu buzuba obo Mwana wa muntu nayo yubununwa, kuliyubununa Lwakwe mbuli (nzi? kutali Mwana wa Leza) Mwana wa muntu. Uyo liyubununa Lwakwe mu nzila zyaandeene. Lino, ino ncinzi eco nco cibamba? Malaki 4, kululeme ncobeni. Mwabona, Mwana wa muntu uyo liyubununa Lwakwe, kutali mu tubungwe toonse tupati a zintu, mbuli mbu twa kaindamo mu makkalo, pele Uyo liyubulula Lwakwe mbuli Mwana wa muntu alubo, kuyubulula Malaki 4. "Elyo mu buzuba obo, Ndiyo tuma kuli ndinywe Eliya musinsimi, elyo uyo sandula myoyo ya bana kujokela ku Lusyomo lwa matata abuapostolo, kuzwa kuli koonse kwaciimo catubungwe, a kubweeda ku Ijwi litaanzi alubo," ku bombomeka Musamu wa Nabwiinga wa buzuba bwamamanino oyo Ngwa kasyomezya. "Mu ciindi caku mangolezya kuyooba Mumuni," kutali kwiinda mu buzuba bwa sikunku, kuyooba mumuni; buyooba buzuba butakonzyi kwiitwa kuti isikati na masiku. Mwabona, nkuyakwa kwa Mubili. Pele Mutwe nguwenya oyo wakali kokuno Kujwe, uli kokuno Kumbo alubo, "Kuyooba Mumuni mu ciindi caku mangolezya." Oh, ma, Ndi limvwa mbuli kwiimba lwiimbo!

Kuyooba Mumuni kutandila ku ciindi caku mangolezya,
 I kazila ka bulemu muyo kajana ncobeni;
 Mu nzila ya mu maanzi, ngo Mumuni sunu,
 Kuzikkwa mu Zina Lyakwe liyandisi.
 No bana a bapati, amweempwe ku zibi zyanu zyoonse,
 Mpawo Muuya Uusalala uyo njila ncobeni;
 I Mimuni yaku mangolezya ya boola,
 Kwakazibwa a kubambwa kasimpe kuti Leza
 a Kristo Mbamwi.

222 Elyo Mwana wa muntu uli muku liyubununa Lwakwe mu nguzu zyoonya omo Mwa kabede, (kutali muciiindi cakatobela mu bukkalo bwa mbungano, kwiinda mu kululamikwa, kusalazigwa, a zintu ezi zyoonse awa) pele Mwana wa muntu. Nguni Mwana wa muntu? I Ijwi! Elyo Ijwi lila buumi maningi, anguzu loko kwiinda panga libosya mabemba oonse, a kutweluka mizeezo eyo ili mu moyo. Ino ncinzi Nca keelede kucita? Wa keelede kutondezya Ijwi elyo. Ino ncinzi Nca yo cita? Amubone ncico cindi twa cibona kacicitika, amu Li lunge mu ciimo nciconya Nca kabede ano ku matalikilo, Musumpululu wa Mulilo. Ma! Kutondezya kuti Ngu Hebrayo 13:8, kati, “Jesu Kristo ngo mbobuca nguwenya, sunu, amuya myaaka.” Ino cakali cinzi? Jesu Kristo, mbobuca nguwenya, oyo wakali Kristo wakali mu lukula antoomwe a Musa. Mbangaye bazi kuti Bbaibbele lya kaamba boobo? Mbubuca! Oyo wakali Kristo cindi Paulo nakali kukanana awa sunu (sa mula syoma eco?) mu Cizuminano Cipyia. Mpawo Mwana wa muntu, Kristo nguwenya, mu buzuba bwa mamanino. Mwabona? Yaa.

223 Amubone akwalo Johane 14:12, Wa kati, “I milimo eyo Nje cita muyo cita.” Oonse aya Magwalo amwi, cinzi Nca cita? Uli waano lino ku tondezya (kutali bukkalo bwa Luther, kutali bukkalo bwa Wesley, kutali bukkalo bwa Pentekoste, kutali bukkalo bwa Baptisti, kutali bukkalo bwa Presbyteria, twa kabwiindamo ncobeni kale a ku butondezya ku makani akale mu Bbaibbele; pele nzi?) bukkalo bwa Mwana wa muntu uli mukuyubununwa, ku leta zintu ezi mukuzulizya Ijwi cindi zyoonse nozyeelede kuzulizigwa. Mwabona? Tula cibona, alimwi nca bwini!

224 Elyo, amuyeeye, kwiinda munzila nzyoonya Wa kacita mu busena butaanzi, kuta simpikizigwa buyo akati kesu, pele caka simpikizigwa ku sayansi. Be elede kuzumina kuti Lili luleme. George J. Lacy, mweendelezi wa FBI, ulanganya mbata zya mpela ya tunwe a mapepa aa twaambo, kati, “I Mumuni wa kauma leensi. Nda ka ciita kuti lwiiyo lwakulilemeka kwamizeezo lwangu, pele,” kati, “Ba. Branham, kkamela eyi taika bwezi lwiiyo lwakulilemeka kwamizeezo. Nko cili.”

225 Ino ncinzi? I bumboni, kuti myaka milamfu yakainda cindi Musumpululu wa Mulilo niwakaimvwi okuya mu citeo eco mu kambizi, kukanana, Wa kati, “Uta kafwebi na kunywa, kuli mulimo wako wa kucita cindi wa kukomena maningi.”

226 I bantu bakati, “Mulombe ulya takkwene mu miyeeyo yakwe.” Baama bakali kuyanda kwiita dokotela, Nda kali kulibilika.

227 Pele ino cakali cinzi? Wa kakkala kunselelo nkoonya kuno kukkuti lya mulonga, ku Mulonga Ohio, a kwaamba, “Mbuli Johane Mubapatizi mbwa katumwa ku citya bantu kulibambila

ku Ijwi Iya keelede kuyubululwa, mbubonya Mulumbe wako mbo uyocita.”

²²⁸ Obo Mwiiyi Davis a mbabo mbo bakandiita kuteeti “kutakkwana” kwa “mizeezo” yangu, kali kuyanda ku nditanda mu mbungano, nkaambo Nse ka zuminana a nguwe aa bakambausi banakazi a zintu ezyo zyoonse zya takali zyamagwalo. Wa kati, “Elyo waamba kuti uyo kambauka a kucitya lubukulusyo kuuma inyika?”

Nda kati, “Kutali ndime, pele Wa kaamba boobo.”

Wa kati, “Billy, wa kajisi ciimo ciyumu kulanganya.”

Nda kati, “Ndiyo josya kkaadi lyangu ndyoonya lino, Nse cili wako.”

²²⁹ Wa ka Ca amba, Nda Ci syoma, elyo Wa ka Ci tondezya. Eco nce cibeela cibotu, Wa Ci tondezya, katondezya Ijwi Lyakwe kwiinda ku Ijwi, nkambo Walo ndi Ijwi. Mwabona? Elyo Ijwi licita nzi? Lilizi maseseke aa moyo. Sa mbombubo? Yaa, latondezya mu Bahebrayo 13:8.

²³⁰ Elyo Uyoba a Mbungano ya Nabwiinga ilibambilide mu mazuba amamanino. “Ino mbobuti Mbwayo cicita, Mukwesu Branham?” Ta ndi zyi. Pele Wa kati Uyo cita. Uyo citondezya. I Wiitidwe kuzwa kuli boonse bamwi bambi, mbo mbubo, muyuni wa budomwi oyo wa kasansailwa kwiinda ku Bulowa Bwakwe. Mwabona? Wiitidwe kuzwa, boonse bamwi ba butanga taba Mu yandi. Uli sampawidwe a kukakwa.

²³¹ Pele, muyuni wa budomwi, lino, Nse kwe ndaba obo mulembi mbwali kuyanda kutazuminana a Ceeco, uli lubide. Amuyeeeye, eco caka citika ku muyuni, oyo muyuni wa budomwi mbwakabede? Ba kabweza bobilo babo, umwi wa kajaigwa, mulongwe, wa katuntumwidwa atala Iya muyuni umbi, elyo kwali kusalazigwa kwa cinsenda, abudomwi bwa bulowa, elyo wakoongolola, “Kusalala, kusalala, kusalala, ku Mwami.” Elyo oyo wakali Mulongwe wesu, Jesu Kristo, oyo wa kajaigwa, a Bulowa Bwakwe buli aali ndiswe, kalila, “Kusalala, kusalala, kusalala, ku Mwami.” Boonse bamwi bayuni. . . Ndili kkomene zina lyangu lili mu Bbuku lyakwe; kutali aa nyika awa, pele kujulu okuya; kutali aa cikutu ca mpongo, pele aa cikutu ca Mwanambebele. Mbo mbubo.

²³² Kuyooba bubuke bwa bafu. Uyo kuzibya. Mbo mbubo. Uyo kutodezya. Kuyooba Kukwempwa kwa Mbungano. “Mbobuti mbo kuyooba?” Ta ndizyi, pele Uyo kutondezya. Ijwi Lyakwe ndya bwini. Kuyooba Mileniamu. Uyo utondezya, Ndi Ijwi Lyakwe. Kuyooba majulu mapya a nyika mpya. Uyo kutondezya, nkaambo Ijwi Lyakwe lyakaamba obo. Elyo baluleme buyo mbo bayooba kokuya. Uyo kutondezya, akwalo. Mbo mbubo. Balikke abo bakabambwa cibeela ca Ijwi eli (mwabona, yooba cibeela cabo abusena bwabo mu Ijwi ku bukkalo bwabo) mbo bayooba ko balikke. Nkaambo, obo buyo mbocibede, Walo ndi

Ijwi. Elyo mwanakazi niinzi? I cinkozya ca mwaalumi. Elyo ino ninzi—ninzi Mbungano? I cinkozya ca Ijwi. Mwabona, obo mbombubo ncobeni. Mwabona? Aboobo ciyooba ko, mbubonya ncobeni. Balikke basyomi beni mu Ijwi Lyakwe mbo bazi Eci a bakonzya ku Ci syoma. Elyo Leza ula bagwasya ku citondezya, mbo mbubo, kuti cili bwini.

²³³ Sena lino mula Li syoma? Sena mula Li syoma? Ikuti na mboobo, amu tambikizye ku lusyomo a kujata cikobela Cakwe, nkaambo Wi inda nzila eyi. Uyo tondezya kuti Ngu mbobuca nguwenya, sunu, amuya myaaka, Bahebrayo 13:8. “Amubone, Ndili a nywebo lyoonse, kusika ku mamanino aa nyika,” Matayo. Elyo Walo Mupaizi Mupati, kweendelana ku Bahebrayo, Bbuku lya Bahebrayo, cipati 4 akampango 15, “Walo Mupaizi Mupati oyo ukonzya kugumwa kwiinda kukulimvwa kwa kulengauka kwesu.” Sena mula cisyoma eco? Amu tambikizye a kujata Mwami. Nkwali lyoonse, “Amubone, Ndili a nywebo lyoonse.” Amulange mucuindi cakatobela ca makkalo. “Amusoleke zintu zyoonse. Amu jatisye kuli ceeco cili kabotu.”

²³⁴ Lino, ikuti na uzulilwa ku mbungano eyo ita syomi kuti Ngu mbobuca nguwenya, sunu, amuya myaaka, mbobuca mu nzila zyoonse, kozwa kuli njiyo. Tondezya!

²³⁵ Lino, twaamba kuti Wa kabuka kuzwa ku bafu. Nse caamba, Ijwi awa lya caamba. Ba kati, “Wa kabuka kuzwa ku bafu.” Wa amba kuti Ngu mbobuca nguwenya, amuya myaaka. Sena mula syoma obo? Wa kasyomezya zintu ezi kuyo citika mu buzuba bwamamanino, kuti nguwenya Mwana wa muntu uyo tondezegwa.

²³⁶ Lino, amuyeeye, oyo takali Jesu wakali kukanana kuli Abrahamu okuya, oyo wakali kukonzya kuziba miyeeyo mu mizeezo ya Sara kusule Lyakwe. Oyo takali Jesu, Ta kalina zyalwa. Pele wakali Muntu mu mubili wabuntu, walo Abrahamu ngwa kaita kuti “Elohimu, Singuzuzyonse mupati.” Kutondezya . . . Elyo Jesu wakati, “Mbuli mbu kwakabede mu mazuba a Sodoma,” lino amulangisisye, “mu mazuba a Sodoma, mbubonya mbo kuyooba kuboola kwa Mwana wa muntu, cindi Mwana wa muntu ano yubununwa.” Ta cili mbungano limbi pe, mwabona, kutali limbi; Nabwiinga waitwa, mwabona. “Mu buzuba obo Mwana wa muntu uyo yubununwa.” Inzi? Kuswaanganya Mbungano ku Mutwe, kukamantana, lukwatano lwa Nabwiinga. I lwiito lwa Sibwiinga luyoboola kwiinda moomu, cindi Mwana wa muntu akuseluka a kuboola mu mubili wabuntu ku kamantanya bobilo antoomwe. I Mbungano yeelede kuba Ijwi, Walo ndi Ijwi, elyo bobilo bakamantana antoomwe, a, kucita ceeco, ciyo tola kutondezegwa kwa kuyubununwa kwa Mwana wa muntu. Kutali mupaizi. Ta—Ta ndizi, Ndi . . . Sena mwabona eco Nce pandulula? Mwabona, walo Mwana wa muntu, Jesu Kristo, uyoseluka mu mubili wabuntu aakati kesu, alimwi uyobamba Ijwi Lyakwe kuba kasimpe loko cakuti liyo

kamantanya Mbungano a Nguwe kuba bomwe, Nabwiinga, elyo mpawo Uyo inka ku Muunzi ku Cilalilo ca Mucado. Ameni. Waa kamantanizigwa kale, mwabona, Tu unka ku Cilalilo ca Mucado, kutali ku lukwatano. “. . .kukkutya mibili yanu. . . kwini, ku mibili ya bantu boonse basintaze, nkaambo lukwatano lwa Mwanambelele lwasika.” Pele, Kukwempwa, kuunka ku Cilalilo ca Mucado. Cindi, Ijwi okuno lila kamantana a muntu, nkabela balo bobilo baba bomwe. Elyo mpawo ino ncinzi nco cicitu mpawo? Ci yubulula Mwana wa muntu alubo, kutali basilwiiyo lwabukombi ibambungano. I Mwana wa muntu! I Ijwi a Mbungano zyaba bomwe. Kufumbwa eco Mwana wa muntu neacacita, Wa kali Ijwi, Mbungano ilacita cintu nciconya.

²³⁷ Mbobuti Mbwa kali tondezya Mwini ku makkalo? Kwiinda ku basinsimi, abo bakali kukonzya kwaamba Ijwi, kuziba miyeeyo yabo. Mbombubo obo Mbwa kazibwa, obo. Kasyomezegwa ku bukkalo bwa mbungano, kuboola kwiinda a “kutali akwalo busiku na isikati,” pele mu ciindi caku mangolezya cindi Mwana wa muntu nayo yubununwa. Uyo boola alubo. “Kuyooaba Mumuni ku ciindi caku mangolezya.” Mwabona? Ino ncinzi Nca cita? Tondezya Ijwi Lyakwe.

²³⁸ Lino amulange musule, sa Wa kaboola mbuli nakalindu, sa Wa kaboola mbuli mbuba kaamba, kwiinda kuli nakalindu, mubwini? Sena Wa kaboola mbubonya buyo munzila Mbwa kaamba? Amulangilile sunu, Wa katondezya Ijwi Lyakwe kakutakwe kulanganya kuti na bakali bongaye abo bakali kusyoma kuti kunyina leza, batazumini mu bukombi bwakasimpe, basituncimwa, nokuba Wa kazumanana kusika moonya, kutondezya Ijwi Lyakwe. Mpaawa mpo tubede, kwiinda mu bukkalo obu bwa mambungano oonse a zintu, kazwa mbuli mbuba kacita kuzwa kuli Malaki kusikila ku kuboola kwa Kristo. Basinsimi boonse a zintu zyakali manide, elyo zya kanjila mu bantu balemekwa azimwi zimbi, pele, mbubonya buyo, amulange musyobo wa syakacite Ngwa katuma. Mbubonya buyo mbuli Eliya, sikusulaika banakazi basibwaamu, aku babikka misila minji, mapauda a kucinca buboneki a zyoonse zintu ezyo okuya. Elyo bapaizi, wa kabajaya kululyo a kulumwesi. Kuzwa mu lukula, taakwe naka zwangana aumwi wabo, nkabela wakati, “I Mesiya uli munzila. Ndiyo Mu ziba cindi A boola, Ndiyo Mu zibya. Ameni. Muta taliki kuyeeya kuti muzulilwa kuli *ceeci* na *ceeco*.” Mbubonya buyo Eliya mbwa kacita!

²³⁹ “Elyo mu mazuba amamanino, ciyo citika kuti, kabutana sika buzuba bupati a buyoosya bwa Mwami, kuti Ndiyo mutumina kabutana sika buzuba bupati a buyoosya bwa Mwami, Ndiyo mutumina Eliya musinsimi, elyo uyo boozya Lusyomo lwa bana kujoka ku matata.” Elyo amulangilile, Lusyomo lwa matata ku bana, ba Juda. Mwabona? Cisyomezyo cabo ca Lugwalo, i Bamasi akooko nkubaka wida. Amulange

bubili obo mbuli cakulondoka buyo, mbubonya. Elyo mpaawa twa cibona, Leza katondezya Ijwi Lyakwe.

²⁴⁰ Atu kotamike mitwe yesu kwakaindi buyo. Oyandwa Leza, Oyo wa kabusya Mwami Jesu kuzwa ku bafu alubo, ku tondezya Ijwi Lyako, elyo Ula pona sunu, citondezya Ijwi Lyako. “Amubone, Ndili a ndinywe lyoonse, akwalo ku magolelo,” kutondezya Ijwi Lyakwe. “Jesu Kristo, mbubonya nguwenya, sunu, amuya myaaka.” (Ikuti nikwatali “muyamyaaka,” ambweni inga mwa—inga mwa lebwa kuli zimwi zimbi.) Nse leka ku cipandulula, Mwami. Pele, *muyamyaaka*, ba lizi, walo buyo “i—i mwaakwe wa ciindi.” Elyo lino kwamana bukkalo obu, takukabi limbi amuya myaaka, kuyooba Butamani. Aboobo Wa kali Leza nguwenya oyo wakali muli Musa amu basinsimi. Mpawo Wa boola nikwamana mwaakwe wa ciindi, a kuto- . . . zya Lwakwe ku . . . kalitondezya Lwakwe mbuli Leza musinsimi. Elyo mpawo ni twa kajisi mwaakwe wa ciindi, alimwi Ula boola alubo. “Mbobuca nguwenya, sunu, amuya myaaka.”

²⁴¹ Tula yeeya oyu, Solomoni, omuya mu mileniamu mpati yaba Juda, elyo kucindi nikwaatalikwe zisi zyakasola kuba guma, a cipego eco cipati ca Leza cakali mu musinsimi kusikila wa kazibya namalelo maseseke aakwe oonswe aa moyo wakwe, taakwe cakasiswa. I bukkalo bupati, kutondezya a kukozyaniswa kuti kwakali Bukkaloo bupati buboola.

²⁴² Elyo lino, Taata, oyo wakali Nduwe, kutali Solomoni. Oyo wakali Nduwe muli Jesu, nkambo Wa kati, “Leza wakali muli Kristo, kayanzanya nyika kuli Lwakwe. Wa kali matalikilo aa bulenge.” Mubili wakwe bwakali bulenge bwakanununwa. Elyo lino kwiinda mu makkalo mbungano waka sweekelwa luyando lwawo lutaanzi, elyo lino mu mazuba akumamanino Wa kasyomezya kuleta mbunga niini, Katanga kaniini, ku mazuba akumamanino.

²⁴³ Taata, myoyo yesu ila sotauka, a moyo wangu ulatwa, cindi Nda yeeya boobo a kuziba kuti Majwi Aako nga bwini, takukwe lya Ngawo likonzya kukakilwa. Lekela bantu aba sunu bamvwisye eco, alimwi lekela sizibi a Ku yandaule ku oora eli, milyango noitana jalwa nkabela takukabi limbi ciindi. Lekela Nabwiinga, mbuli mbwa talika kuzwa mu bweende bululeme kuzwa kuli *ceeci* a *ceeco*, akube kuti aboole mu bweende bululeme mbuli cilengaano mbuca katondezya mvwiki zisyoonto zyainda.

²⁴⁴ Nda Ku lombwa, Taata, ko leleka lino, a kuponya baciswa. Mpaawa kubikkidwe tusani awa, tutambala kuzwa . . . kuzwida ku zibeela zyaandeene. Elyo lino, mu Lugwalo, Lwa kati, “Kwa kagusigwa tusani a tusila, tutambala, kuzwa ku mubili wa Paulo, elyo twa kaunka ku baciswa, elyo Leza wa kabaponya.” Lino, tu lizi kuti tatuli Musalali Paulo, pele tu lizi kuti taakali Musalali Paulo, lwa kali lusyomo lwa bantu muli nguwe mukuba mulanda

Wako. Mwami, bantu aba niba teenzya kwa myaanda eyi iya mamaile ikuti niba tali kusyoma. Lumbula lusyomo lwabo, Mwami, mbuli Mbwe. . .kuta nanika katambala (Paulo taka tunanika, wa kagusya kuzwa ku mubili wakwe), mbuli Mbwe jata tutambala otu, Mwami, kutali kuti mubili wangu (nkaambo taukwe bubotu), pele ncintu Cako cakanununwa, aboobo Nda lomba, Leza, kuti Uyo lemeka lusyomo lwabo. Akube kuti umwi aumwi wabo aponesegwe, ku kaambo ka Bwami bwa Leza. Lino, Mwami, Mulumbe mulamfu, kutaamba kuti wiindilile maminiti, pele waanda ku maora obilo na aanda. Lino lekela balwazi baponesegwe, Mwami, lekela bantu babone kuti Uli waano, kuti Nse aamba buyo eci muli lwangu. Akwalo Nduwe, Mwami. Nda lomba mu Zina Iya Jesu. Amenii.

²⁴⁵ Lino, kwa maminiti buyo ali kkumi. Ta ndizi. . .(Sena—sena wapa naba omwe awa, ino yali inzi?) Billy waamba kuti wavozya amwi. Nda mulomba kucicita cifumo eci. Elyo Nda zwaa kunjila buyo kwa maminiti maniini aanda kusule okuya, elyo Tii ndajisi kaindi kaku mubuzya, nkaambo Ndali kukanana ku Mukwesu Ben abamwi kunze okuya. Tii ndajisi kaindi kaku mwaambila. Wa ndaambila buyo kuti wavozya makkaadi aa mipailo. Kkaadi Iya mupailo B, a mwaanda. . .(Lyomwe kusikaku mwaanda?) B. Ee, atu, Nda syoma, kkaadi Iya mupailo Iya mweelwe mutaanzi, B. Nguni ujisi B? Ula konzya. . . Ikuti na ula konzya kwiima, kutambika janza Iyako, ikuti na ula konzya kweenda. Banakazi bamwi musule. Yaa, B, mweelwe mutaanzi, mweelwe wabili, watatu, wane, wasanu, amuboole kunzila *eyi*. Elyo Ndiyo lomba bana aba baniini ikuti na inga baboola nkoonya kuzunguluka kunze Iya cibumbili a kukkala awa lino. Yaa. Lino, lino Nda mwaambila, amu batume, amwiinke omuya mwakwiindila, nywebo no bantu kuzwa kuli omwe kusika kuli wasanu, amwiinke kwiinda moonya munzila eyo akuselemukila ansi eni. Abalekwe abo bali mwakwiindila omuya, ikuti na bala konzya, bajokele nkoonya kuzungulukila awa kuya ku zyuuno zyabo. Lino, bana baniini aba bakkede awa, amuboole nkoonya kuzunguluka kunze Iya cibumbili okuno. Ndi yanda kuti beende mpoonya munsii awa, bantu, kutegwa Ndi bakombele.

²⁴⁶ Lino, atu bone lino. Nda bona. Ino Nda ita buti, omwe kusikila kuli wasanu, embo na? Omwe, wabili, watatu, wane, wasanu. Omwe. . . Bantuboonse abo bajisi makkaadi aa mipailo oko, omwe kusikila kuli wasanu, tambika janza Iyako, ku bona kuti na boonse baliimvwi ku matende abo. Kuli omwe, wabili, watatu, wane. Nda bula omwe. Omwe, wabili, watatu, wane, wasanu, muli B. Ndinywe balo omwe, wabili, watatu, wane? Omwe, wabili, watatu, wane? Uli kuli wasanu, B? Wasanu, kojokela mu nzila eyo, omulindu. Yaa, munene, kozunguluka nzila eyo. Nje njiyo. Kozunguluka nkoonya a kujokela, wasanu. Cisambomwe, ciloba, lusele, fuka, kkumi. Yaa, B, kkaadi Iya mupailo Iya cisambomwe, ciloba, lusele, fuka, kkumi.

Mwabona, tu cita boobu, mpawo tamubi aa nyonganisigwi. Cisambomwe, ciloba, lusele, fuka, kkumi. Lino Ndi jisi... Mbwe yeeya. Sena ulijisi kkaadi, munene, oimvwi atala awa? Ciloba? Yaa, koya kokuya nkoonya, koya ambabo nkoonya. Ndi jisi buyo obilo, Mbwe yeeya, okuya. Yaa, cisambomwe, ciloba, lusele, fuka, kkumi, kkaadi lya mupailo lya cisambomwe, ciloba, lusele, fuka, kkumi. Ndi jisi obilo buyo, okuno kuli... Sena ulijisi lyomwe, munene? Mpaawo kai. Mpaawo kai. Kkumi, kkumi aumwi, kkumi ababili, kkumi abatatu, kkumi abone, kkumi abosanwe. Lino abo inga baba omwe, wabili, watatu, wane, wasanu. Yaa, kkumi acisambomwe, kkumi aciloba, kkumi alusele, kkumi afuka, makumi obilo. Omwe, wabili, watatu, wane, abo. Yaa, makumi obilo, makumi obilo aomwe, makumi obilo ababili, makumi obilo abatatu, makumi obilo abone, makumi obilo abosanwe. Omwe, wabili, watatu, kamu zunguluka nzila eyo, munene, kozunguluka nkoonya, selemukila mu mundando, makumi obilo abosanwe, makumi obilo abosanwe. Amu mugwasilizye oko, amu mulekele azwe kwiinda kufumbwa nzila nja yanda. Mpaawa we, mukwesu, mpoonya awa, bajula nzila awa nkambo kako. I bantu baku julila nzila awa. Muntuumwi amugwasilizye awa antoomwe okuya, ikuti na ula konzya. Amu mulekele kuboola azunguluke nkoonya a kunjila mu mundando omuya. Nda mwaambila, amumu kkazike mpoonya awo, elyo cindi mweelwe wakwe waitwa, amu mubikke mpoonya atala awo. Mwabona? Cindi aboola mu mweelwe, amu mubikke moonya mu mundando. Yaa, Ndi yeeya kuti abo batandila biyo kuvula bakonzya—bakonzya kuunka lino.

²⁴⁷ Lino, mbangaye awa abo bata jisi makkaadi aa mipailo, alimwi uli sikaanzambwene, uli—uli masimpe kumaninina kuti Leza ulakonzya kuponya baciswa? Ta mbika janza lyako. Sena mula cisyoma? Mbangaye banu awa bazwa... abo bazi kuti taakwe Nce ndizi kujatikizya ndinywe, ta ndizi malwazi anu? Kuli—kuli bantu okuno lino, cikombelo cangu, kuli umwi wanu nobeenzu, takukwe naba omwe Ngwe konzya kubona, cita buyo baaba bakutausi. Kunselelo buyo okuya Nda bona muntu Ngwe ibaluka. Nseli waano kunji, mwabona, elyo mbantu buyo abo baboola kuzwa ku masena oonse. Mbangaye omuno... Andi citondezeye kuli ndinywe. Mbangaye omuno bazi kuti taakwe Nce ndizi kujatikizya ndinywe? Amutambike maanza anu. Amulange okuno. Mwabona? Mwabona? Elyo ndi janza lyako kumbele lya Leza, nywebo mwabona. Ta ndizi cintu kujatikizya mbabo. Lino, Nse zyi kuti Ndali kunoba muntu umwi wiiitwa mu mundando wa mipailo mbuli oyu, oyo Ngwe zyi, pele inga Tii ndaziba eco ncoba sikila okuno. Mwabona, inga Tii ndaziba eco ncoba sikila okuno.

²⁴⁸ Lino eco Nce sola kucita nkusola ku mucita kubona eci, lino amulangilile, “I milimo eyo Nje cita muyo cita a nywebo.” Sena

mula syoma obo? Sena mula syoma kuti Uyo tondezya Ijwi eelyo? Yaa. Sena Wa kaamba kuti Uyo liyubununa Lwakwe mbuli Mwana wa muntu kumamanino aa bukkalo bwa mbungano? Mbangaye? Elyo nyika iyo libonya, kuba mu ciimo ca Sodoma a Gomora? Sena mula syoma obo?

249 Lino, Billy, nkaambonzi tobalekeli buyo kuboola mumsi nkoonya okuno? Inzya, yaa. Ee, kulikabotu, yaa.

250 Ku—ku mamanino aa bukkalo, Uyo liyubununa Mwini. Lino, amulange, sena mulaibaluka kuti, mpawo, nkooku kutakonzeka kumaninide? Lino, mpaawa kuli bantu baimvwi mu mundando oyu, abo Mbe tana bwene mu buumi bwangu. Mbaabo bantu bakkede kumasena okuya, abo Mbe tana bwene. Pele, amuyeeeye, Bahebrayo 4:15, Nda syoma nje njiyo, eyo yakati “Walo Mupaizi Mupati lino oyo ukonzya kugumwa kwiinda ku kulimvwa kwa kulengauka kwesu.” Sena obo mbwini? Lino, ikuti na Ngo Mupaizi Mupati, mpawo Ngu Bahebrayo 13:8, mpawo, “I mbobuca nguwenya, sunu, amuya myaaka.” Sena eco cili luleme? Lino, mbobuti Mbwayo liyubununa Mwini? Mbuli Mbwe mwaambila, lyoonse Ula kanana kwiinda mu basinsimi Bakwe. Ula tuma lyoonse i—i—i—i mulumbe kakutanaba lubeta. Zintu zyoonse, Ta cinci nzila Yakwe.

251 Wa kasala mu muunda wa Edeni, obo Mbwayo futula muntu, kwiinda mukutilwa kwa bulowa bwa umwi utakwekaambo. Ta ku cinca. Tula sola ku kucinca, kwiinda ku lwiiyo, kwiinda ku ngazi ya Babelo, kwiinda mu madolopo mapati, a zintuzyonse mbuli zeezyo. Tu sola ku kucinca, pele ta cibeledi. Tu sola ku kucinca, kwiinda ku kuyiisya nyika kuli Nguwe. Tu sola ku kucinca, kwiinda ku kabungwe ka bantu. Ta cina belekede. Busena bomwe buyo muntu nkwakonzya kuswaangana kukomba, kungsi lya Bulowa. Tubungwe twanu tuyo pasauka, pele kungsi lya Bulowa muli bamwi. Ta cinci pe.

252 Lino, ikuti na Walo Mupaizi Mupati utakwebucince, a mbobuca nguwenya, sunu, amuya myaaka, nkokuti We elede kubamba Ijwi eelyo. Kutali kuti twa kaamba kuti Wa kacita, nkaambo Wa kaamba kuti Uyo cita. Mwabona? Lino, lino, ikuti na Uyo cita obo . . . Lino, amwiime buyo kwakaindi buyo kaniini, kuyeeeya. Lino, mbangaye banu mu mundando wa mipailo oyu abo bazi kuti taakwe cintu comwe Nce zyi kujatikizya ndinywe, malwazi anu? Mpawo tambika janza lyako, mulizi eco Nce . . . Mbangaye omo mu mundando wa mipailo bazi akwalo kuti Nse muzyi? Amu tambike maanza anu.

253 Amulange mu bbunga, mwabona. Lino, nywebo nomuli kooko, tamweelede kuba kokuno, amujate buyo cikobela Cakwe. Koamba buyo, kuti, “Mwami Jesu, Nda Ku syoma.” Lino koamba kuti, “Nda syoma Eco. Elyo Nda—Nda syoma kuti—kuti Ula konzya ku yubununa ku Mukwesu Branham, nkaambo . . .”

²⁵⁴ Lino, kutali kuti nkaambo Mukwesu Branham, walo muntu buyo. Elyo ambweni ikuti na Kukwempwa kwasika cifumo cino... Sena mula yeeya kujatikizya Kukwempwa? Ikuti na Kukwempwa kwasika cifumo cino, Nda amba ceeci mu bubombe, taakwe kudonaika kuti cisela ca mbunga eyi, ikuti na twakaunka kweendelana a—a ntaamo, kweendelana akooko nko tweelede kuba, cisela canu inga cainka kumbele lyangu. Mbo mbubo. Ta ndili... Amulange mulimo Ngwe jisi, a nzila—nzila Mbwe ubweza cabbekebeke. Ndili mulanda utakwe mpindu kuli Kristo, kuziba ceeco Nce ndizi kujatikizya Nguwe elyo mpawo kupona munzila Nje cita; kutali bwaamu, kutali kutasalala, taakwe cintu mbuli ceeco, Leza ulizi obo mbwini. Mwabona? Nda sola ku pona kabotu, pele Ndi—Ndi—Ndi libonya buyo kubaanga Nse konzyi kubamba cintu ku cisandula. Ambweni nikwakaba muntu umbi, ambweni uyiide loko na cintucimwi, niba kakonzya kucileta ku bantu. Pele mpawo bamwi bala yeeya, tabali bantu boonse abo bayo cimvwa, akwalo. Mwabona? Mwabona? Mwabona, Ulizi eco Nca yocita. Aboobo Ndi lituula buyo nde mwini kuli Nguwe a kuti, “Mwami, Ndili mu maanza Aako, cita a ndime mbuli Mbo bona kweelela.” Lino, ikuti na Jesu Kristo ngu mbobuca nguwenya amuya myaaka... .

²⁵⁵ Lino, Nda syoma Ndili muzi mwanakazi oyu. Nse konzyi kuyeeya kuti na nguni, pele Ndili muzyi. Ndili muzyi, bumwi. Pele Nda kali bubwene busyu bwakwe, pele Ta—Ta ndizyi kuti na nguni ku ciindi eci. Pele Ndi—Ndi—Ndi muzyi, bumwi. Sena to ndizi? Uh huh. Nda—Nda li kuyeeya, Nda li kulanga ku busyu bwakwe, Nda li kuyeeya kuti Ndi muzyi, pele Nse konzyi kumwiita obo mbwabede. Pele Nda syoma waa... . Sena mulumi wako ta... . Sa toli mwanakazi oyo ubeleka ku i... . Mulumi wakwe ubeleka ku Seveni—Seveni—Seveni... . na Seveni-Leveni, na cintucimwi mbuli ceeco, kunselelo mu New Albany. Muka. Agan, mbo mbubo. Lino, wa liko kuno, kuboola ku mbungano. Roy, sa oyo tali nguwe nkutwa kainkide buzuba bumwi a... . Sena oyo—sena oyo ngonguwe kutala lya mulundu? Waamba nzi? Mucizi wakwe. Oyo wakali, obo mbombubo, mwabona. Nda muyeeya Roy elyo Nda kali kweenzya kuyabuya, elyo wa kaamba zina eelyo, nkabela Mwami wa kandituma kutala kuya a kuponya mwanakazi nkoonya okuya. Iiyi, munene, elyo Nda yeeya buyo.

²⁵⁶ Lino, pele kuziba cilubide a nduwe, Nse jisi muzeezo. Ulizi obo. Pele ikuti na Mwami Jesu wamwaambila cintucimwi nca kacita. Na ikuti ambweni ujisi—ujisi penzi lya mali. Ambweni walo a mulumi wakwe bakajisi penzi limwi, ambweni walo a bana bakwe, ambweni umwi wa bana bakwe, ikuti na ujisi bana, Ta ndizi. Pele ikuti na uli jisi, ambweni bamwi ba bana bakwe bali—bali mukumwaikizyanya. Ambweni uliimwi okuno kuziba cintucimwi kujatikizya ceeco. Ta ndizyi. Ta ndijisi nzila

ya kuziba. Nse—Nse—Nse konzyi ku mwaambila. Pele Uli zyi. Mwabona? Aboobo, nywebo mwabona. Sena mwabona?

257 Amuswiilile, lino amu cijatisye eci kabotu. Nsena ambide eci mu bbunga, pele Ndi limvwa ku sololelwa ku caamba lino. Ino jwi ninzi? Muyeeyo wa tondezegwa. Lino, mbobuti Mbwe konzya ku tondezya muyeeyo wakwe, na mbobuti Mbwe konzya kutondezya kuli nguwe oyo muyeeyo wakwe mboubede? Inga uyooba umwi muyeeyo wapegwa, nkabela takonzyi kucicita. Aboobo Nde elede kutondezya muyeeyo Wakwe, elyo ikuti na uli luleme. . . Ikuti na muyeeyo wa Leza, ciyoba ciluleme; ikuti tauli muyeeyo wa Leza, mpawo tacikabi ciluleme; uyo ciziba, muyo ciziba, boonse bayo ciziba. Mwabona, takukwe nzila ku ceenguluka. Inga kwaba kuti ngu Leza na kutali Leza. Luzyalo Lwakwe ndunji. Lino amusyome, lino, bantuboonse.

258 Elyo mbangaye bayo syoma? Ee, ambweni tamuna bwene umwi wa miswaangano, pele sena muyo syoma ikuti na Leza wacita obo? Elyo mpawo nywebo oko lino, nywebo nomuta kooba mu mundando wa mipailo, amu—amu kombe, anywebo, mwabona. Na, kumwi, ikuti na ula boola mu mupailo, Nsekwe ndaba na nduweni, ko komba buyo.

259 Mwami Jesu, lino Nda tola ciindi cinji, pele mulimo Wako, Mwami. Elyo Nda cita zyoonse ezyo cabuntu Nce konzya kucita, pele Yebo uli Leza, lino zimwi zili mu maanza Aako, Taata. Aku zibwe kuti Nduwe Leza, a Ijwi Lyako mbwini. Tondezya Ijwi Lyako, Mwami, lya buzuba obu bwamamanino cindi Mwana wa muntu nayo yubununwa. Mbobuti Mbwa kalizibya Mwini? Wa kali Ijwi. Ino Ijwi ninzi? I sikuziba wa miyeeyo a makanze aa moyo. Wa kaziba miyeeyo yabo, kaambila Petro, Filipino, Nataniele, mwanakazi ku mukalo, boonse bambi okuya, kuti cindi nibakasika, kalizi kuti musimbi oyu muniini wakali koono, kutali kufwa. Nda lomba, Leza, kuti Uyo belesya nkombelo zyesu zibombe sunu, zya makkalilo amunyika, kutegwa Uka lizibye Omwini. Kwiinda mu Zina lya Jesu Kristo. Amen.

260 Lino kuponya, Nse konzyi, nywebo mulizi eco. “Ino cipego ninzi, Mukwesu Branham, cintucimwi ncobweza?” Peepe. Ncintucimwi eco ncozi kuli gusya mu nzila omwini. Mwabona? Kufumbwa kuti koliko, tacika beleki. William Branham ngo sinkondo mupati wiinda Ngwe jisi. Mwabona? Pele cindi Nda mugusya munzila, mwabona, mpawo Jesu Kristo ulakonzya kubelesya mubili. Mwabona? Mwabona, lino, Nda boola ku mwanakazi oyo. Lino ncinzi? Lino twaambe ikuti na—ikuti na waa—ikuti na waa kali cisidwe.

261 Ngooyu mulindu oyo ujisi kwanza kwakwe kubikkidwe a—a cuuno. Lino, ikuti na Nda. . . ikuti na Jesu naliko, akuunka kunselelo akuyo bikka maanza Aakwe aa mwanakazi oyo, oko kwanza kwakwe inga kuyooba kabotu. Taakwe kuzumbauzya kujatikizya ceeco. Pele, nywebo mwabona, tuli bantunsi a

maanza ala tombe. Maanza Aakwe alasalala, Leza waka Mu simpikizya. Wa kali Ijwi. Mula syoma obo? Masimpe, Ta ka jisi kudonaika. Na kabikka maanza Aakwe ali nguwe, kwaamba, “Mwanamusimbi, koba kabotu,” elyo wali kunoba kabotu. Pele mpawo Wa katutuma ku cita cintu nciconya. Ndi yeeya kuti Wa kuzibya antangalala.

²⁶² Lino, ino kuti Wa ndipa cilengaano, a kwaambila mwanakazi oyu cintucimwi ca kucita? Cakuti, ee, Nda syoma mpawo ikuti ni Nda bikka maanza angu ali nguwe, inga waba kabotu. Sena mula syoma obo? Pele ino kuti Ta ndipa cilengaano? Ino cilengaano inga nocacita nzi? Kundipa buyo lusyomo. Kulonzya lusyomo lwangu, nguzu zya Leza zitalibonyi. Mwabona? Lino, ikuti na nywebo, nyoonse lwanu mwafwa mpoonya aa miniti eli, inga tee mwakonzya kulibona lwanu *nywebo* kusiya mubili wanu. Boonse bukozu bwakuyeeya, koonse mbobede inga bwazwa, pele tamuka buboni kabuunka. Mwabona? Inga kwaba kuta- . . . I inguzu ezyo zindi bamba kweenzya maanza aangu, ezyo ne inguzu, embo na? Inguzu ezyo zikonzya ku ndibamba kuyeeya, inguzu ezyo zindi bamba kukambauka, inguzu ezyo zindi bamba kupona, kubeleka, inguzu nzizyonya zikonzya kunyanyaazya mubili inga zyausiya elyo inga teemwa zibona kazizwa. Zyalo inguzu zitabonwi. Mbolubede lusyomo! Uta ciimpyi eci. Lusyomo! Elyo Jesu wakati, “Bayo bikka maanza aa baciswa.” Lino, mwabona, ikuti ni Nda liinkide a kuba a cilengaano a kubikka maanza ali nguwe, Nda syoma kuti inga uyooba kabotu, nkaambo Nda bona cilengaano, kaanzambwene kangu kali mu cilengaano. Pele ino kujatikizya Ijwi? Bikka maanza ali nguwe a lusyomo ndulonya. I cilengaano cipegwa buyo kunyanyaala lusyomo lwangu a lusyomo lwanu. A lusyomo ndulonya kakutakwe cilengaano, inga ciyo beleka buyo mbubonya. Bantu bamwi bapedwe lusyomo lupati. Bamwi taba jisi musyobo oyo wa lusyomo, bapedwe zilengaano kubapa lusyomo olo. Mwabona? Lino, mwabona, inga kacili maanza ngaonya ala tombe, kuba muntu nguwenya, pele kubikka buyo maanza ali mbabo.

²⁶³ Lino, aulekwe Muuya Uusalala uzibye Busyu Bwakwe, zibye Ijwi Lyakwe elyo Ndy kasyomezya. Lino, Nda luba zina lyako mbulyabede. Ino nduweni zina, lino? Agan. Ee, Na ndaambila eelyo ikuti na Nali kuyanda, mwabona, pele Nda amba buyo boobo Ndi—Ndi lizi Ndi li kuzi. Lino, koboala buyo okuno nkoonya kwakaindi buyo kaniini, muni aniini, kuli bantu baimvwi okuya kaba komba, yebo wa bona. Oyo ngu. . . Lino, Muka. Agan, ikuti na Ndi—ikuti na Ndi mulanda wa Kristo, alimwi Nda kambauka Ijwi elyo Nde syoma kuba Bwini, sena ula syoma obo? [Muka. Agan wati, “Iiyi.”—Mul.] Ula cisyoma. Lino, ikuti na ujisi kubula kwa cintucimwi, Nse konzyi ku cipa kuli nduwe, nkaambo Ta ndici jisi ku kupa; kunze citakuti ndiza mali masyoonto na cintucimwi, na Nda konzya kuunka kuyo ambaula

ku mulumi wako na bana na bamwi bayandwa na cintucimwi, Nda konzya. Pele ikuti na wali kuyanda kuponesegwa, Nse konzyi kukupa kuli nduwe, oko kwa kaulwa kale. Pele kwiinda ku cipego, Nda konzya kukucitya kuziba, ikuti na ujisi lusyomo, kuti oko kwa kaulwa kale, nkaambo Oyo Wa ka kuula, Umwi alikke ngo konzya kubeda a lusyomo, walo Mwana wa Leza. I Sikuula uliimvwi awa. Mwabona? Sa mbo mbubo? I Sikuula uli waano.

²⁶⁴ Lino, uli ndizi mbuli munyoko, mukutausi, alimwi Ndili kuzi mbuli mucizi. Tuli Mu zyi mbuli Leza. Lino, ikuti na oyo Muntu utabonwi, kwiinda ku cipego eco Nce elede kuli gusya mu nzila lwangu, konzya kundaambila, ku kwaambila kwiinda muli ndime, milomo yangu, wabona. Lino, cindi Ne komba, Leza taboni ndime, Umvwa buyo jwi lyangu kwiinda mu Bulowa bwa Jesu. Wabona, Ta ndiboni, Umvwa jwi lyangu. Elyo obo Bulowa okuya mbweelede kwiiminina eco Nce lomba. Wabona? Mpawo Umvwa jwi lyangu, pele Ubona buyo Bulowa bulikke. Wabona, Ta ndiboni, aboobo Nse konzyi kuba atombe cindi Nda noli kungsi a Bulowa. I Bulowa bulasalazya. Wabona, Walo ncilikwabilizyo akati ka ndime a Leza, a kasyomezya, “Amulombe kuli Taata cili coonse, Ndiyo cicita.” Sena ula syoma eco kuba bwini?

²⁶⁵ Lino, ikuti na bantuboonse. . . libonya mbuli. . . Sa wabona eco cicitika? Langa, kuboola mukati omuno, Mumuni, wa mubala usangene, kuzunguluka ncobeni.

²⁶⁶ Lino naatakonzya kacisisa ikuti nacita. Peepe, peepe. Uli kokuno nkaambo micelo ya cintucimwi eco caka citika kuli nduwe. Wa kajisi kamano, alimwi wali mu cibbadela. Wali mu tente lya okisijini. Elyo uciswa micelo ya nkuko. Uyo oba kabotu. Jesu Kristo uyo kuponya, Ndi cibwene eco. Kozumanana, ku cisyoma. Kozumanana, ku cisyoma, Mucizi Agan. Ndiyo bikka maanza angu ali nduwe, mu Zina lya Jesu. Leza aku longezye, mucizi. Koya, kokkomana, uta donaiki kuli ceeco Nca amba.

²⁶⁷ Uli buti, mucizi? Nse—Nse syomi kuti na Ndili kuzi. Tuli beenzu. Lino, ngooyu mwanakazi oyo Ngwe tazi. Nse kuzi. Nse jisi nzila ya kukuziba. Pele sena ula syoma kuti Leza ulakonzya kuyubulula kuli ndime, kwiinda ku Ijwi Lyakwe, nkaambo, wabona, nkaambo Wa ka cisyomezya? Ula syoma kuti inga wa ndaambila cintucimwi kujatikizya nduwe? Elyo cila kubamba kucitambula, mbo mbubo, kuziba kuti inga tii ndaba ndime, munyoko wako, inga waba Nguwe, Mufutuli wako. Sena ula cisyoma eco? Uli ndilila kwaandulwa. Wa kaambilwa kuti weelede kuyooaba a kwaandulwa. Sena ula syoma kuti Ula konzya kundaambila kaambo ka kwaandulwa? Nka mwida, a mu mala. Obo mbombubo ncobeni. Uyanda ku kuloboka. Sa ula syoma lino, a Muuya oyu awa, Muuya wa Kristo utu zungulukide koonse akwiima atala lyangu. . . ? Ulizi cintucimwi ceelede ku kwaambila, nkaambo Nse kuzi. Sa ula syoma, kwiinda ku kubikkwa maanza, ayo lonzya lusyomo olo Ndwe syomamo,

a nduwe a lusyomo lwako, a kumbele lya Leza, Taata wesu, inga waponesege? Mpawo, Mwami Jesu, Nda swiilila kulailila Kwako, cindi No kati, “Ezi zitondezyo ziyo batobela abo ba syoma. Ikuti na babikka maanza a balwazi, bayo ponesegwa,” lekela mucizi wesu aponesege nkambo ka bulemu bwa Leza; mu Zina lya Jesu, ameni. Lino kozumanana, uta, kalubi buyo kujatikizya ncico, wabona, kozumanana ku cisyoma a moyo wako oonse.

²⁶⁸ Ino uli buti? Nda amba boobo kukwaba muuya wako, mulindu. Mbuli buyo Jesu mbwa kacita ku mukalo, kati, “Ko Ndi letela akunywa.” Lino, Nda syoma. . . Nse syomi kuti na Nse nasola kukubona, Nda syoma uli mweenzu kuli ndime. Sa mbombubo? Ikuti na mbombubo, tambika janza lyako kutegwa bbunga likonzye kubona. Nse muzi mulindu.

²⁶⁹ Oku nkuponesegwa kwini, lwalo ndusyomo lwini, Lugwalo lwini, Ijwi lya Leza linjoloma lya kazibisigwa a kutondezegwa kuti Ta fwide. Ula pona kwalyoonse. “Elyo oyo usyoma muli Ndime, milimo eyo Nje cita uyo cita awalo, a musyomi oyu uyo bikka maanza a balwazi elyo bayo ponesegwa.” Oh, mbobuti mbo konzya ku cidonaika? Wabona? Lino, Wa kalizi oyo wakali noyo cita a oyo wakatali noyo cita, Nse zyi. Eco cili kuli Nguwe.

²⁷⁰ Pele lino ikuti na mulindu oyu waba mweenzu. . . Ta ndi muzi, nsena mubwene mu buumi bwangu. Walo mwanakazi muniini, muniini loko kwiinda—kwiinda ndime. Pele Nse—Nse na mubwene. Elyo uli kokuno ku bukanze bumwi. Sena ula syoma ezi zintu Nze ndayiisya mu Bbaibbele, mulindu, kuba Bwini? Ula syoma kuti zya Bwini. Elyo sa ula Bu tambula, kutali kuti Nda Bwa amba, nkaambo Leza waka Bwa amba?

²⁷¹ Ula syoma kuti tupona mu mazuba amamanino cindi Mwana wa muntu nakeelede kutondezegwa? Elyo inga lyaba Ijwi lyoonse elyo lyaka bunganisigwa kwiinda kuli Luther, Wesley, Baptisti, a boonse obo, a Pentekoste, boonse bwa bungana ku ciyubunuzyo ca ncico coonse mbuca kabede. I Angelo waciloba wakeelede kujula makani aasisidwe aacinamatizyo ca cisambomwe. Koonse kweelede kuyo bungikwa mu Mwana wa muntu, buzule Bwakwe bwa ciindi kwasika ku buzule bwa Ijwi Lyakwe, kutondezya buzule bwa Mubili Wakwe. Elyo *ndi* Ijwi, mpawo, elyo ndi Ijwi lyakaambwa kali tondezegwa kwiinda ku Ijwi, kuyubununa Ijwi.

²⁷² Lino, ikuti na Leza ula konzya kundaambila obo penzi lyako mbolibede, liliko, mubwini. . . Wa kakupanga, Ulizi koonse kujatikizya nduwe. Elyo ikuti na Ula konzya ciyubununa. . . Uli bonya mbuli muntu ulaanseba mbotu. Pele ikuti na Wa konzya ku ciyubununa kuli ndime, uyo ziba ikuti naa nca bwini na pe. Sena ula citambula? Lino kolanga cigaminina kuli ndime. Mu kasimpe, usamide magilazi, wacita—wacita kwa asama. Eco tacili cini ncoli kokuno pe. Nda konzya kubona kuti

Ca jokela musule moonya, wabona. Lino, uli kokuno nkaambo kakwaangana kwa bulowa. Wabona? Wabona? Sena ula—sena ula syoma kuti Ula konzya kundaambila oko nkobubede? Maulu aako. Sena ula syoma kuti oyo ngu Leza ucita ceeco? Sena ula syoma kuti Leza ula konzya kundaambila kunji kujatikizya nduwe? Huh? Mbombubo na kuti uli mweenzu, elyo Ndi buyo . . . kukanana kuli nduwe kwakaindi kaniini. Sena ula syoma kuti Ula konzya, sena ula syoma kuti Ula konzya kundaambila oko nkozwa? Uzwa ku Gary, Indiana. Sena ula syoma kuti Ula konzya kundaambila kuti nduweni? Muka. Ogden. Obo mbwini. Lino kojokela ku muunzi a kuba kabotu, mu Zina Iya Jesu Kristo. Wabona?

²⁷³ Ino uli buti? Tuli beenzu kuli umwi aumwi, akwalo. Nse kuzi, wabona. Pele sa ula syoma kuti Mwami Jesu ula konzya kundi yubulwida penzi lyako? [Mucizi wati, “Ndi lilizi.”—Mul.] Uli lizi. Ndaku lumba, mucizi. Eco cili kabotu loko. Yaa, kuba kuti ulizi obo, mpawo, elyo hernia iyoba kabotu. Alimwi ujisi—alimwi ujisi i—cikoto ku lubazu lwako. Mbo mbubo, embo na? Ula yanda kuteeti ndikwaambile ku lubazu mcibede? Cili ku lubazu lwalulyo. Obo mbombubo ncobeni. Lino koya mu lweendo lwako a kucisyoma, elyo uyooba kabotu.

²⁷⁴ Ula syoma? Cakumaninina, bwalo Mbwini. Sena ula syoma kuti Mwana wa Leza, Mwana wa muntu, waseluka kwiinda mu makkalo mbuli Mbwa kasyomezya? Pele, buyo, sena ula syoma kuti inyika ili mu ciimo ca Sodoma, ilibambilide kunyonyoonwa ku mulilo, mbuli Sodoma mboya kabede? Banasodoma bakali Bamasi, yeeya. Pele munselelo omuya, mu Sodoma, kwakali bantu baluleme, Leza waka tuma mutumwa kuyo baita kuzwa; bamwi babo bakazwa, bamwi tiibakazwa, bunji bwabo bakakkala mukati. Pele kwakali nkamu yaka kkede atala Iya mulundu, Abrahamu, alimwi kwakali Mutumwa wakasika kuli nguwe ku mutondezya eco cakali kuyo citika. Ta kali kuyooba muli ncico, nekuba. Pele mpawo inyika ili mu ciimo ncoonya asunu, elyo Jesu Kristo ngu Mwana wa Leza, Mwana wa muntu, Mwana wa Davida, elyo Wa kaboola kulitondezya Lwakwe.

²⁷⁵ Ndi bona buyo cintucimwi ka cicitika ku mwanakazi. Uli kokuno ku kaambo kapati. Tali kokuno nkambo ka bulwazi. Sena nywebo mulizi eco nca yanda ku ndilomba? “Kubikka maanza ali” nguwe, uyo “tambula lubbizyo Iwa Muuya Uusalala.” Mwabona? Mwabona? Sena ta ciluleme? Tambika janza lyako ikuti na eco cililuleme. Mwabona? Mwabona, ujisi cintu cipati. Oyandwa Taata Wakujulu, kopa mwana Wako oyu kuyanda kwa moyo wakwe, akube kuti atambule lubbizyo Iwa Muuya Uusalala. Aboobo Uyo utambula. Ameni. Uyo Uyo utambula, mucizi. Leza aku longezye. Ko Mupa kulumbaizya a bulemu.

²⁷⁶ Ula syoma? Ino mbuti kujatikizya nduwe oko, sena ula syoma, ayebo? “Ikuti na ulakonzya ku syoma, zintu zyoonse

zilakonzeka.” Uboneka kusinizya maningi kujatikizya ceeco, sena ula syoma kuti oko kwaangana kwa bulowa kulakonzya kuzwa, akwalo? Ukkede nkoonya kuya uusamide usamide shaati lya grini. Tambika janza lyako ikuti na ula syoma kuti kuyozwa, kula zwa. Nsena mubwene mwaalumi mu buumi bwangu, mweenzu, umaninide kwini kuli ndime. Nsena mubwene.

277 Sena mula cisyoma, no bamwi banu, bbunga? Lino, sena tamuboni, kweelede kuti Nguwe?

278 Kkulenge ncintu ciinda kuli Leza kuponya. Ula konzya kuli ponya, Ta konzyi? Sena ula syoma Uyo cita? Yaa, mpawo koya, ko kutambula, mu Zina lya Jesu Kristo. Kosyoma buyo a moyo wako oonse.

279 Wabonwa, omuyandwa. Yebo ulizi, Jesu wa katila Bulowa Bwakwe, kutegwa—kutegwa bulowa bwako bube kabotu. Sena ula syoma obo? Oyandwa Leza, Nda longezya imwana oyu, alimwi abikkwe bulowa kuzwa ku Kalivari. Gusya bulwazi boonse bwa shuga, Mwami, alimwi mulekele abe kabotu, mu Zina lya Jesu. Leza aku longezye.

280 Ino uli buti? Sena ula syoma kuti Ula konzya kuponya musana oyo a kuubamba kuba kabotu? [I mukwesu wati, “Ndi lizi Ula konzya.”—Mul.] Yaa, koya, ko cisyoma, koba a lusyomo. Atu bikke buyo maanza ali nduwe mbuli mbo cilomba. Leza aku longezye, mukwesu.

281 Sena ula syoma? Wa kabamba cakulya kuligwa, Wa kabamba ida lyaku cigaya. Elyo cindi cintucimwi calubila mwida eelyo, Walo Musilisi wa ndilyo. Sena ula cisyoma obo? Yaa, nkukoonse oko nko elede kuziba, syoma a moyo wako oonse.

282 Mukuba kuti waka jisi cintu nciconya, kozumanana buyo a kusyoma a moyo wako oonse, akwalo.

283 Kuli kabotu, amuzumanane kuleta mulindu. Ino uli buti? Musimbi mubotu muniini, ucili muniini loko kuba apenzi lya bwanakazi. Sena ula syoma Jesu uyo kuponya kuli leelyo? Oyandwa Leza, oyu musimbi muniini, Nda singanya sinkondo oyu nacili mu Busyu bwa Jesu Kristo, aku musiye, akube kuti abe kabotu. Mu Zina lya Jesu. Amen. Aku longezye omuyandwa, uyooba kabotu.

284 Sena ula syoma? Lino cimvule cisiya ciinka mujulu, lufu. I kkulenge talili...Leza ula konzya kuponya kkulenge a kulibamba kabotu. Sena ula syoma obo a moyo wako oonse? Sena ula syoma kuti Uyo kuponya kuzwa kuli ndilyo? Mu Zina lya Jesu Kristo, Nda singanya cintu eci cisinganizidwe kungsi answi zyaka tintanisigwa, akube kuti Ciingano ca Kristo ciligusye. Cibambe kwiinka, mu Zina lya Jesu. Uta donaike, koya, syoma amoyo wako oonse. “Ikuti na ula konzya ku syoma, zintu zyoonse zilakonzeka.”

285 Ino uli buti? Mubwini, coondamazwi cako cilaunka, elyo uyooba kabotu ikuti na wa syoma. Sena ula syoma kuti uyooba kutegwainga weendeenda alubo a kuba kabotu? I Mwami alongezye mucizi oyu uyandwa, a kumubamba kabotu, mu Zina lya Jesu Kristo. Koya, kosyoma a moyo wako oonse.

286 Sena ula syoma kuti cintu nciconya cilakonzya ku citika kuli nduwe? Ee, Nda syoma cacitika. Yebo uyo. . . Ikuti na usyoma kuti waponesegeka ndyoonya lino. Ndi syoma kuti cazwa kuli nduwe, lwangu. Mu Zina lya Jesu Kristo, akube kuti mukwesu wesu aunke a kuyooaba mbokweelede a kabotu, ku bulemu bwa Leza. Amenii.

287 Kumamanino cacitika. Yebo okkede waawo, noolila, sena ula syoma kuti oko kuzimba muzindo kuyo kusiya? Wa likkede awa mpoonya ku cisela ca oora lyamamanino, mbo kulibonya, nkoonya kumbele lyangu, Uli imvwi nkoonya muni lya mwaalumi oyu. Wali kusyoma, embo na? Kosyoma a moyo wako oonse, elyo ulakonzya kujokela kumusanza ku Texas a kuba kabotu. Nse na mubwene mwaalumi mu buumi bwangu.

288 Sena ula syoma kuti oyo musana muniini uyooba kabotu alimwi uyoli bambila kuponesegwa? Mwami Jesu, guma cintu ciniini a kuciponya, mu Zina lya Jesu Kristo. Amenii. Ko cisyoma a moyo wako oonse.

289 Lino oyo Muuya uswenena muni, Uli mu buyake boonse. Nciyumu kwaamba oko eco nkuczwa, kulibilika. Andi mutondezye cintucimwi. Mbangaye balibilika, okuya, tambika janza lyako. Mwabona, Kwalo nciyumu kwaamba kuti oyo nguuli. Pele Leza ulizi koonse kwa nkuko, koonse kuyanda kwako. Wa kasola koonse, nciyumu, kuzi zunda. Zintu zinji mu buumi nzosola kuleka, nkabela uyanda kubelekela Leza a zintuzyonse zili muli nduwe. Kuboneka mbuli kuti lyoonse ncintucimwi cikujosya musule. Sena ula syoma kuti ciyo citika ndyoonya lino, cifumo cino, uyo angululwa kuzwa ku zintu ezi? Sena uyo cisyoma?

290 Taata wesu Wakujulu, kutegwa aba bamwi babone kuti Nduwe Kristo, Mwana wa Leza, ponya mwanakazi oyu uyandwa wiimvwi awa, Taata, ko muumuzya. Toonse tu lizi eco nca ciswa, Mwami, alimwi twa komba kuti Uyo muponya. Mbuli Mbwe bikka maanza angu ali nguwe a lusyomo loonse, Mebo, akwalo, ndi jisi kulwanwa ndyoonya lino, kudekela, Saatani, waindizya kubeleka, nsinga zyakuyeeya zyaindila kunyongana. Ko musiya, Saatani. Nda bikka maanza angu ali nguwe a lusyomo loonse Ndwe jisi, ko musiya, mu Zina lya Jesu. Ko unka, kosyoma muli Nguwe. Nce ncico ncoli kundiyanda ku cita.

291 Nse kuzi, uli mweenzu kuli ndime. Oko kubobela kwacibeela mu mubili, ikuti na uyo syoma, liyo pona. Elyo cintu cimbi, ujisi coondamazwi. Ikuti na wa syoma, uyooba kabotu. Penzi lya musana wako lyakusiya. Koya, kosyoma.

292 Sena ula syoma a moyo wako oonse? Awa, kuti... mbangaye. . . Sa mbe boonse baabo mu mundando? Sena ku cili banji bamwi mu mundando? Nywebo nyoonse amwiinde muni awa kutegwa Ndi konzye ku bikka maanza aa balwazi. Atu kotamike mitwe yesu kwakaindi kaniini, kwainda wani okuloko. Oyandwa Leza, Nda bikka maanza aa mucizi wangu, kuciindi bunanike bwa Muuya Uusalala nobuliko. Ko muponya, mu Zina Iya Jesu. Oyandwa Taata Wakujulu, Nda bikka maanza aa mukwesu wangu. . . [Kabeela katakwe cintu aa teepu. Mukwesu Branham wazumanana kukombela balwazi—Mul.] . . . syoma.

293 Oh, sena yebo tokombelwa, mukwesu? [Kabeela katakwecintu aa teepu—Mul.] . . . mukwesu, sa mulizi eco nca kacita? Walo muvwimi wabanyama badia wakaindi. Wa kati wa kajisi raifo eyo njakali kuvwimya banyama badia, wakati wa kacembalisya maningi eno kuya kukuvwima. Wali kuyanda kuleta raifo a kwiipa kuli ndime. Ameni. Atwa ambe, “Alumbaizigwe Mwami.” [Mbunga yaamba, “Alumbaizigwe Mwami.”]

Nda Mu yanda, . . .

Uta lubi mubuzyo wako muniini, kou bikka atala. Ikuti na tou jana sunu, ulete Bwatatu na Munsondo.

Nkaambo Wa kasaanguna kundi yanda
A kuula . . .

Sena nyoonse mwaliko mu mundando wa mipailo, mundando wa mipailo?

. . . lufutuko
Aa cisamu ca Kalivari.

294 Amu yeeye obo Mbwali mubotu kuli ndiswe, lino. Amuyeeye buyo, Ula tondezya Ijwi Lyakwe! Mwabona? Lino amubone, ikuti na ni Ndali kukonzya kuponya, nica liindene, mwabona, pele Ngo Nguwe oyo waka kucita kale. Mwabona? Aboobo Uto ndezya buyo Busyu Bwakwe awa, “Ndime Oyo waka fwide, a upona kwalyoonse.” Taakwe muntu wakasola kuba mbuli Nguwe. Wa kali Muntu kuba luzutu kuli Nguwe. Wa kali Leza. Mwabona? Taakwe muntu oyo wakapona mbuli Mbwa kaponi. Taakwe muntu oyo wakazyalwa mbuli Mbwa kazyalwa. Taakwe muntu oyo wakali kukonzya ku cita eco. . . mbuli Mbwa kacita. Taakwe muntu oyo wakafwa mbuli Mbwa kafwa. Taakwe muntu oyo waka buka kuzwa ku bafu mbuli Mbwa kacita. “Oh,” nywebo mwati, “lindila aniini, Mukwesu Branham, bamwi bakabusigwa kuzwa ku bafu.” Inzya, pele bakafwa alubo. Pele Ula pona kwalyoonse. Mwabona? Kwiina muntu waka buka mbuli Mbwa kacita. Wa kabuka kuzwa ku bafu, kwalyoonse.

295 [Mukwesu Branham ulang’ung’una *Nda Mu Yanda*—Mul.]
Atu lwiimbe buyo kuli Nguwe eno.

Oh, Nda Mu yanda, Nda Mu yanda
 Nkaambo Wa kasaanguna kundi yanda
 A kuula lufutuko lwangu
 Aa Kalivari . . .

²⁹⁶ Atu kotamike buyo mitwe yesu. Mwami Jesu, Nda bayanda bantu aba. Elyo Nda bajata buyo bulamfu Mwami, tii kwali kuyanda kwangu ku cita boobu. Pele mbaaba, bunji bwabo a twana tuniini balalindila, bala anzala, taba mvwisyi. Pele bakkala buyo mpoonya awa, nkaambo balizi kuti muntu takonzyi kupona, nkwiinda biyo ku Ijwi lya Leza. Elyo mpawo cindi Ijwi noli kananwa, elyo mpawo kuyubununwa, kuyubululwa, kutondezegwa, mpawo balaziba kuti kukonzya biyo kuba Nduwe. Nda kombela umwi aumwi. Ba longezye, Taata. Akube kuti babe anseba mbotu a kuyuma nkambo ka lweendo luli kumbele lyesu. Ba longezye mu mvwiki yoonse. Elyo ikuti na lwaba luyando Lwako, Mwami, kuti tuka konzye kuswaangana okuno alubo Munsondo mutobela, Sabata itobela, kuboola kuno a kukomba, Nda lomba, Leza, kuti Uyo bapa nguzu. Bamwi babo tabaka konzyi, bamwi bayo elela kuunka ku minzi yabo mu masena aindeene aa cisi, ambweni kulanduka lwizi, na kunze lya Masi. Twa komba kuti Uyo oba ambabo ka ku bagwasya. Atu kaswaangane ku matende aa Jesu, buzuba bumwi. Ko cipa, Taata. Kotu gwasya lino, mbuli mbo tu yandana umwi aumwi, a ku syoma muli Nduwe, a kulangila buzuba bumwi kuti kaanzyo ako kaanga myoyo yesu antoomwe lino luyooaba lutambo Lutamani, tulekele kuyo kkala mu Muunzi ulya wa foosikkweya, mu Butamani boonse. Mu Zina lya Jesu. Ameni. Yaa.

Kotolelela Zina lya Je- . . . a nduwe,
 Mwana wa . . . (Lino amu sukane maanza umwi
 aumwi) . . . buusu;
 Liyo kupa lutangalo . . .

Kovuuluka a kusukana maanza a muntuumwi, amba, “Ndili kkomene kuba kokuno a nduwe, cifumo cino.”

Ko Li tolelela kumasena oonse nkoya.

Zina liyandisi, O mbolili bbotu! (Leza aku
 longezye, Ben.)
 Bulangizi bwa nyika a lutangalo lwaku Julu;
 Zina liyandisi, O mbolili bbotu!
 Bulangizi bwa nyika a lutangalo lwaku Julu.

Lino, amu swiilile kuli eci eno, eno amwiimbe munzila eyi:

Kotolelela Zina lya Jesu a nduwe,
 Mbuli ntobo kuzwa ku tooze toonse;

Lino amu swiilile kabotu.

Cindi masunko aku bungilila.
(Cita nzi?) Koamba Zina eelyo lisalala mu
mupailo.
Zina liyandisi (Zina liyandisi), O mbolili
bbotu!
Bulangizi bwa nyika a lutangalo lwaku Julu;
Zina liyandisi!



KUTONDEZYA IJWI LYAKWE TNG64-0816

(Proving His Word)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Nsondo kuseeni, Ivwivwi 16, 1964, ku Branham Tabernacle mu Jeffersonville, Indiana, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org